

MARTINI LISTER
E
SOCIETATE REGIA
LONDINI
HISTORIÆ
ANIMALIUM ANGLIÆ
TRES TRACTATUS
UNUS DE
ARANEIS.
ALTER DE
COCHLEIS
Tum Terrestribus tum Fluviatilibus.
TERTIUS DE
COCHLEIS MARINIS.

*Quibus adjectus est Quartus de Lapidibus ejusdem In-
sule ad Cochlearum quandam imaginem figuratis.*

Memoria & Rationi.

LONDINI,
Apud Joh. Martyn Regiæ Societatis Typographum, ad insigne
Campanæ in Cœmeterio D. Pauli, 1678.



*Bibliotheca Ashmoleana donavit Reverendus admodum
Vir Raulphus Baskurst S. Th. & M. D. Coll. Trin. Præses.*

MARTINUS LISTER

SOCIETATE REGIA

1821

HISTORIA

A. MARTINUS LISTER

ETTES TRACTATUS

LIBRI DE

ANALYSIS

ALTER DE

COCHLEIS

LIBRI DE

COCHLEIS MARTINUS

LIBRI DE

LIBRI DE

LIBRI DE

LIBRI DE

LIBRI DE

LECTORI S.

DEcennium est, ex quo plurima nostra Insula Insecta descripsi; atq; ex iis cum Araneos, quâ ferè nunc sunt methodo, disposuisssem, eorum specimen non ita diu pàst publici juris feci. At nè animi quidem impetum in hæres celabo: etenim, cum olim otio idoneo fruebar, in agrum Lincolniensem me contuli; ubi non horas tantum, aut dies aliquot, sed menses bene multos in harum minutarum bestiolarum investigatione totus impendi. Harum autem descriptiones per proximam hyemem recensui. Cum verò Araneorum genus & specierum numero, & vitæ ratione præ ceteris insignis mihi visum est, illud inprimis selegi; & quantum per negotia liceret, in hunc usq; diem subinde aliquid novi adjiciendo adauxi. Reliquas autem Notas ferè neglexi, universo Cochlearum genere excepto; quod in eandem methodum similiter compegi, atq; illi subjungendum esse putavi, ut simul ederentur. Atq; hæc quidem de Operis origine.

Illud autem in hoc Opusculo præcipuè insti-

Ad Lectorem.

tui; nimirum singulorum Generum Bestiolas, quam accuratissime in species diducere; cuius illa certe singularis utilitas esse possit; ut, si quæ in posterum præclara experimenta de his Animalibus aliorum industria confecerit, ea tunc huc referri possint, suisque quaque locis rectè disponantur. Mihi interea illud satis superque est, ea primum nostra Animalia seculo indicasse rerum Naturæ studiosissimo. Qui verò simile opus aggressi fuerint, ii tandem intelligant, quantum sudavimus, resque adeo minutas, vel extremâ lineâ certò cognoscere, esse aliquid.

Cum autem pleraque, quæ hîc habentur, ad fidem sensus referri possint, in id maxime incubui, nè ipse primum deceptus, posteros in errorem ducerem. Summam sanè diligentiam adhibui, ut veras species distinguendo, non multiplicando citra necessitatem, singulas, minutissimis licet, fidissimis tamen Observationibus, quæ ad animalium mores vitamque spectarent, exornarem.

Alicui foriè in Descriptionibus nimius esse videbor; nam reliquas Notas quod attinet, eæ in singulis speciebus omninò propriæ & peculiæres sunt. At ea fateor multo plura fuerunt, quam nunc sunt; siquidem multa à me præcisa & repurgata sunt: quæ verò supersunt, non utique videntur omittenda, aut supervacua.

Scribendi

Ad Lectorem

Scribendi autem rationem quod attinet, scire licet, eam ipsis rebus non extrinsecam esse & arbitrariam, sed à propriis earum naturis desumptam, iisq; maximè convenientem, atq; adedò memoriae rationiq; summopere utilem.

Præterea illud de Araneis monere debemus, universas sc. descriptiones ad fœminarum Exemplaria factas esse. Nam & hæ multo sæpius occurrunt, quàm mares; & in his notæ characteristicae, ob summam picturæ elegantiam, maximè illustrantur.

Rursus omnium ferè Animalium figuras coram me delineandas curavi; ut optimus artifex, non suum tantum conceptum, ut fieri solet, exprimeret; sed, quò faciliùs acciperet, quæ uniuscujusq; speciei maximè depingendæ essent Notæ, eas primùm digito indicavi. Nam in his hominibus, quæ aliàs laudabilis, nunc nè concedenda quidem licentia est; siquidem non hîc quid in positu, aut animalis figura jucundius; sed quid ei vivo simillimum sit, & quo promptiùs rectiùsq; à reliquis discriminetur, præcipuè desideratur. Id quod maxima ex parte præstitum esse confido. Aliquot, fateor, & me malè habet, è multis Picturæ desunt; quòd ipsa animalia, cùm Pictor mecum adfuit, habere non potui: at eæ admodum paucæ sunt, sc. asteriscis in Tabulâ notatæ.

Postremò,

Ad Lectorem.

Postremo, etiamsi libri Titulus Araneos Coch-
ledsq; Anglia ferat, nolo tamen aliquis existimet,
aut horum generum Bestiolas omnes nostras omnino
me conscripisse, aut illas esse nostras tantum, atq;
huic Insulae peculiare, ac si non alibi terrarum
inveniantur. Illud tamen audacter affirmo, ne-
minem apud nos ullam novam speciem à me non
descriptam temere invenire posse: quot verò di-
ligentiam nostram effugerint, alii videant. Item
illud aliterum propriis ipse oculis aliqua ex parte
didici, ex nostris sc. bestiolis aliquas species
cum transmarinis Europæis communes esse; imò
nullus dubito, quin bonam etiam partem hujus
generis animalium totius Europæ comprehendat.
Atq; ea Latine et vulgari idcirco volui.

ARANE.

ARANEORUM ANGLIÆ

LIB. I.

De Araneis in genere.

CAP. I.

De Araneorum partibus tum externis tum internis.

1. **T**Elis, ab ipso ore procedentibus, universi ^{Tela} Aranei donantur; at ea duorum, sicut ipsi aranei, generum sunt: vel enim ex duobus spiculis in modum forcipis hamatis constant, ut omnibus Octonoculis; vel ex duobus brachiis forcipatis, sive in binos digitos ductis, more Cancrorum marinorum, ut Binoculis: ab illis verò ictus venenatus & perniciosus, quòd iis tela admodum tenuia & angusta sint, & quæ facillimè in corpus penetrent & altè insideant; ab his fortè innocuus morsus, quòd ea obtusa & vix ad ictum inferendum nata.

Eorum autem, cujuscunq; generis sint, substantia ferè crustacea & fragilis est.

Maribus binoculorum Tela in acuta genicula eminent.

Utriusq; generis maribus Tela & majora & validiora sunt, duplicemq; iis usum præstant, ad vim inferendam, ut in arripiendis & occidendis Muscis, aut illatam vim repellendam ulciscendamve.

B

2. Item

Cornicula.

2. Item universis Araneis binæ Antennæ sive Cornicula sunt; hæc proximè supra Tela capiti inserta; hæc, perinde ut pedes, è quibusdam juncturis constant.

In fœminis Octonoculis & utriusq; sexûs Binoculis ferè æquali crassitie sunt; in maribus verò Octonoculis ea extrema velut quibusdam capitulis sive nodis turgent; in maribus autem Phalangiis iidem nodi latiores & magis depressi.

In universis certè ad blandè palpandum data; an verò alius eorum usus sit, me non satis perspicere fateor. Vt uterq; Penis sit, vel è quo penis exeritur in maribus Octonoculis, & alternatim in coitu adhibitus, aliquando existimavi; an rectè id quidem, alii mecum videant.

Capit.

3. Ipsum a. Caput nullâ incisurâ ab humeris pectoréve discernitur; in plerisq; verò Octonoculis ipsis humeris inseritur in modum literæ Romanæ V, cujus basis frontem indicat.

Oculi.

4. Oculorum, magnitudinem quod attinet, multiplex differentia est; at his numerus tantum vel octonarius vel binarius, an senarius in ullo inveniatur, multum dubito; certè in Phalangiis id minimè verum est.

In nonnullis omnes oculi æqualis magnitudinis sunt; in aliis in triplicem ferè diducuntur.

Eorum etiam situs maximè diversus est, ut aliam atq; aliam figuram constituent.

Item his color non unus; qui tamen ferè niger, interdum purpurascens, rufescens aut viridis.

Horum autem usus non ad prædam tantum commodius discernendam, sed in reticulis etiam conficiendis insignis est.

Pedes.

5. Octo pedes pectori inferuntur; horum verò longitudinem quod spectat, multiplex varietas, neq; in hac re cedunt oculis. Nam ex his alii priores pedes, alii postremos, alii secundos longissimos habent: deinde in aliis primi

mi & postremi quatuor intermedios ; in aliis quatuor primi totidem posteriores longitudine superant : rursus in nonnullis alternatim disponuntur, ut secundi primos, & quarti tertios excedant. Quorsum hæc inquires ? respondeo, eadem Muscas & reliqua insecta capiendi necessitas pro victu, in varios modos Naturam coëgit.

Omnibus araneis internodia terna in cruribus.

6. Alvus notabili incisurâ à pectore dividitur ; neq; id *Alvus.* tamen perpetuum est : nam binoculi aranei excipiendi sunt ; quorum corpus integrum esse videtur.

At alvi figura supra omnia accidentia in maximam varietatem discriminatur ; ejusq; pictura innarrabili elegantia delineatur.

7. Ani appendices non obliviscendæ ; quæ an Fistulæ *Ani appendices.* sint ad multorum filorum simplicium simul commodiorem emissionem, vel ad Telarum tantum artificium, (nam huc illuc, dum ab ano deducitur, iis impulsu rectumq; vidimus) an ad utrumq; conducant, adhuc incertus sum.

8. Alii aranei ferè glabri sunt, alii pilis contexti : alii *Pili.* cutem molliorem, alii ferè crustaceam habent. *Cutis.*

Atq; hæc hætenus de partibus Araneorum externis : quæ verò sit partium internarum configuratio, ut certò explicem, animalium extrema parvitas prohibet.

9. Nonnulla autem conjecturalia proponam : ut de Utero, *Uterus.* qui vel unicâ cellâ constare imaginandus est, in his sc. qui semel ova sua cuncta pariunt ; aut in duas pluresve cellulas distingui, quibus sc. partus multiplex & tempore inæqualis est ; duosq; pluresve Folliculos ovis repletos subinde conficientibus.

10. Item Intestina non similiter in omnibus configurari ; *Intestina.* nam alia existimanda sunt in Octonoculis, quibus sc. excrementa liquida, & alia in Binoculis, quibus eadem figurata & dura sunt ; siquidem idem utriusq; generis araneis ferè promiscuum victus genus è muscis aliisq; insectis.

II. Porro Fili conceptaculum in aliquibus deesse videtur, ut in Binoculis; in Oñonoculis verò vel duplex est, vel datur etiam filum uterinum. Nam à multis araneis duplex filum, & colore & aliis accidentibus planè distinctum, procedit; huic autem posteriori sententiæ illud fidem facit, quod ferè circa partum hoc alterum prodit observandum.

De iis autem visceribus, quæ in Pectore insunt, nè suspicandi quidem locus datur.

C A P. II.*De generatione Araneorum.*

A Ranei omnes ovipari sunt. Coïtu foecundas fieri nihil dubii est; siquidem suis cuiq; foeminæ mas sub partûs tempore adest, vitâmq; tum quasi conjugalem degunt; at id copulandi tantum, neutiquam nidificandi, aut Araneolos nutriendi gratiâ fit. Etenim Coïtu peracto discedit mas, nec unquam aut certè admodum rarò postea conspicitur cum foeminâ; etsi multiplicem quidem partum ex certis & non brevibus intervallis illa sæpius per æstatem edat.

Aranei non pariunt, donec ad justam magnitudinem perveniant; quod ferè fit intra annum aut plurimum biennium. Illud certè in singulis speciebus sub partûs tempore observare licet; quòd, qui nidificant, cujuscunq; speciei sint, ferè omnes ejusdem magnitudinis sunt, nec majores facillè reperiantur uspiam.

Ferè minimi aranei pauca ova pariunt; majusculis verò admodum numerosus partus; ex his certè quibusdam possint esse ultra mille ova in una æstate.

Ova.

Ova univerſis araneis ſphærica & perfectè rotunditatis ſunt.

Ovis cortex mollis, membranaceus, pellucidus: intus humor unicolor in ejuſdem ſpeciei araneis; at diverſicolor in diverſis eorum ſpeciebus; qui etiam cis corticem apparet; eſq; ſerè albidum, interdum ſubluteum, aut pallidè cæruleum, aut pallidè purpuſcentem colorem dat.

Magnitudine multum inter ſe diſcrepant ova; in paucis æquant ſinapi ſemina; in pleriſq; verò ſerè ad papaveris albi ſemina accedunt.

Ova pauca aut nulla à partu nudè & ſine omni tegmine relinquuntur: ſed alia membranacei ſive linteiformes Folliculi includunt; aliis verò laxiora fila ad modum lanæ carminatæ circuminſcuntur: item alia inter ſe cohærent in modum pilulæ, ſerè ad lupini figuram depreſſæ; in his verò unus ovorum ordo alteri ſuperinſcitur, firmiterq; inter ſe tota ovorum compages conglutinatur: alia ruptis membranis diſſuunt.

Aranei ovis non incubant; neq; enim eorum tactus, ut in pennigeris animalibus, tepifactivus eſt; his extremam cutem frigeſcere, more ſerpentum, exiſtimandum eſt: ex his tamen nonnulli ſunt, qui aſſiduè eorum ovis inhærent, aut aliàs ſecum ea geſtant; ſed ea fætûs cura, non ſotus aut incubatio eſt.

Tempus ab ovorum partu ad araneolorum excluſionem in pleriſq; ad vigefimum primum diem extenditur: id tamen non eſt perpetuum: nam ex his ſunt, qui ad Septembrem menſem parti, per brumam ad primum uſq; ver, & in aliis nonnullis paulo tardiùs, in ovis permanent. Verum in his poſterioribus non ſatis conſtat, quot diebus opus ſit, à maturationis momento ad fætum edendum; ampluribus, vel totidem tantum, quot jam numeravimus: mihi ſanè durum eſt exiſtimare, ova per tot menſes continenter matureſcere.

* *Hist. Animal.*
lib. 2. cap. 27.

Ut autem ipsa Ova vermiculi sint, ut vult Aristoteles *; aut ipsi araneoli intus aliquando sint in ovis in formâ vermiculorum, minùs verisimile est: ex ovis certè ii integri eduntur, & in singulis membris sibi similes.

C A P. III.

De Fili natura, ejusq; emittendi ratione.

ARaneis proprium est, etiam statim ac nati, filum ab ano emittere: at non omnibus; nam de Binoculis id ita esse nondum mihi certò constat: id autem affirmare videtur Mouffetus noster; & mihi levis suspicio est, quòd in fœtus curâ ita esse possit: illud tamen maximè obstat, ipsos binoculos nullâ injuriâ excitari posse, ut filum ostendant, perinde ut sit in octonoculis omnibus.

Mares quoq; non aliter quàm fœminæ, licèt id multo rariùs, & fila projiciunt & interdum reticula texunt.

Fila autem emittendi ratio veteribus ferè incognita est; & à me, quantum scio, primùm observata, & ante aliquot annos Anglicè evulgata est in * *Transactionibus Philosophicis* dictis Clarissimi Dnì *Oldenburgh.* Illud tamen non filendum duxi, esse apud ipsum Aristotelem non leve hujus rei indicium, quod tamen adeò obscurum est, ut id multos etiam doctissimos interpretes non parùm exercuerit. Verba ejus hæc sunt, * "Aranei statim cùm editi sunt, fila mittunt, non intrinsecùs tanquam excrementum, ut Democritus ait; sed extrinsecus de suo corpore, veluti corticem, aut more eorum, quæ villos suos ejaculantur, ut Hystricis. Ita Plinius * ea verba transtulit Latinè. Operis materiæ Uterus (i. e. alvus five venter, ut rectè F. Redi) aranei sufficit: sive id ita corrupta alvi natura

* n. 55. p. 2103.

* *Hist. Animal.*
lib. 2. cap.

* *H. N. lib. 11.*
cap. 24.

tura statò tempore, ut Democrito placet, sive est quædam intus lanigera fertilitas. Ut alios multos interpretes recentiores omittam, sic nuper F. Redi in hunc locum. "Erravit Aristoteles contradicens sapientissimo Democrito, cum in eâ opinione fuit, Araneos telam suam non deducere ex partibus Uteri internis, sed externis totius corporis, ac si materia fili lanugo quadam esset, corporis exteriora per modum corticis ambiens.

Quicquid sit, licet hæc verba valde obscura sint, si de loco aut fili materia interpretentur; in iis tamen filum mittendi modum rectè explicuisse videtur summus Philosophus. Nam aranei quidem fila sua non aliter, quàm Hystricæ villos de suo corpore vi quædam ejaculantur: in eo differunt, quòd cum illi ab hystricis corpore omnino soluti è longinquo ferantur; araneorum fila, etiamsi longissima emissa, adhuc tamen intra ipsius bestiolæ anum adherent, ut radii ad solem. Atq; ad eundem modum non tantum araneoli; sed omnes omnium ætatum, specierum, certè ex ostonoculis, & sexûs fila emittunt.

At non unum tantum & simplex filum, ut ante nos expositum est, ab ano emittunt; sed sæpius plurima simplicia fila simul ejaculantur, velut totidem micantes radios ad Cometæ caudam. An ipsius ani Appendices in aliquibus araneis, velut Tubuli, huic multiplici filo aliquid faciant, aliàs videndum est.

Filum autem quodq; singulare omni ferè pilo tenuius & exilius est: illud tamen non simplex & planum, sed ramosum & carminatum esse vult P. Blancanus apud F. Redi. Fortè multiplex filum pro ramoso sumpsit: mihi certè unumquodq; filum & læve & tersum videtur.

** De Gener. Insect. Editionis latinæ pag. 177.*

Filorum una continuitas est, sive ea ejaculatione spontè emittant, sive vi & nolente animali manu educantur. Ea autem modò abruptunt ipsi aranei, modò in exiguos glomerulos niveos, prioribus sc. pedibus celeriter supra caput

put circumactis, recolligunt. A priore illâ ratione penè infinita illa filorum simplicium multitudo, ubiq; per terram sparforum, oritur.

Sed quod omnem fidem superat ; & de quo omnino nulla mentio apud antiquos aut recentiores est, Araneolos, aut mediæ certè ætatis & magnitudinis, nam adultos in aëre me nunquam observâsse memini, fili auxilio se committere leni auræ, ascensumq; in aërem pérq; summas nubes moliri : Illud certè verissimum est, eas longè extra conspectum meum evectos fuisse, etiamsi supra celsissimam Turrem aliquoties de industria contemplerer.

Ad Octobrem verò mensem hanc exercitationem maxime frequentant; quamvis per totum annum, etiam mediâ brumâ, si quando per id tempus sol clarè splendescat, & tranquillus aër sit, hujus quidem ejaculationis non paucos effectus per agros pérq; sepes non rarò animadverti.

Item illud addam, in istis longissimis filis aëreis, jam in funes crassiores, sed inæquales implicatis, à longis fortasse in aëre vectionibus, Mulcas casu an de industriâ irretitas me sæpius notâsse.

Filorum a. validâ ejaculatione jam cognitâ, facile intelligemus modum, quo aranei inter duas ex longo intervallo distantes arbores, aut trans amnem aliquem reticula suspendere possint. Id quod antea quàm difficile erat explicatu : vide apud Mouffetum & F. Redi.

Est etiam alia non minùs admiranda Proprietas, nimirum quòd Aranei, quæ emiserint fila, ea intùs reducere possint : de quo vide Experimentum infrâ. Itaq; his in posterioribus duplicem dari potestatem videtur, illi pulmonis in sanguineis animalibus, qui motu reciproco spiritum attrahunt & emittunt, haud dissimilem. In quæstione verò, ubi quæritur, an filorum materia intùs sit, veluti liquida visci massa, aut fili jam figurati conglomeratio ? Huic quidem posteriori sententiæ faveret ista fili reciprocatio.

At

At fili materiam ejusq; Conceptaculum quod attinet, equidem id succum corporis singularem esse existimo, suôq; ferè proprio vase contineri, ut in Erucis.

Filum a. ex aqua communi coctum, non liquefcit; ut, ne igne quidem, si torreatur. Flammam non concipit; sed gummi instar glutinosam retinet naturam.

Fila quidem recenter educta viscida esse videntur, aut certè viscido quodam humore infici; an verò denuò illinantur, ut vult Moufetus noster, dubito. Illud quidem rectè exposuit, eorum materiam esse lentam, glutinosam, sequacem; nec siccitate nec humore ea tenacitatem suam amittere.

Filo autem non unus color; ferè aëreus & pellucidus, quo faciliùs incautæ Muscæ fallantur; est etiam ei subpurpureus, subcæruleus, subviridis. Neq; verò fili una natura est; nam quod molle est, quod asperum, quod tenue, quod crassius vidi: idq; quod magis miror, ab eodem araneo sub partûs tempore; an ideo alterum ab utero, alterum è proprio Conceptaculo exeat; aut idem humor in diversis partibus ejusdem Ductûs alium atq; alium colorem & naturam obtineat?

De diversâ Textrinæ ratione aliàs infrâ fusiùs acturi sumus; neq; ut hîc ea jam memorem, opus est. Illud tantum reprehendendum est in Moufeto aliisq;, ubi asserit, Araneolum quemq; nendi & texendi rationem à parentibus edoceri, & cum ætate peritiâ acquirere majorem. Cùm hæc pedum fatalis scientia, hic naturalis instinctus sit, nihil dubii est. Certè donec cum matre in nido permanent, nihil texunt; & præter victum nihil curant aut animadverunt.

Araneolos è nido desumptos fila emittere verum est, præcipuè si quâ injuriâ laceffantur: at id non reticuli conficiendi causâ, sed ut effugiant, fieri consuevit.

Illud autem perpetuum est, Araneolorum retia æquè
C elegantia

De Araneis in genere.

elegantia atq; natu majorum sive adulatorum, unoq; eodemq; ipsissimo artificio & formâ confici per singulas omnium ætatum species. In eo verò discrimen, quod fortè Moufeto imposuit, ab araneis parvis parva reticula fieri, à senioribus & majoribus ampliora, atq; ita secundum corporis incrementum, retia quibuscumque proportionari. At hoc verum est tantum de ejusdem speciei araneis; nam sunt è mediocribus, quibus retia longè ampliora sunt, quàm è majusculis ulli.

C A P. IV.

De Vernationem exuendi ratione.

Senectutem exuere araneos omnes Antiqui prodiderunt, & nostra observatio abundè testatur. An verò id soli octonoculi faciant, aut etiam binoculi, mihi nondum satis constat.

Illam verò quotannis sæpiùs, immo singulis mensibus, si benè pasti fuerint, exuere, ut Moufetus noster perhibet, minùs verisimile est: siquidem his eadem ratio esse videtur in senectute exuendâ, atq; avibus in plumis aut quadrupedibus in pilis & cornubus: illis verò cunctis ea semel in anno cadere satis est.

Araneoli quidem, paucos post dies à Nativitate, cuticulam exuunt: Et si deinde aliam atq; aliam cuticulam, secundum eorum incrementum, imò eò usq; donec ad justam eorum magnitudinem pervenerint, sc. intra aliquot menses aut annum exuere putemus; ut in Erucis fieri notum est; hoc fidem Moufeto eatenus tantum dabit: id verò in adultis ita fieri, haud libenter concedo.

Illud

De Araneis in genere.

11

Illud autem perpetuum est ex nostrâ observatione ; nimirum sub initium novi victus vernalis unicam vernationem in singulis Telis reperire licere ; & si per plures menses in eâdem Telâ permaneant, quod plerisq; speciebus mori est, vix & ne vix quidem secundam invenies.

Integram cuticulam exuunt, etiam Telis non exceptis, quæ ferè crustacea sunt, ut jam dictum est ; per pectus autem ea finditur, sed quo usq; attendendum.

Omnes Cuticulas, quas per totam vitam exuturi sunt, iis subesse à prima statim generatione, verisimillimum est.

C A P. V.

De Araneorum victu & venandi ratione : ubi etiam de vespis Ichneumonis araneorum hostibus.

Plerisq; araneis, retium certè & telarum Textoribus, ferè promiscuus victus est, ex omnigenis Muscis ; siquidem eorum venatio & præda fortuita est.

Attamen ex his etiam sunt, quibus hæc, quàm illa magis grata est Musca ; ideoq; loca telis frequentant, ubi id genus muscæ faciliè reperiantur. An verò Venatorii aranei, ut lupi & phalangia, hoc vel illud muscarum genus præcipuè insectentur, mihi nondum observare contigit.

Cibo sui generis utuntur, ut rectè Aristoteles ; atq; adeò possint etiam Lacertas aliòsve serpentes interficere, ut Plinius perhibet : sed nostrorum araneorum, quod scio, tantus animus non est.

Illud verissimum est, eos quolibet muscas occidere, non inermes & imbelles tantum ; sed vespas etiam & prægrandes quascunq; Apes, Tabanos, aliâq; insecta perniciola, ut Scolopendras.

De Araneis in genere.

Item ex his sunt, qui araneorum ova depascunt; ipsos quoque araneos vel sui vel alterius generis arripiunt; etiam cum sui juris sunt, & liberè venantur, & non custodià vexati.

Araneus quisque suo victitat labore; mas suo, suoque foemina.

Solo muscarum succo, si illarum cadavera rejecta inspicias, vesci videntur: sin autem eorum excrementa quoque probè examines, in iis etiam particulæ corticum muscarum non paucae insunt: duriorque crusta, commune Muscarum tegumentum, in causâ ex parte esse possit, cur non ex toto id devorent, quod edunt. In Cancrorum certè marinorum & Locustarum ventriculo infecta marina integra devorata vidi; ipsæ autem hæ bestiolæ, ex infectis sunt; & ad araneorum genus quàm proximè accedunt.

Aranei nihil recondunt, quod diu sine cibo vivere possunt; per hyemem verò ex toto abstinent, & ne victum quidem quærunt; ipsique ut plurimum per id tempus telis involuti conquiescunt; at non torpidi interim, sed æquè agiles, ac cum foràs prodeunt venatum.

Omni etiam anni tempore jejunium diutinum ferre possint; calidis quoque regionibus etiam per æstatem, non solum cum hyems eos necessario cogat. Araneos, inquit F. Redi, tam masculos quàm foeminas vasis vitreis excepi; longitudinem vitæ sine alimento inter alia observavi; nonnullis à 15 Julii, quo die capti erant, in finem usque Januarii producentibus.

At Aranei non omnibus Muscis (ut id obiter hic notem) adeò terribiles sunt; quin ex Muscis aliquæ sunt, quæ ipsos etiam araneos interficiant; ut quædam Vespæ à veteribus *Ichneumones* dictæ; à Moufeto autem nostro eadem *Musca tripiles* appellantur; quod ex iis pleræque ab anno perpetuò exerto aculeo, inter duas appendices, vagina usum præstantes, medio, insiguntur.

Quod

Quòd autem id genus Muscæ araneorum ova depa-
 ſcunt, inq; ipsis eorum Folliculis ideo suum fætum pari-
 unt, in altero libro non uno sub Titulo demonstravimus.
 Quæ quidem observatio malè intellecta, Vesparum Ich-
 neumenôn Fabulæ, apud veteres adeò decantatæ, benè
 locum dare potuit. De quâ re ita Aristoteles * *Vespæ*
 * *Ichneumones nuncupatæ, minores quàm cæteræ sunt,*
 * *Phalangia perimunt, occisq; ferunt in parietinas, aut*
 * *aliquid tale foramine pervium; deinde illinunt luto, atq;*
 * *ex iis incubando suum procreant genus.*

** Hist. Animal.
 lib. 1. cap. 20.*

At araneorum Ova non tantùm id genus Vespis victui
 sunt, dùm in Vermiculo; sed ipsi etiam aranei ab iisdem
 vespis insectantur, ut rectè Aristoteles: Quod egomet non
 sine summâ admiratione & delectatione observavi, aq;
 alii mecum recentiores viri, hujus rei idonei testes.

Goedartius Batavus sic. * *Musca hæc, cujus figuram*
 * *dâmus, inquit ille, acerrimus est araneorum hostis, &*
 * *singulari antipathiâ eos persequitur, atq; occidit; cùm*
 * *reliquæ muscæ araneorum reticulis strangulari soleant, iisq;*
 * *pro cibo inservire. Expertus sum muscas prædictas, dum*
 * *aranei muscarum capturæ student, in medio reticulorum*
 * *suorum muscas advolaturas expectantes, eas mædias arri-*
 * *pere, & lethali vulnere afficere. Quod ubi animadver-*
 * *tunt aranei, subitò se in terram, filo quodam appensos*
 * *dejiciunt; sed sequuntur muscæ & singulos araneorum*
 * *pedes ordine quodam confringunt, tandem plenâ jam a-*
 * *deptâ victoriâ, cum gaudio corpus aranei ambiunt aliquo-*
 * *ties, præ gaudio quasi exultantes. Id factum ter obser-*
 * *vavi, posteaq; muscam cum araneo jam mortuo avolantem*
 * *vidi. Hæc Goedartius.*

** Hist. Insect.
 par. 1. hist. 58.*

Illa autem observatio de araneis-retium textoribus facta
 est; at Bellonius apud Aldrovandum etiam de Phalangio
 similem refert. * *Animalculum est è vesparum genere, quod*
 * *Ichneumon Vespa appellatur: bellum internecinum ha-*

*Bellonii lib. 2.
 Observ. cap. 22.
 apud Aldrov.*

De Araneis in genere.

bet cum phalangio ; cum verò eorum. pugnam vidimus,
 ipsam commemorare libuit. Insecti genus est, sanguinis
 expers, formâ Apis sive Vespæ, vel magnæ formicæ alata
 perquam similis, vespâ tamen minus, in terra etiam suum
 latibulum quemadmodum Phalangium faciens. Superat
 Phalangium quodcumq; id extra suum latibulum inveni-
 re potest; at si in latibulo id adoriatur, sæpenumero re
 infectâ redit. Accedit, ut Ichneumon Vespa Phalangium
 è suo latibulo egressum corripere, atq; post se traheret,
 quemadmodum formica tritici granum ; idq; quò volebat,
 impelleret, tametsi non sine magnâ difficultate. Nam Pha-
 langium pedum uncis obvia quæq; apprehendens, quan-
 tum poterat, renitebatur. Ichneumon verò suo aculeo,
 quod instar apis exerit, variis in locis ipsum pungebat. De-
 fessus autem istâ pertractatione avolavit hæc illac ober-
 rans ad balistæ ferè jactum : deinde suum phalangium re-
 quirens, nec quo reliquerat loco inveniens, ejus vestigia
 sequebatur, quasi illa odoraretur, non minùs quàm canes
 leporum vestigia. Deinde inventum plùs quàm quinquagies
 aculeo pupugit, rursusq; pertrahens, quò voluit, perduxit,
 isticq; planè confecit. Hæc Bellonius.

C A P. VI.

De Araneorum veneno.

Anglia, ut opinor, frigidiorèsq; regiones minùs ter-
 ribiles araneos edunt. At nobis nostra etiam phalan-
 gia sunt ; quorum utiq; atq; universorum quoq; cætero-
 rum octonoculorum morsus perniciosi habendi, pertime-
 scendiq; sunt.

Illud

Illud experimentum Clarissimo Harvæo nostro debemus. * "Ipsemet, inquit ille, aliquando experiendi causâ, manum acu pupugi; mox eandem acum Aranei dente "confricans, manum alio loco perforavi, nec potui quicquam "discriminis inter duas has punctiunculas internotare: erat tamen in cute, quod discerneret, quippe eodem loco ubi venenata punctio contigerat, subito sese in Tuberculum contraxit, induitq; mox ruborem, calorem, atq; inflammationem; tanquam ad pugnam & noceentis mali expugnationem se roboraret & accingeret.

* De generat. animal. exercit. 57.

Aranei verò intra stomachum recepti, sive is humanus sit, de quo insigne testimonium perhibet Moufetus*; sive alius cujuscunque animalis, non similiter nocivi; ut non gustu quidem sed in vulnere noceant. Aviculis certè plerisque in deliciis sunt; etenim hæ omnigenos araneos indiscriminim arripiunt; cuius rei observandæ causâ aviculas in Caveis nutriti. Quòd verò alvum aviculis moveant, eamve liquidiorē reddant, quantum nos observavimus, minus verum est; summam sanè alacritatem post id genus victum semper demonstrarunt.

De Insect.

pp. 227. 237.

Ex parte id quoq; eorum innocentiam probat, quòd ad recentia vulnera araneas i. e. eorum fila adhibuerunt antiqui. Glutinat vulnus (inquit Celsus) si levis plaga est, aranea: Recentiores etiam ad idem humorem ex eorum corporibus stillatitium pro secreto habuerunt; adeò proficiuus existimatus est.

Item illud accedit, eorum ova etiam à delicatulis Stomachis frequentissimè devorari innoxie, scilicet cum ceraso fructu aut aliàs in quovis olere; inscianter tamen, ut infra ostendam.

De morfu verò Tarantulæ sive Phalangii Apuli, reliquorumq; omnium araneorum exoticorum nostri non est instituti aliquid scribere. Adde quòd iste effectus, ejusq; curandi ratio, ut merum figmentum, à doctissimo indigenâ

* Philosoph.
Transact. n.
83. p. 4066.

digenâ * ex toto rejicitur. At si qua res sit, illud tantum quæro, an ista nociva bestiola Phalangium sit nec ne ex nostris notis characteristicis diligenter examinatum: si sit, hominem morsum continenter saltandi desiderio affici non adeò miranda res est, siquidem iste ingrediendi mos est id genus araneis; similiter homines à canibus rabiosis morfos velut canes latrare proditum est. Atq; adeò istud saltandi desiderium, si quando torpeat, à mulicâ excitari verisimile est; & per accidens sudorem vehementer movendo, ad curationem multum facere possit.

C A P. VII.

Ubi nonnulla de Araneis in genere habentur à veteribus & recentioribus tradita, quæ partim dubia, partim falsa sunt.

1. **A** Raneos lanis inclusos Tinearum generationem augere. Aristot.
2. Averfis clunibus araneos copulari. Arist. Plin.
3. Araneos quosdam unicum colore niveo Ovum parere, portarèq; sub ventre, & per vices incubare, mare subinde foeminam juvante. Mouf. N. B. prius verum est, si de folliculo intelligatur; posterius omnino falsum.
4. Quemq; Araneolum propriam Telam texere discere à matre: Item alibi, nendi & texendi rationem à parentibus edoceri: Item, omnes araneos retiariorum telariosq; cum ætate peritiam acquirere majorem. Mouf.
5. Ovis per triduum incubare, mensèq; lunari prolem perficere. Aristot. Plin.
6. Lacertas & serpentes occidere.

7. Araneos

De Araneis in genere.

17


7. Araneos interimi à suis liberis. Arist. Plin.
8. Ova ab initu intra septem dies consummari & con-
crescere. Arist.
9. Vespas Ichneumones ex Phalangiis mortuis suum in-
cubando procreare genus. Arist.
10. Aranei pariunt Vermiculos ovis similes. Arist. Plin.
11. Pedes posteriores primis semper breviores habere.
Mouf.
12. Sereno, quando volutant Muscæ, non texunt, ut
aucupio vacent. Mouf.
13. Conjugio vicarias operas subire. Mouf.
14. Phalangiorum paucos, fortè nullos, texturam ex-
ercere. Mouf. quod catenus falsum est; quod omnes ad
hyberna telas conficiunt.
15. Araneum minutum coccineum sex tantum pedes
habere. Mouf.
16. Nullis filis per transversum actis, ex arctissima qua-
dam villorum in longum continuitate spissam Telam con-
cinnare quosdam araneos. Mouf.
17. Araneos, ut adoleverint, matrimonia contrahere,
nunquam nisi morte interitura. Mouf.
18. Senectutem singulis mensibus exuere. Mouf.
19. Generari araneos aliquot ex feminibus aëreis situ &
corruptione putrefactis. Mouf.
20. Hiberniam & Angliam non videre, aut non diu
sustentare Phalangia. Mouf.
21. Araneos Angliæ permultos intus devoratos nocere,
morsus tamen eorum veneni expertes, & nemini lethales,
uti omnium Phalangiorum. Mouf.
22. Araneos domesticos morsus inferre inanes, titillati-
oni quàm dolori propiores.
23. Gallas araneos producere. Matthiol.

C A P. VIII.

De Medicamentis ex Araneis.

- E**X quovis humore maceratos Febres arcere.
 2. Aranei ex oleo vel rosâ cocti ad aurem dolentem.
 3. Idem ad oculorum albugines & fluorem.
 4. Ceratum ex araneis umbilico adhibitum, ad uteri suffocationem.
 5. Idem ad lienis dolorem tumoremq; Plin.
 6. Item ad Furunculos impositum araneum.
 7. Ex rosâ ad lactis coagulationem.
 8. Item ad podagram & serpiginem ex emplastro.
 9. Araneas frictæ alligatas vulneri, sanguinem sistunt.
 Cels. Plin.
 10. Item ulcera curant, conglutinant, sanie prohibent, inflammationem arcunt.
 11. Item ad narium hæmorrhagiam, ad menstrua intus forisve date.
 12. Quidam cinere Telarum ad eadem uti malunt.
 13. Ova araneorum ex oleo nardino denti dolenti adhibita. Galen.
 14. Eadem ad Tertianam propinata.

Tab 1




4

pag. 21.



9



15

16



*



20

21



27



35

34

*



10



11



12



13



14



17



18



19



20



22



23



24



25



26



28



30



31




32



33



35



36




37



38



10



15



*



20



21



27




35



34

*

21



25



ARANEORUM ANGLIÆ

LIB. II.

PARS I.

De Araneis Octonoculis.

SECTIO I.

De Araneis Muscarum prædatoribus in Reticulis.

MEMBRUM I.

De Araneis reticulorum scutulatorum Textoribus.

CAP. I.

De Araneis Reticula scutulata textentibus in genere.

IS Araneis, qui cæteris excellunt in Retium eleganti opere, primum locum meritò dandum existimavi. Quoniam autem ferè similis est Textinæ ratio in singulis hujus generis Araneis, eam, quantum adhuc mihi observare contigit, paucis præfabor.

Itaq; ſcire licet hos Araneos, vel oriente, vel occidente ſole, retia ſua ordiri; quanquam eos etiam ad meridiem opus inſtituiſſe ſapè animadverti. Primum autem ſtamina aliquot circa ſpatium, quod iis eſt in animo occupare, latè ducunt; ea verò ſunt ad ſuſpendendum rete, atq; plura fila in funes craſſiuſculos coaleſcunt: mox itidem alia ſtamina ſimpliciora ſive radios directos in omnes in circuitu partes per medium ducunt; quod cùm exactè ceperint, in eo demittunt lanuginis cujuſdam floccos velut buccas quadam, haudquaquam diſſimiles iſſis filis, niſi quòd ea ſint in parvos glomerulos implicata: Tum verò è medio quoquo verſum excurrunt, alia atq; alia ſtamina deducendo; donec eorum juſtum numerum expleverint; atq; hætenus reticulum Carri cujuſdam Orbitam quàm proximè repræſentat. Jam demum ad aliud opus ſe accingunt, *Maculas* intelligo; quas ferè primum circa medium neſtunt ad quatuor aut circitè earum ordines: deinde ad extrema ſe recipiunt (intermedio Reticuli ſpatio aut rariffimis macularum ordinibus intertexto, aut iuſdem prorſus vacuo) ubi eandem rem faciunt ſummâ celeritate: ut verò venerint deſcendendo prope reticuli centrum, ab iſto opere tanquam ſupervacaneo prorſus deſiſtunt, etſi totum ſpatium non utiq; impleverint macularum ordinibus. Poſtremò floccos, quos ſuprà demonſtravimus in ipſo reticuli centro ſub initium laborandi implicatos fuiſſe, jam decerpunt, ibiq; quaſi vestibulum ſive foramen patulum ſibi met ipsis aperiunt, quo prædam ſpeculentur; quid ni etiam hæc ratione, tanquam ultimâ manu adhibita, ſtamina magis æqualiter diſponant, duriuſq; reſtringant, arctentq;?

In ipſo autem opere conficiendo hæc præterea notaviſ; nimirum, quòd tùm in laborando tùm in ſpeculando ſemper ſe continent poſt aut extra rete: quòd in pleriq; nec ſtamina nec macularum ordines temere excedant trigefimum

num numerum, utcuq; grande aut parvum ſpatium velint occupare: quòd tùm macularum ſubtegmina, tùm ipſa ſtamina paribus intervallis inter ſe diſtant; ſubinde à medio ad circumſerentiam creſcentibus: quòd ſila circumducunt modò à dextrâ in ſiniſtram, modò contrâ: quòd dum beſtiola tranſit ab uno ſtamine in aliud, ſilum per ſe ſequitur à ventre remiſſum, nullòq; pede deductum reſtümve: quòd ubi pervenerit egregius artifex ad ſtamen, cui ſilum adnecti debet, altero pede ultimo illud prehendit, altero ſpatium fortasſe in ſtamine metitur; nam illud perpetuò advertere licet, quòd ubi pes ille alter reſtiterit, ibi, aut valdè propè, an citrà paululùm, etiam indiſſolubilis nodus maculæ implicatur: quod an is nodus rectè dicendus ſit, dubito; illud certò ſcio, ſubtegmen ſingulis maculis ita firmiter adghutinari, ut ipſius animalis, ejusq; prædæ pondus, haud aliquando ita leve, aut etiam vis adhibita, id è loco dimovere non poteſt citrà ruptionem: immo verò aliud obſervavi, à motu ipſius ani; nimirum animal ſingulis ſtaminibus aut ubicunq; nodo opus ſit, eo uti tanquam ſigillo ad ſili materiam veluti liquidam jamq; in aëre prodeuntem, firmandam: inſuper quòd prioribus tantum pedibus ad progrediendum utitur, poſterioréſq; operi expeditos habet: poſtremò retia reſciſſa ex aliquâ parte aliquando ad polituram reſarcit.

Antiqui hujusmodi Opera Reticula *ſcutulata*; nos verò *Orbiculata* à figurâ eorum circinatâ appellamus.

Horum autem artiſces decem in Anglia vidimus.

Hæ verò ſunt notæ quædam communes Retiariorum Orbiculatorum. 1. Habere oculos octo æquali magnitudine; quorum quatuor mediū ponuntur in figurâ quadrangulâ, extimi per paria ferè conjunctim in parum obliquâ lineâ. 2. Habere pedes priores omnium longiſſimos, tùm ſecundos, proximè his quartos, breviffimos tertios. 3. Eſſe ferè glabros. 4. Foliaceâ picturâ in ſummis elunibus exornari.

C A P.

CAP. II.

De Araneis retiariis in ſpecie: deq; iis imprimis, qui in mediis reticulis prædam aſſiduè ſpeculantur, quibus nec Domicilia nec Nidi, juxta poſiti temerè obſerventur.

TITULUS I.

Aranens ſubflavus, albo præcipuè in ſummâ ſui parte & circa latera albicante, plenâ; oculis nigris pellucidis in capite albicante.

Deſcriptio.

IS autem in mediocribus numerandus eſt; pedes præcipuè priores habet ſatis longos, non nimium tenues, leviter maculoſos, cæterum ſubflavos; in iſdem etiam pili rigidiuſculi veluti ſpinulæ, & qui ſub nudos oculos facile cadunt; iſq; à longitudine ita ordinantur; primi ſc. omnium longiſſimi; tùm qui proximi ab his; tertii omnium breviſſimi; nam ultimi poſt ſecundos numerari debent. Os humeriq; pedibus concolores ſunt, & ferè pellucidi; in fronte octoni ocelli, nigri, etiam nudis noſtris oculis haud difficulter conſpicui, in media ſc. fronte quatuor, in formâ quadrangulâ poſiti ex æquis intervallis; juxtaq; eos ad ſingulos frontis *ſuperiores* angulos alii bini, ferè conjunctim, certè valdè vicini in lineâ parum obliquâ. Proximè ab humeris alvus ſive *clunes* admodum pleni; deinde paulatim in acumen retuſius protenduntur; ſuprà verò delineatur quoddam folium veſtigiiſ admodum obſcuris; per alvi tamen medium it recta lineola ſatis conſpicua, velut

velut medius folii nervus; item proximè ab humeris alvus & ad ejus latera utrinq; ferè inſignitur pæcipuo candore; cæterum vel inaurantur vel luteſcunt, aliquando ex cinereo aut ruſo variantur.

Certè hic & reliqui, (quod ſæpiùs dictum nolumus) pro ætate, aut anni tempore, aut cuticula noviter exutâ, colore uno haud ſibi conſtant; à figura tamen cæteriſq; notis beſtiola quæq; facilè agnoſcenda eſt. Medius venter nigricat, circum luteolus. Hic autem araneus eſt glaber, & velut ſquamofus mihi certè proximè per vitrum inveniendi viſus eſt.

Hic verò Araneus frequentiffimus eſt à Calendis Maiis *Locus.* ad medium Octobrem, & aliquando tardiùs multo, inter Urticam, Geniſtam, & in ſilvis. Sin autem circa Octobrem tempeſtas incidat valdè pluviola, intra domos & ſub tecta ſe recipiunt.

Ex his verò qui hyemant circa rivulos montofos, ferè alii videntur; adeò nigricant, illiſq; qui in planitie, longè majores ſunt.

Mares multò ſtrigioſiores & tenuiores ſunt; item magis ruſeſcunt, quàm fœminæ; item iis extrema cornicula tuberculis ferè rotundis, interdum planioribus intumeſcunt; quæ longè certiffima nota ſexûs maſculini tùm in hoc, tùm in aliis quibuſcunq; Araneorum oſtonoculorum generibus.

Illud autem ſingulare eſt in Textrinâ hujus beſtiolæ; *Reticulum.* quòd ubi ſemel aliquot circinata ſubtegmina ſive maculas ad medium retis adnexuerit, inde mox alia grandibus intervallis figit, quæ poſtea implet, ab extimis deſcendendo. Item illud alterum perpetuum eſt, nec ullis aliis hujus Familiæ ſpeciebus commune; nimirum quòd craſſiuſculum filum extrâ ſubterq; planum ipſius reticuli deducit, illudq; unâ extremitate reticuli centro, alterâ ſub cavam ripam, aut alibi uſpiam, quò ſe tutò recipiat, adfigere ſolet. Atq;

hâc solâ notâ cùm primùm rete videris, & hunc araneum ejus authorem esse, & ipsum araneum certò investigare possis. Nam si absit retis centro, sub ripam juxta funiculum resedit; at nudè tamen & sine ullo domicilio nidòve, quod usquam hætenus observare potuerim.

De araneâ fœminâ illud addo, eam, ineunte mense Septembri, gravescere: Item in multis iisdem reticulis, jam tùm marem cum fœmina adfuisse. (Etsi marem quoq; proprium rete texentem non semel vidi.) Imò duos trêfve mares eandem fœminam circumstetisse, eam tamen se perpetuò continuïsse in ejus centro tanquam & solum authorem & venatorem sui reticuli; dum illi, velut totidem proci, ad extima stamina manerent.

Matutino tempore fortè in jucundissimum spectaculum incidi; nimirùm binos mares strenuè pugnâsse, per capita se mutuò mordicis tenentes, pedibûsq; inter se miris modis implicatis: hos autem separare volui; utroq; è rete, ubi unâ aderant cum fœmina, in manus meas recipiendo; atq; ita quidem eveniebat; at momento temporis, explicatâ manu iterùm concurrebant ad pugnam.

A Calendis Octobribus hujus speciei araneorum alvos incidi; idq; in viginti & ampliùs fœminis factitavi; verùm in omnino nullâ jam tùm ova reperi, quòd paulò antè omnes peperissent; omnibûsq; adeò clunes jam detumuisse.

Illud quoq; notandum, qui nunc mares inveniantur, exeunte sc. Octobri (atq; adhuc quidem multi tùm mares tùm fœminæ in reticulis suis venantur) jam multò contritiore alvo sunt, puta, quòd à coïtu celebrato, vernationem exuerant; idq; ita fuisse, etiam à teneritudine pedum conjicio.

Ex his autem araneis aliquot gravidas sub vitra non semel diligenter servavi; at semper ante partum mortuæ sunt.

sunt. Tandem verò aliâ ratione saturam didici; fortè, exeunte Aprili, ad pedem grandium quercuum in plurimos ovorum folliculos, intra muscum repositos, incidi: hi autem folliculi erant rotundi, è laxioribus filis albidis ad magnitudinem pisi vulgaris; ex his autem aliquot in thecis ligneis servavi, & circa medium Maium hujus speciei Araneolos editos non difficulter cognovi: Postea verò a libi in fenestris domi & in genistâ spinosâ foràs eisdem folliculos sæpiùs inveni, agnoviq;: fieri tamen potest, ut aliquot ex his ovis excludantur ante brumam (nam nisi me mea fefellit observatio, ex his juvenes minutissimos vidi circa Calend. Novembres filorum ejaculatione sese oblectantes) sed multò maxima eorum pars per totam hyemem, sub initium usq; æstatis, in ovo permanent.

Illud quoq; observatione dignum est, tùm in hoc, tùm in aliis nonnullis Araneis, quòd adulti pleriq; vel pereunt per hyemem, vel eorum corpora admodum extenuantur ob diuturnam famem; nam vix unum è millenis exeunte Aprili, aut sub initium Maii invenies, qui non sit valdè exilis pro ratione molis, quam, appetente Autumno, habuerunt: huic autem posteriori sententiæ libenter fido, quòd idem in Limacibus infra narrabitur: hi siquidem famem tam diu vix & ne vix quidem sustinent penè enecati: atq; hæc unica ratio Vernationis exuendæ esse videtur in fœminis; nam maribus etiam Venus potest esse in causâ.

Tam hic quàm alii quicunq; Oëionoculi aranei excrementa liquida ejiciunt.

Araneos in ipso morfu venenum suum demittere, ideo mihi verisimile est; quòd ab unâ aliquâ hâc bestiâ à me læcessitâ, lymphæ purissimæ similes guttas exiguas decies & ampliùs intra breve tempus resperâs notavi; idq; toties factitavit, quoties mordere voluit: in corio tamen mortuo propter securitatem periculum feci, de meo certè

ludere nolui; ut an veneficus & quatenus fit ipſe latex, mihi adhuc incompertum eſt.

TITULUS II

Araneus rufus, ſive avellaneus, cruciger, cui utrinq; ad ſuperiorem alvi partem quaſi ſingula tubercula eminent.

Deſcriptio.

HIC autem araneus è majoribus eſt; unum certè & alterum ex his vidi, qui nucis majuſculæ è corylò magnitudinem facilè implerent.

Color ei rufus, aut qualis in avellanâ maturâ.

Pedes craſſiuſculi, nec nimiùm breves, maculis rufis diſtincti; idem eorum ordo quoad longitudinem, qui in ſuperiore.

Atq; idem dictum volo & de numero & de ſitu oculorum.

Porrò ei rari pili, iiq; maximè per humeros canì.

Alvum autem plenam habet; ſuprà planam; atq; ad folii cujuſdam imitationem depictam. Medios elunes diſtinguit alba lineola recta, & tranſverſè ducitur altera ad figuram quandam Crucis; item ei proximè ab humeris allæ aliquot maculæ exiguæ albæ: ex utroq; alvi latere, ubi magis in latitudine patet, quaſi ſingula Tubercula aut anguli eminent, maculis quoq; ſubalbidis diſtincta; atq; ea cum extremâ alvo figuram triangularem ferè æquiangulam formant: ad verò latera multæ maculæ obliquæ, ruſæ, undatæ: in ventre verò binæ maculæ lunatæ.

Locus.

In dumetis & ad ſepes non ita rarus circa Cantabrigiam: in rupibus autem, maceriis, Torrentiùmq; alveis Angliæ borealibus admodum frequens araneus.

Circinata retia tendit ampliſſima, atq; adeò conſpicua valdè.

Mihi.

Mihi autem jam abundè ſatisfactum eſt, maſculum araneum etiam ſuum quemq; Reticulum texere; quòd in-
eunte Junio ex his plures mares in propriis reticulis ſpecu-
lantes vidi. Ac tum fortè, dum ipſe diligenter eos inſpi-
cerem, unus & alter Maſ, muſcam, quæ incidit in rete,
arripuit, maculiſq; coram me ſuſpendit; id quod antè fe-
cerant de aliis aliquot Muſcis à ſe captis.

Mediis reticulis affixi diligenter & aſſiduè totas dies
muſcis inſidiantur; quippe Recessibus certè artiſcioſis
carent.

De hoc autem aliſq; nonnullis araneis ſæpiſſimè nota-
vi, quòd dum reticuli medio inſidunt, illud tremulo atq;
admodum citato motu aliquoties vibrant; an ut pulve-
rem è reticulis ſuccutiant, aut ſi quæ fortè capta ſit in iis,
explorent; aut quâ de aliâ cauſâ me latet.

E maximis ſupradictis alteram gravidam ſub vitro ul-
tra menſem ſervavi: muſcas tamen à me victui oblatas no-
luit, & tandem mortua eſt: adeoq; fruſtrâ fuit experi-
mentum de fætura ſive partûs ratione.

Maior exeunte, interdum citiùs, horum fæturam innume-
rabilem in dumetis vidi nuper excluſam, & inſtar racemi co-
hærentem multis filiſ à ſe ipſis circumductis ad deſenſionem
ſui; matrem autem minimè tantùm juxta oſta vorum cortices
notavi: horum verò araneolorum tum clunes albidæ, attamen
aliis notis facilè cognoſcibiles.

In Torrentium alveis Regiunculæ *Craven* dictæ ex hiſ
plurimos minutiffimos incipiente Auguſto obſervavi, radi-
culæ ſemina vix æquantes; ſuoq; quemq; reticulo, cor-
poris moli pari, inſidentem.

Ex his autem aliquot nuper editos thecâ ligneâ incluſi,
poſtq; aliquot dies eos omnes cuticulam exuiſſe notavi:
an ſingulæ araneorum fæturæ idem faciant, & quoties, ut
de pleriſq; Erucis notum eſt, inquirendum reſtat.

TITULUS III.

Araneus ex viridi inauratus, alvo longiuſcula, prætenu.

Magis.

HIC autem Araneus è mediocribus eſt, ſi corporis tantum molem reſpicias; at habità etiam pedum longiſſimorum ratione, nullis facile cedit; præcipuè ii, quos in ſylvis invenias.

Color.

Ei verò pedes, humeri, cornicula & tela omnia ſubflava ſunt & ſerè pellucida: habet autem alvum ex viridi inauratam, levitérque depictam foliatim.

Oculi.

Hujus octo oculi nigri facile à quovis numerari poſſunt, etiam ſine conſpicillo, idque propter dilucidum caput: eorum autem ordo non æquè viſibilis; nam ex duplici ſerie atque æqualibus intervallis per mediam frontem diſponi videntur; cum reverà ſuperiorum normam rectè ſequuntur; quæ eſt, cum quatuor medii in figurâ quadrangulâ, reliqui extimi utrinque per paria parum obliquè poſiti ſint.

Pides.

Ei verò Pedes omnium hujus generis facile longiſſimi, tenuiſſimiſque ſunt; item leviter hirsuti: horum primi, ut in ſuperioribus, reliquos longitudine ſuperant, tum qui ab his proximi, tertii omnium breviſſimi, poſtremi ad ſecundos propius accedunt.

Alvus.

Alvus ſubteres, niſi quòd ab humeris aliquantulum emineat, reſuſa, prælonga; color alvi in ſuperiore ejus parte ex viridi flaveſcit, velut inauratus, nec nimium obſcuris veſtigiiſ picturæ foliaceæ diſtinguitur; certè ſi per vitrum ſimplex eam intuearis, velut ſquamulis aureis conſecta eſſe videtur more ſerpentum.

Venter.

Ipe autem Venter infulcatur, quem extrà ambiunt luteolæ lunulæ.

Tela.

Item Tela hujus aranei longiuſcula.

Hujus

Hujus autem generis araneorum qui ſylvicolæ ſunt, ferè <sup>Sylvicola quæ-
ſes.</sup> altero tanto majores ſunt campeſtribus, ut videantur alia ſpecies, cùm non ſint. An fortè ibi tutiores ab aviculis, vi- tamq; adeò in plures annos prolongant, dum corpora majora interim incrementa ſumant; illud certè, quod ſuprà de primo araneo monticolâ narravimus, cum hâc obſervatione ſatis bene convenit.

Retia tendit ſatis ampla è rarioribus maculis ad antra ^{Lænis.} ferè & in ſoſſis, & præcipuè rivulos amat, nec ſylvas horret; ſuis certè locis à primo vere frequens eſt, ac ſi quis alter.

Ad Calend. Maias cum Vernationem exuere fortè ſum- mâ cum voluptate vidi; cujus exuendi rationem aliàs plu- ribus demonſtravi.

Maio autem exeunte, i. e. circa vigefimum quintum di- em circa ſolis occaſum hujus generis plurimos araneos ip- ſo coïtu mihi obſervare contigit: illi verò filis ſuis demiffi, ſubq; reticula in aëre ſuſpenſi, ventre unius alterius ven- tri adhibito inter ſe copulati ſunt: at mas etiam fœminæ inferior erat, ejusq; alvus rectâ protendebatur, dum fœ- minæ alvus curvabatur ſuprà ipſum marem: ipſe autem fœminæ anus maris ventris ſuperiorem partem tetigit; Atq; non alium equidem maris penem diſcernere potui, quàm è corniculis unum tuberculo inſignem; quæ illum perpetuò fœminæ ventris ſuperiori parti adhibuiſſe mihi viſum eſt; idq; alternatim. Interea utriuſq; pedes & tela miris modis inter ſe implicati ſunt. ^{Coïtus variq;}

Junio medio eodémq; menſe exeunte ex his aliquot ^{Ova.} gravidas ſub vitris ſervavi; ubi brevè ova pallidè lutea pepererunt; eâq; valdè exigua. Hæc autem ova <sup>Follicu-
lis.</sup> laxioribus involuta ſunt, ad magnitudinem grani pi- peris majusculi; ipſorum autem Folliculorum quod pro- ximè Ova ſilum ex viridi cæruleum, cùm in eorum exte- ma ſuperficie id erat paulò obſcurius; multiſq; hi minu- tiſq;

tifq; globulis feu glomerulis inæquales & quaſi aſperî.

Ipfum autem idem de ovis ſylveſtrium prægrandium itidem expertus ſum.

Porro non ſemel inveni eoſdem Folliculos juncis aliarumq; herbarum foliis affixos.

Reticuli centro inſidendi modus huic araneo planè ſingularis eſt; qui fit, pedibus ſc. 4. prioribus rectà protenſis conjunctiſq;.

Inter muſcas ab hoc araneo captas etiam ceſtros aliquoties obſervavi; tantus animus eſt in hac beſtiolâ. Illud præterea de natura feroci hujus animalis addam, duas majusculas Fœminas in eâdem thecâ ligneâ incluſi unâ; atq; una alteram illicò interfecit, eamq; ſuo more depaſta eſt: neq; è thecâ excuſſa occiſam libenter amittere voluit; ſed quæſitam ruruſus avidè arripuit.

Illud quoq; non ſilendum duxi, me fortè, memoriæ & obſervationis cauſâ circiter decem araneorum genera, recenter captorum, acubus defixiſſe alteri parti ſeu valvæ thecæ ligneæ; quos cùm noctu in conclavi apertâ thecâ negligenter reliquiſſem, manè ad unum omnes devoratos, puta à muribus, animadverti, præter tres hujus generis omnino intactos integriſq;.

TITULUS IV.

*Aranens cinereus, ſylvaticus, albo in mucronem ſaſti-
giatâ, ſeu triquetrà.*

Deſcriptio.

IS autem inter minores hujus generis araneos numerandus eſt.

Ei color cinereus maculis nigricantibus varius; idq; maximè in pedibus.

Iidem breves, craſſiuſculi; atq; hoc ipſo ordine longitudinem

gitudinem quod ſpectat, quo in ſuperioribus expoſitum eſt.

Humeri valdè inſuſcantur, ſi non planè nigricant; iidémq; admodum puſilli ſunt; quo fit, quòd oculorum magnitudo, ordo, & numerus, non niſi conſpicilli ope diſcerni poſſint: at omnino ſe habent, ut in ſuperioribus, quatuor ſc. in mediâ fronte in figurâ quadrangulâ, aliq; ex utraq; parte bini ferè conjunctim in paululùm obliquâ lineâ.

Huic Tela ex atro rubent.

Alvi verò figura rara, planèq; ſingularis eſt; nimirum reſima, id eſt, plenior verſus anum, ſupra quem quaſi ruſum reflexa eminet; ac ſi in mucronem eſſet faſtigiata, ſeu alvo triquetrà; item eadem foliaceâ quâdam picturâ perbellè exornatur.

Venter nigricat; atq; in eo quoq; ſunt iſtæ lunatæ maculæ, in ſingulis ſuperioribus notatæ: item ibidem ſunt maculæ quædam ruſæ aut miniatulæ.

Extra altas & umbroſas Sylvas non temerè reperitur; *Locus.* ubi eum tùm in agro Cantabrigienſi, tùm circa Eboracum frequentem inveni.

Ampliſſima retia tendit inter ramos alicujus arboris; imò nonnunquam longè ſupra contactum meum.

Junio ineunte ſanè pulcherrimum eſt animalculum, quòd tùm fortè noviffimè cuticulam hyemalem exuit.

Oriente ſole eum texentem vidi; in hujus autem opere aliquando numeravi, (niſi me fallit memoria) ſupra 40 macularum ordines: atq; hoc quidem ſingulare eſſet in hac beſtiolâ, ſi perpetuum.

Menſe Julio Tineas exiguas ſylveſtres inter reliqua ei victui eſſe notavi.

Illud autem multò rarius, & planè mirandum, prædæ ſc. ſuſpenſio, ſive ejus reſervandi modus atq; ordo; in quo certè eſt quædam Venationis gloriola. Habetis enim

ipsum araneum in Reticuli centro, velut in insidiis, assiduum speculatorem; ejus verò prædam directâ lineâ supra infrâq; se dispositam; atq; illud sanè ostentationem præ se fert, singulas nimirum muscas ad singula macularum internodia implicari. Idq; perpetuum esse hujus aranei morem, jam plurimis observationibus exploratum habeo.

TITULUS V.

Araneus viridis, caudâ nigris punctis utrinq; ad marginem supernè notatâ, ipso ano croceo.

Descriptio.

M Ediæ magnitudinis est. Oculi ejus nigricant in capite pellucido; itaq; planè ordinantur, ac in superioribus dictum est.

Ei pedes breviores; neq; tamen de eorum ordine dubitandum est, quin idem sit, qui in superioribus.

Alvum autem gramineam habet, plenam, paululùm inflexam, retusam, qualem in Titulo primo descripsimus: in extimis verò alvi oris utrinq; ternas, quaternas, aut plures exiguas maculas nigras numerare licet, easq; simplici serie, velut totidem puncta, calamo scriptorio depictas.

In utroq; verò sexu ipse anus croceus est.

Mas.

Mas etiam viridescit; is multò tamen gracilior est; ei pedes paulò longiores, itq; ex viridi infuscantur.

Locus.

Hunc araneum non ita rarum inveni in vepribus & dumetis; item in sylvis umbrosis, inter urticam etiam, & alibi, sub mensem Maium.

Reticulum.

Reticulum omnium minimum, pro corporis sui proportionem textit; quod perpetuum esse, multoties observavi in sylvis & alibi.

Illud.

Illud etiam non prætereundum existimavi; eorum sc. reticula super corylorum folia ferè extendi plano situ sive ad lineam horizontalem; quod huic quoq; speciei propriè convenit; nam reliqui rarò retia sua disponunt ad eundem modum; sed plerumq; in perpendicularo aut parum obliquo situ.

Quotquot ex his vitris parvis, fortè 5 aut 6 unciarum aquæ capacibus, citràq; quatuor digitos latis, servavi (servavi autem multos; nam in plerisq; experimentum feci) ii omnes reticula sibi tantis angustis confecerunt; eorumq; centris sedulò inhærendo muscas omnigenas, etiam cæstros, in vitra injectas avidè ceperunt, non aliter quàm si foràs in sylvis & sui juris essent: huic autem rei commoditatem dat illa altera proprietas jam nunc memorata; ipsa sc. reticula pro consuetudine animalis perexigua.

Exeunte Maio ex his unam, mihi gravidam vitam, *Ova.* vitro crystallino servavi: ovàq; ibidem non ita diu post peperit, vitróq; firmiter affixit. Ipsa autem ova inter se tenaciter conglutinata sunt, ad figuram & magnitudinem pisi vulgaris; supràq; multum filum pro Folliculo laxiùs injectum, coloris ex viridi flavescens. Illud etiam in hoc filo setoso singulare, quòd & crassius multo & rigidiusculum inter digitos sentitur, atq; asperum; cùm molle sit *Filum.* illud alterum Reticuli, tenuius & album. Post decimum verò & octavum diem ab ovorum partu, nescio quâ temeritate ductus, folliculum incidi, ovàq; adhuc integra inversi: horum autem nonnulla papyro illisa eam jam infererunt colore purpurascens; quod indicium erat maturèscens Embryonis. Ipsa autem Fœmina post partum multò gracilior facta, circiter 14 dies sine cibo vixit.

Marem aliquando cum fœminâ sub eodem vitro inclusi: post biduum verò marem illa occidit exfuxitq; deinde Reticulum ibidem confecit, diutq; à muscis, quas dedi, vixit.

Septembri exeunte in majusculos juvenes hujus ſpeciei incidi; quos tamen facile à punctulis nigris cognovi; nam iis color erat ſubrufus.

Araneorum ſpecies ſingulas in *ſpiritu vini* dicto immerſas conſervare ſoleo; neq; ab illo multùm mutantur aut colore aut picturâ; hoc uno excepto, qui viriditatem hâc ratione amiſit, & ſubflavus factus eſt.

C A P. III.

De Retiariis alteris Orbiculatis, quibus domicilia ſive Nidi juxta reticula ponuntur.

TITULUS VI.

Araneus cinereus alvo admodum plenâ, ejusq; picturâ in plures partes quaſi divulſâ.

Deſcriptio.

HIC autem inter maximos ponendus eſt.
Ei color cinereus: humeri quaſi incani.

Pedes craſſi & non nimiùm longi, hirsuti, maculoſi; eorùmq; ordo idem, qui in ſuperioribus.

Item ejus oculi octoni eundem poſitum obſervant; vix niſi conſpicillo diſcernendi.

Alvus lata, plena, retuſa; picturâ foliaceâ ſupernè diſtinguitur; at ea haud integra eſt, ſed in plures partes circiter quinque quaſi divulſâ, lineamentis ſc. ſive interruptis, ſive partim obliteratis.

Venter ſcuſus; duabùſq; lunatis maculis ſubflavis, quarum cornua intùs ſpectant, inſignitur.

Mari.

Mari extrema cornicula tumida ; & pedes & Tela lon- *Mas.*
giora, & alvus gracilior eſt.

In ericetis altiffimorum montium partium Angliæ bo- *Locus.*
realium, non ita rara beſtiola : in aſtralibus verò à primo
vere inter geniſtam ſpinofam admodum frequens : item in
herba quâlibet procerâ, puta in Acanthio, Stephalino, &c.
ſæpius etiam ad rivulos, ſupra quos retia tranſverſim ten-
dit.

Per hyemem autem latet interdum in ipsis cavis cau- *Hyberna.*
libus plantarum ſuprà dictarum ; nonnunquam in ma-
ceriâ ; ſed ubiq; per id tempus Folliculo è telâ candidâ
perpetuò involutus.

Ampliſſima & valdè conſpicua Retia tendit : ex unâ *Reticulum.*
verò parte reticuli 38 macularum ordines aliquando nu-
meravi, ex alterâ non ultra quindecem ; quod ideo fit,
ut reticulum loco aptetur.

Præterea juxta reticulum Cubile ſive Domicilium ſibi *Nidus.*
conficit, ſuprà arcuatum, infrâ apertum, & eundem Ni-
dum futurum : quæ quidem nidificandi ratio longè com-
modior eſt adverſus pluvias & ſolis ardores, quàm illa quæ
in Avicularum plerarumq; nidis obſervatur ; quorum fi-
gura cùm ſit eadem, tamen in his noſtris beſtiolis poſitus
inverſus eſt. Domicilii autem materia velut linea eſt ; è
telâ ſc. candidâ, molliq;.

Mares autem in ſummitatibus Graminis alicujus nidu-
lari & ſimplicibus malèq; diſpoſitis filis venari non ſemel
obſervavi.

Muſcis victitat parviſq; ſcarabæis ; ex quibus poſterio- *Vitius.*
ribus plurimos in eorum nidis inveni ; item ipſâ ſuâ ſpe-
cie & ſexu : nam ſœminam unam aliam æquè magnam in-
terficere & exſugere ſæpius expertus ſum. Item araneos,
Opiliones dictos, de quibus infrâ, libenter foràs in
ſuis reticulis capiunt ; ſiquidem hos inter muſcas ſuſpenſos
non ſemel vidimus.

Ova.

Duas id genus araneas gravidas cepi; atq; observandi causâ singulas sub singulis vitris mox inclusi: eas autem non ita diu servaveram, quàm ova subflava peperere: altera verò id egit ad XVII, atq; altera ad XV Calendas Sextiles. Ipsa autem ova firmiter inter se conglutinata sunt, multoq; filo Folliculorum more suprà injecto: singuli autem Folliculi ad vitrum quisq; suum affixi sunt, omnemq; propiorem ad ea aditum etiam ipsis araneis matribus fuisse præclusum; densis circum circa filis prætensis, ut eas incubare, aut ova sua sinu fovere non rectè dicere posses; etiamsi primos quidem à partu aliquot dies proximè, quod poterant, assistere.

Fætus autem exclusus est in ovis superioris araneæ Nonis Sextilibus; propioris verò ad VII Idus Sextiles; ut à partu ad fætum editum intercesserint plurimùm dies unus & viginti. Illud addo, me de industria hæc vitra servasse in conclavis mei angulo, à lumine & sole maximè remoto; & præterea dicam, quod ressit, alterum è vitris, ab aliis insectis priùs sub eo curatis, humidum multoq; situ fuisse obductum. Ante diem autem primum supra vigesimum omnia, quoad res externas immutata; tum verò primùm ovorum ordines paululum relaxari; atq; è singulis extimis corticibus primò prorupere singuli araneoli; atq; ita de cæteris deinceps.

Ipsæ autem araneæ Matres post paucos ab exclusione dies, ambæ mortuæ sunt; ea prima quæ primò peperit, mox altera; tamen mihi curæ fuisset jam ut antè, iis victum non defuisse; quem tamen eas unquam gustasse certò scire non potui.

Vigesimo autem secundo Maii, ut nos computamus, mas unà cum fœmina in eodem Reticulo aderat; idq; de reliquis omnibus, quos illo die observare licuit, verum erat.

Vigesimo quarto ejusdem mensis in plerisq; nidis ova jam

jam primùm vidimus; ſuperiori ſc. Nidi parti affixa, validaq; velut membranâ præcluſâ. Ipſa autem ova ſubruſa ſunt; atq; ita firmiter inter ſe compaginata, uno eorum ordine alteri ſuperinjecto, ut non facilè reſolvi numerarive poſſent. Tota autem Ovorum compages magnitudinem lupini implet, neq; diſſimili figurâ depreſſâ, rariùs rotundiori; circum circa verò ſuperinducitur multum filum pallidè luteum, rigidius & quali aſperum, cùm ipſius nidi filum planè aliud ſit; nimium læve, mōlle, & album: an fortaſſe è diverſis corporis partibus oriantur, ut ab utero illud proveniat, hoc ab inteſtinis; aut ſi quod aliud ſit proprium fili conceptaculum, ut in Erucis, quod ore eructatum cernimus.

Undecimo Junii duos folliculos ovis repletos, magnitudinēq; æquales, in uno eodēmq; Nido inveni; at adhuc ambo integri, nulliq; araneoli excluſi. Alter autem Folliculus propriâ certè membranâ ſecluſus eſt ab altero.

Porro primo Auguſti alterum Nidum aperui, inibiſq; *trinum ſetum* inæqualem notavi; ſc. primus ex araneolis conſtabat parentum ſimilibus, ſecundus nuper excluſus & adhuc ſubſlavus, tertius adhuc in Ovo. Aliis autem annis eundem Partūs numerum vel exeunte Junio obſervare licet.

Maiο exeunte ex his aliquot gravidas in hortulum noſtrum è vicinis agris tranſtuli; ut obſervationi magis eſſent opportunæ; atq; hæc præterea didici.

Hanc certè, ſi non omnes hujus generis araneas, ubi ſemel ova peperit, ibi plures meſes ſubſiſtere; nec prædandi aut habitandi cauſâ aliò migrare. Etenim hortenſes noſtri inter roſæ folia viridiæ primò Nidum confece-
runt; deinde reticulum. De quo illud expertus ſum; nempe mihi curæ fuit, ut reticulum quotidie, quadraginta minimùm dies, deſtringerem, penitūſq; avellerem, Nido interim integro relicto & intacto: attamen nova
indies.

indies reticula ad folis ortum reſecta & perpolita inveni: niſi tempeſtas nimium pluviola impediret; nec aliàs quidem operi vacabant. At non locus tantum, ſed & perpetuus idem reticuli poſitus, non obſtantibus quotidianis injuriis. Cujus rei cauſa patet, quòd ibi ova, ſummum amoris pignus, depoſuerunt, non alibi amovenda.

Quidni huc etiam referamus in aërem volatum Autumnalem; donec ſc. partus cura ex toto finiatur; quod fit circa menſem Septembrem.

In Nido autem altero divulſo triplicem, ut ſuprà dictum eſt, ſætum obſervavi. Inter primum verò partum ſex aderant parvæ Chryſalides ſive Thecæ teretes, ſolidæ, utraq; extremitate reuſæ, ſublividæ, id ſc. genus, è quibus Muſcæ tripiles, à Mouſeto noſtro ſic dictæ, antiquis verò *Ichneumones* veſpæ appellatæ, excludi ſolent. Ex ipſis autem Araneolis natu majoribus, qui ſc. horum vermiculorum voracitatem, dum in ovo, effugerant, quotquot à me aëri expoſiti, protinùs fila ejaculando avolavère; non injucundo ſanè ſpectaculo!

Ipſa autem trini ſætis mater, priore nido ſublato, ipſiſſimo die alterum Nidum eodem frutice confecit; & poſt biduum quartum partum edidit; reticulumq; mox ſibi conficiendo, diu apud nos permanſit.

TITULUS VII.

Araneus pullus, glaber, cruciger, alvo plenâ ovali.

Deſcriptio.

MEdiæ magnitudinis eſt: ei color ſerè ater; aut qui in pomi ſeminibus permaturis.

Pedes non nimium graciles, breves, maculoſi; atq; ita ordinantur, nimirum eorum primi omnium longiſſimi, tum qui ab his proximi, poſt illos ultimi: nam tertius pedum ordo breviffimus eſt.

Humeri

Humeri exigui, ſaltigati ſaltigio ſc. ſubrotundo, ex atro rubent reſplendētiq; ; quo fit ut *oculos* ægrè diſcernere licet vel optimo Microſcopio adhibito : tamen mihi certò conſtat de eorum numero, æquali magnitudine & poſitu, quòd eadem illa omnia ſunt, perinde ut ſuprà in aliis expoſuimus. Sin autem ſit aliqua varietas, hæc eſt ; quòd qui in ſuperiore lineâ figuræ quadrangulæ, ferè paulò conjunctiores eſſe videntur, quàm qui in inferiore.

Alvus ei plenior, retuſa, & quodammodo ad ſimilitudinem ovì gallinacèi facta, ita tamen ut æqualem ferè diſſenſionem ſervet ab exortu ad infimam ejus partem, niſi media ejus pars tibi paulò plenior videatur duabus extremis : alvo color eſt ex atro rubens ſive pullus ; it verò rectà per medios clunes inſignis lineola alba ; quam alia circiter tres tranſverſim ſecant, in modum coſtarum obliquarum ; item paulò infra eas verſus imum anum alia circiter tres quoq; breviores lineolæ albæ itidem primariam lineolam ſecant, ſed magis ad angulos rectos : hinc Crucis multiplex ſimilitudo. Ad alvi verò latera color ſubalbidus.

Venter inſuſcatur, niſi ubi duabus lunatis maculis inſignitur.

Ex frequentiffimis Araneis eſt ; ſed rarò alibi invenitur niſi inter juncos & in pratis udis. Locus.

Prodit ex hybernis Maio incipiente ; quo tempore in herbarum ſummitatibus Telam pro Nido orditur albam tenuemq;.

Sub idem tempus Vernationem quoq; exutam reperire licet in ipſo Nido.

Medio verò Maio, ſi faveat tempeſtas ſerena, reticula orbiculata conficiunt prope Nidos.

In Reticulis autem multigenas Muſcas ſuſpenſas vidimus ; inter quas etiam ſcarabæos quòſdam exiguos obſervare licet ; id præcipuè in Nidis à pullorum excluſione. Viſus.

Ova.

Maio autem exeunte, Folliculum ova continentem in plerisq; Nidis reperies; ovis verò ipsis exiguis color subluteus, perfectæ rotunditatis, ut reliquis universis araneis: ipse autem Folliculus, qui proximè ova involvit, albus, figurâ lenticulari; suprà verò injicitur filum aliud laxius ex atro purpurascens; etiam ipſus Nidi filo solito fuscus, si illud benè attendas.

Medio verò Junio in plerisq; Nidis jam bini Folliculi sunt; in nonnullis etiam Nidis eorum neuter adhuc exclusus est; in plerisq; verò ex iis unus partus in pullo, alter adhuc in ovo; in aliis quidem paucis unicus tantùm Folliculus, qui vel exclusus vel integer.

Ad Calendas autem Quintiles numerosum sætum in Nidis notavi, quos neq; mater adhuc teneros deseruerat; at victum iis usq; providebat.

Multos id genus centenos araneos in quodam prato sylvestri nidulantes mense Junio observavi; at mihi redeunti circa finem Julii vix unus è multis repertus est; an fortè quoddam Aviculis sylvæ vicinæ gratissimi fuerant?

TITULUS VIII.

Araneus flavus, quatuor insignibus maculis albis, alisq; multis exiguis ejusdem coloris in picturâ clunium foliaceâ notatus.

Descriptio.

IS autem præcipuæ Magnitudinis est, nulliq; Anglicano-Araneo facile cedit; ex his certè nonnullos vidimus magnitudinem nucum majuscularum corylorum æquantes.

Ei color vel flavus vel subrufus.

Pedes crassi, longi, spinosi, insigniter maculosi: quorum primum par reliquos excedit longitudine; deinde secundum; tùm quartum; brevissimi sunt tertii.

Oculorum.

Oculorum ordo hic eſt ; quatuor ſc. medii in figura quadrangulâ æquali diſtantiâ poſiti ſunt ; juxta hos utrinq; par unum, ſerè conjunctum collocatum ; omnes æquali magnitudine ſunt.

Ei alvus admodum plena ; ſupra quam foliacea quædam pictura delineatur, in extimis oris undata ; in ſuperiore picturæ parte ſunt quatuor inſignes maculæ albæ, in figura quadrangulâ, at non æquilaterâ, poſitæ ; etenim quæ propiores ano duæ maculæ magis inter ſe diſtant, quàm ſuperiores alteræ duæ ; plures etiam aliæ exiguæ maculæ albæ, hîc & illîc, interſperſæ ſunt ; it autem rectâ per mediam picturam lineola alba.

Hic rarior eſt araneus in aliquibus locis ; tamen in ſepibus agri Hartfordienſis aliquoties eum inveni ſub menſem Auguſtum : item circa Eboracum admodum frequenter in genîſtâ ſpinosâ, & in *Craven* regione montosâ. Locus. Eo à tempore ſpectabilis magnitudinis ſunt.

In ſummis herbis fruticibuſve domicilium ſive Nidum juxta ampliſſimum reticulum collocat : eſt etiam huic araneo commune filum à reticuli centro ad Nidum uſq; perpetuò pertenſum, per quod itq; redîtq;.

Medio Auguſto, ex his aliquot ventre tumidas diſſecuiſimus ; inibi q; magnam copiam ſpermatis cujuſdam ſubflavi notaviſimus ; quod tamen partui adhuc immaturum fuiſſe, à granulorum quibus conſtabat, nimîâ parvitate, exiſtimavi.

Nidi filum albiſſimum ; at quod circuminjicitur ovis, luteſcit.

Exeunte Septembri ex his aliquot gravidas thecâ lignèâ incluſi ; quarum una mox ova peperit, binis placentulis inter ſe diſtincta, at eodem folliculo ambo incluſa ſunt ; è laxiori ſc. at rigidiori & flavefcente filo conſectò.

Araneorum cutis non adèò facilè diſrumpitur, hinc alvo vehementer expreſſa, ipſa integra erumpit, quòd alia

atq; alia ſubſit Cutis, quâ continentur viſcera : Neq; ali-
enum eſt credere univerſas Cuticulas in toto vitæ decurſu
exuendas, cum beſtiolâ natas fuiſſe.

In liquido & ſubalbido ſtercore hujus aranei, plurimas
particulas nigras obſervare licet ; ſc. Scarabæorum Muſca-
rûmve inutiles cortices & difficulter concoctibiles : adeò
non veriſimile eſt, has beſtiolas merâ ſuſtione cibum ſu-
mere, ſed ejus bonam partem etiam vorare.

TITULUS IX.

*Araneus nigricans, capite quadrato ſive Phalangio-for-
mi, olunibus ad ſimilitudinem querni folii depictis.*

Deſcriptio.

HIC omnium maximus eſt Araneus.

Ei color fulcus aut fuligineus.

Caput & humeri depreſſi, frons lata & quali quadrata,
eâ ſc. figurâ, quâ ſunt Phalangia infrâ deſcribenda.

Oſtoni oculi nigri, æquali magnitudine; eundem ve-
rò ſitum obſervant, qualem in ſuperioribus expoſuimus.

Tela eorûmq; brachia nigricant præcipuo quodam ni-
tore.

Præterea ei cornicula, *pedéſq;* craſſi, maculoſi ; at ubi
iſtis maculis non inſuſcantur, ſoli obverſi ruſeſcunt ; hiriſuti,
nec nimium breves, maribus præcipue ; de eorum verò
ordine, quo alii alios longitudine excedant, vide in ſu-
perioribus.

Alvusiſgens, plana interdum ad latitudinem ferè un-
guis digiti medii ; ea verò ubi ad majorem, quod ſubito
ſit, latitudinem devenerit, iterum paulatim minuitur in
reſuſum anum ; in ejus autem parte ſupinâ eſt quædam
pictura, ambitu ſinuoso ſive undato ad quandam imitati-
onem querni folii ; intra picturæ verò ambitum inſuſca-
tur,

tur, ubi circiter quatuor nescio qui sinus exigui, tam in hoc quàm in aliis araneis subſidunt; extra eandem picturam alvus paulò coloratior.

Item venter nigricat; niſi ubi duæ lunatæ maculæ ſubflavæ ejus medium occupant; quarumq; cornua intùs ſpectant.

In auſtralibus Angliæ partibus frequens; nec rarus in *Locus.* ſeptentrione, ſub cortice annofarum arborum ferè latet, & ad maceriam ruderave maximè extra ædificia.

Per hyemem verò Folliculo è candidâ Telâ diligenter *Hyberna.* involvitur.

Ampliſſima retia tendit; ſed quibus rariores maculæ: *Retia.* hujus aranei paulò vetuſtius rete valdè inelegans eſt ob nimiùm frequentem reſarcinationem. Ferè prædam obſervat è ſpecu ſive domicilio, juxtâ poſito.

Rarò interdiu conſpicitur hic araneus; etiamſi muſcæ tùm quoq; frequenter impingant in ejus rete; de nocte verò prodiit & veſcitur: id quod hujusmodi experimento didici: ex his unum & alterum in vitris ſeorſim ſervavi, plures hiſ muſcas vivas manè ſubminiſtrando; at per totum quidem diem muſcis huc illuc diſcurrentibus, velut torpidi ac immobiles aranei permanſerunt; proximâ verò luce muſcas occiſas & exſuctas perpetuò notavi.

Ipfum autem Rete multâ oneratur prædâ, at nullo certo ordine diſpoſita: hic muſcas omnigenas, ſcarabæos, & non rarò majores multipedas *Julos* dictas occiſas ſuſpenſaq; obſervare licet. *Vitiæ.*

Medio menſe Septembri fortè ſub non nimiùm obſcuram noctem incidi in marem pedibus prælongis corniculisq; turgidis inſignitum cum ſcœmina in Reticulo ludentem; hinc conjecturam facio id genus animalia rem veneratem ferè per noctem agere.

Ex his aliquot araneas ſcœminas diſſecui, ineunte menſe Februario, ut viderem, an fortè jam graveſcerent, at

nihil aliud intus inveni, præterquam spermatis cuiusdam flavescentis ac prorsus indiscreti copiam, in ova tandem distinguendam: hujus certè color valdè similis, atq; in ovis ipsis recenter editis.

Ova.

A Calend. Aprilibus multa *Ova* subflava pariunt; eaq; intra aut juxta Domicilium disponunt: ipsa autem ova alia aliis superimponuntur certis ordinibus & firmissimâ compage in figuram depressâ orbiculatam, Lupini in modum & magnitudinem: ipsis verò Ovis superinjecitur *Folliculus* è laxiori contexturâ; qualis Erucis nonnullis usui est: est etiam aliud, è quo cura animalis erga fætum non minùs apparet; nimirum quòd supra eundem folliculum, etiam multam scobem sæpè obductam & adglutinatam esse observavi.

Intra mensem autem ova excludi aut citiùs existimo; quòd hæc ova mense Maio à communibus vinculis, quibus proximè à partu ea inter se contineri jam diximus, relaxari sæpè advertimus.

Tenelli autem fætus, primùm ut editi, subpallidi sunt: postea verò, ut adoleverint, eundem planè colorem & matris formam induunt.

Septembri exeunte id genus araneolum de medio reticuli fila ejaculantem, omnium primùm animadverti: neq; fas est amplius dubitare, quin longissima fila aërea, per Autumnum præcipuè notabilia, hunc araneum suiq; similes authores habeant, etsi ea olim Nubium progenies credita aut aliàs oriri fabulata sint.

TITULUS X.

Araneus cinereus, capite leviter rotundo, pictura clunium foliaceâ, ad margines undatâ.

IS inter mediocres numerandus est.
Ei color ex nigro cinereus.

Descriptio.

Humeri leviter fastigiati & subrotundi; eo autem nomine appello quicquid est in primâ corporis divisione, licet ibi sit etiam caput; iidem læves & non pilosi. Ipsum autem caput videtur nigrescere, & per modum apicis acuti anguli aut cuneatim mediis humeris inferi.

Oculi nigricant, æquali magnitudine, ita disponuntur; quatuor sc. medii in figurâ quadrangulâ, alii bini utrinque ferè conjunctim.

Pedes exiles, leviter pilosi, maculosi; horum primi omnium longissimi, paulum supra dimidium unciae; deinde secundi, post hos ultimi, tertii omnium brevissimi.

Alvus plena & crassa; picturâ foliaceâ eleganti insignitur; ejus verò picturæ margines undatim designantur; extrema lineamenta nigricant, at media ejus pars præcipuè versus humeros albescit notabiliter; versus anum verò intra undas sunt aliquot nigræ lineolæ rectæ transversim ductæ. Alvi latera maculosa; venter medius nigricat; nec defunt flavæ maculæ ibidem.

Hic à proximè superiori in his differt; 1. Huic caput subrotundum, cum illi sit compressius & velut fronte quadratâ. 2. Huic alvus plenior & crassior. 3. Huic media alvi pictura albicat, cum illi tota nigricet. 4. Hic multo minor est. 5. Est etiam aliquid singulare in hujus reti, mox describendum.

Admodum frequens est in Tectis & domibus circa Eboracum, & alibi.

Locus.

Rete

De Araneis Oſtonoculis.

Rete amphi & elegantiffimum tendit: illud autem in eo perpetuum & fingulare eſt, nimirum è radiis unicum *maculis utrinq; undari*, idq; è centro reticuli ad ejus uſq; circumferentiam; quod ferè ad aliquam in pariete rimulam aut alibi, ubi animal tutò totum diem latet, porrigitur: atq; hic radius ei velut ſcala eſt, per quem aſcendatq; deſcendatq;.

Rarò niſi ſub Crepuſculo in reticulo obſervatur; notuq; adeò venatur.

Ova.

Exeunte Auguſto ova majuscula parit juxta reticulum; ea filo laxiori flavicante involvuntur. Oſtoginta & amplius in uno Nido numeravi, iis color ex fuſco ſubalbidus.

MEMBRUM II.

De Araneis Reticula conglobata *textentibus*.

CAP. I.

De Araneis reticula conglobata *textentibus in genere*.

HActenus excellentiſſimos Naturæ Artiſices expoſuimus; quorum *Opera erudita* apud Antiquos meritò appellantur: Genus deinde aliud eſt Araneorum, reticula quidem diverſa *textentium*; at non multum diſſimili artiſicio. Etenim in ſuperioribus univerſas maculas in eodem plano ſitu diſpoſitas eſſe diximus; hinc verò innumeræ maculæ, æquè patentès, in omnes diſpenſiones quaquaverſum porriguntur; hinc, inquam, multiplex eſt macularum ordo ſive conglobatio ſub varium ſitum ex omnibus in circuitu partibus in orbem ferè projectarum. Est

Eſt ſanè ſua pulchritudo etiam rudi aut fortuitæ contexturæ; etenim hæ Plagæ è ſimplicibus filiſ conſtant, huc illuc temerè, credas, deductis; at in ſpeciem uſumq; oriuntur egregia Reticula. Illud equidem dubito, an non Antiquorum diligentiam fugerit, inter hos ſuperioréſq; differentiam annotaſſe; horum certè nullum adhuc evulgatum indicium in Scriptis invenio.

Hujus autem generis araneorum notæ characteriſticæ ſunt: 1. Habere pedes priores omnium longiſſimos; deinde ultimos, tum ſecundos; tertios breviſſimos. 2. Eſſe ferè aut minimæ inter araneos, aut certè minoris magnitudinis.

Horum autem ſex ſpecies in Anglia invenimus, quas mox aggrediar.

CAP. II.

De Araneis Reticula conglobata texentibus in ſpecie; quorum alii, Folliculi loco, filum laxius, velut lanam carptam, Ovis ſuperinjiciunt.

TITULUS XI.

Araneus pullus, glaber, domesticus.

HIC eſt omnium hujus Familiæ maximus Araneus; *Deſcriptio.* etiamſi, reſpectu ad univerſum genus araneorum habito, mediocris magnitudinis ſit.

Ei color pullus, ad nigredinem proximè accedens, glaber, lucidus.

Humeri minimè depreſſi, ſed in ſaſtigium elevati.

Oculi oſtoni, æquali magnitudine; quorum medii in
H
figurâ

figurâ quadrangulâ disponuntur, reliqui extimi per paria conjunctim ferè : neq; id licet discernere, niſi optimo Microſcopio adhibito; adeò in tenebris eſt caput propter ſummam ejus nigredinem relucentem; illûdq; ipſum velut aſperum & inæquale.

Pedes nimirum nec breves nec tenues; quorum primi & poſtremi intermedios longitudine facilè ſuperant.

Alvus plena, latiufcula, compactilis; coloris pulli, reſolventis; ad ejus verò latera albet; ipſeq; venter ſubalbidus; item per medios clunes rectâ ducitur lineola alba.

Mas extremis corniculis tumidis inſignitur.

Locus.

Is autem in ædibus noſtris ad feneftrarum cancellos valdè frequens: ubi etiam per hyemem latet, ſi qua propè ſit rimula.

Ineunte Aprili, interdum multò citiùs, reticula globata orditur; quo tempore ejus etiam alvus multo ſpermate intumeſcit. Reticuli filum ſolito ſuſcius eſt; quod tum maximè apparet, ſi plura reticula in unum filorum ſciculum colligas.

Ova.

16 Junii fortè animadverti; quòd ex his quædam Aranea jam tùm ova ſua feneftræ cancello ferreo affixerat. Circiter 50 ova numeravi, quibus color pallidè carneus, nec tamen chartæ illiſa, illam inſicerent.

Filum autem albidum circa ova laxius injectum Folliculi loco: quo ſublato, ova protinùs diffuſa ſunt; quòd minimè inter ſe, ut in nonnullis ſuperioribus fieri ſolet, conglutinarentur,

TITULUS XII.

Araneus albicans, coronâ coccineâ in alvo ovali.

IS autem est mediæ magnitudinis, generis ratione ei color subalbidus.

Pedes longiusculi, tenues.

Alvus plena figurâ ferè ovali; cujus pars superior exornatur coronâ quâdam coccineâ, sanè eleganti.

Hunc araneum in hortulo meo Eboraci semel tantum notavi: at circa Cantabrigiam & alibi in australibus Angliæ partibus sæpius.

Ineunte Augusto in suffrutice quodam hujus ova unâ cum matre animadverti: sicco autem & deciduo folio nidulata est: plurima erant Ova alba; quibus multum filum

Ovâ.

Filum cæruleum.

CAP. III.

De Araneis reticula conglobata textentibus; quorum Ova Folliculis membranaceis includuntur.

TITULUS XIII.

Araneus ferè subfuscus, interdum variè coloratus, alvo foliaceâ picturâ insignitâ, globatâ.

INter minores numerandus est.

Descriptio.

Ei color ferè subfuscus, ab hyeme maximè: at neq; hæc neq; aliæ, quod hoc loco semel monuisse sat est, ara-

neorum species, præcipuè à cuticulâ exutâ, unum atq; eundem colorem perpetuò observant.

Oculi ægrè discernendi, nisi boni Microscopii auxilio : at idem iis & numerus, & æqualis magnitudo, & situs, qui in universis superioribus, i. e. quatuor medii figuram quadratam designant, reliqui extimi utrinq; per paria ferè conjunctim dispositi.

Pedes tenues, nec nimium longi, maculosi ; ex iis autem primi omnium longissimi, tum postremi, deinde secundii, post hos tertii omnium brevissimi.

Alvus ferè sphærica, nisi venter, paulo planior, id prohiberet ; suprà verò depingitur quâdam folii similitudine, cujus nervi venulæ dealbantur ; intervalla ex fusco quasi purpurascunt, idq; maximè si animal soli obvertas : at ex utraq; parte folii veluti costulæ aliquot, quæ obtusos angulos efficiunt cum medio nervo.

Venter infuscatur.

Locus.

Ubique per Angliam frequentissimum Animal ; prodire incipit circa Maium mensem.

Retia.

Ineunte Junio, interdum multò citius inter genistam spinosam, in Acanthio, & quibuscumque proceris plantis retia amplissima conglobata tendit & juxta nidificat.

Hujus autem aliorumq; araneorum reticula tum speciosissima, maximèq; notabilia sunt, cum nox admodum rorida præcesserit.

Nidus.

Domicilium sive Nidus è candidâ ac spissâ Telâ conficitur : suprà autem arcuatus est ; sed quâ terram spectat, apertus.

Coitus.

I Junii vesperi in Coitu id genus araneos vidi : mas foeminam aggressus est, sæpius reticulum tremulo motu concutiendo : quantum autem discernere licuit (maximamq; eâ de causâ diligentiam adhibui) non alio Pene usus est, quam Antennis, foemineo ventri superiori alternatim applicitis, ut suprà quoq; in *primo membro* expositum est.

Medio

Medio Junio, in ſingulis Nidis ſingulos Folliculos repe- *Folliculus.*
 rire licet; quorum & figura & magnitudo eſt in modum
 grani Piperis. Ipſa autem Ova exigua, candida, ſphærica, *ova.*
 circiter 40 Folliculo linteo-formi, ſive membranaceo ſub-
 caruleo ferè, interdum ſed rarò ſubruſo inclufa, ut ex alio
 filigenere conſtare videatur.

Illud magnopere miratus ſum; aliquando me obſervâſſe
 Folliculum extra Nidum ſuſpenſum.

Ineunte Julio in nonnullis Nidis binos Folliculos non ra-
 rò reperies.

Sub initium Auguſti innumerum ſætum in pleriſq; ni-
 dis obſervare licet; ab araneâ matre, ut opinor, uſq; nu-
 tritum; cum quibus certè diutiùs manet prædandi cauſâ,
 nè victus adhuc tenellis deſit. Cui rei abundè fidem facit
 ingeſcopia cadaverum Muſcarum exſuctarum in ipſis ni-
 dis, tùm maximè obſervandarum.

Illud quoq; ruruſus monendum duxi, hunc araneum Cu-
 ticulam exuere ſolere à Calend. Quincſtilibus, ut alius
 atq; alius eſſe videatur: nam modò candidum, modò ſub-
 viridem, modò miniatis aut purpureis maculis interſtio-
 ctum, aut aliis deniq; formis notabilem ſæpiùs obſervavi:
 adeò parum eſt, araneorum colores ſcire, niſi nobis etiam
 ipſa corporis figura, aliæq; diſcriminantes notæ, à victûs,
 partûs, & morum ratione petendæ, probè ſint cognitæ.

TITULUS XIV.

*Araneus rufus, elunium globatorum faſtigio, in modum
 ſtellæ radiato, ſylvicola.*

Proximè ſuperiori æqualis, i. e. inter minores nume- *Deſcriptio.*
 randuſeſt.

Ei color rufus, aut ferè rubeus.

Ex analogia conjecturam facio de Oculorum numero, magnitudine & positu; nam Capitis humerorūmq; mira parvitas pro alvi ratione, & ipsius alvi figura insolita, ea reddunt nimium visu difficilia.

Pedes tenues, rufi, non maculati; horum par primum longissimum, deinde ultimum, tūm secundum, tertium omnium brevissimum.

Alvus in gibbum seu verticem orbiculatum admodum eminet; à quo in anum acuminatum subito fit declivis: à summo verò clunium fastigio sive vertice radiatim procurrunt ex omni parte plures lineolæ candidæ in modum stellæ.

Venter planior.

Est præterea animal glabrum, relucens, ut pleriq; hujus generis aranei.

Locus.

Rarissima Bestiola; at mihi centies visa in Pomariis circa Cantabrigiam; item in sylvis agri Lincolnienſis, & in sylvis oppiduli *Ascome* dicti prope Eboracum.

Retia.

Ipsis prægrandium Quercuum Truncis amplissima retia affigere amat; & inter majores alicujus arboris ramos: est sanè inextricabilis & planè mirificus macularum contextus, sive conglobatio.

Nidus.

Ineunte Junio nidificat; idq; interdum perindè ut de proximè superiore expositum est, sc. Nidum linteiformem suprà arcuatum, infrà apertum, ad Cassidis similitudinem conficit: interdum verò nido extemporaneo contentus est; sc. è folio aliquo deciduo & marcescente confecto; ipsi autem Nidi ferè in mediis reticulis collocantur.

Folliculi.

In singulis autem hujusmodi Nidis, sub initium Augusti plures araneolos inæquali partu reperi: sin verò citius in nidum incidas, plerunq; duos, modò tres, quatuorve, & interdum quinq; folliculos, ovis repletos numerabis: unusquisq; autem Folliculus & magnitudine & figurà lenticulari est, & colore subrufo.

Aliquando

Aliquando in quodam id genus nido, (ſed ſemel id tantum) à me unicus repertus eſt folliculus piſi minoris magnitudine; in quo etiam multo major ovorum copia incluſa eſt, quàm pro conſuetudine animalis.

TITULUS XV.

Araneus cinereus è minimis, maculâ nigrâ in ſummis clunibus inſignitus.

HIC eſt in minimis vel ſui vel alterius generis numerandus; ita ut perdifficile eſt eum exactè deſcribere. *Deſcriptio.*
Ei color cinereus ad nigredinem vergens: piloſus.

Quis ſit oculorum & numerus & ordo bono microſcopio in conſpectum adducere licet: ſc. eorum quatuor medii in figurâ quadrangulâ ad æqualem diſtantiâ diſponuntur, & utrinq; alii bini propiùs collocati.

Pedes craſſi, breves, ſubrui, maculoſi; quorum primi & ultimi medios longitudine excedunt.

Alvus à pectore plenior, paulatimq; ſit acuminatior; ſuprà in ſummâ alvo prægrandem maculam nigram conſpicere licet: itémq; paulò infra illam verſus anum ſunt aliquot lineolæ, fulcæ, obliquæ, velut totidem coſtulæ.

In ſummis Geniſtæ ſpinolæ ſurculis; item in Frutetis ubiq; frequens à Maio menſe. *Locus.*

Reticula exigua pro proportionem animalis è plurimis conglobatis maculis tendunt. *Ratia.*

Item Muſcæ in iis captæ ſunt perexiguæ.

Ferè juxta Reticula nidificant, Junio menſe, interdum citiùs.

Albida Ova pariunt; circiter quinq; in Folliculo; is autem perexiguus eſt, figurâ lenticulari è materiâ *candidiſſimâ*. *Ova. Folliculus.*

diffimâ membranaceâ sive linteiformi. Horum verò folliculorum plures simul in eodem nido, more aliorum sui generis, sæpiùs notavi.

Diversimodè nidificant ; interdum supra alicujus arboris aut herbæ folium, in Reticulo venantur, dum Ovorum folliculi infra idem folium affixi sint : interdum in Eri-cetis montium nostrorum altissimorum in partibus Angliæ borealibus plures hujus aranei (an, alius valdè similis) Folliculos intra aliam Thecam è laxiori contexturâ inclusos, sæpiùs observavi : interdum, quod notabile est, folliculum hujus aranei alteræ cerasi fructûs maturi & edulis extremitati, ubi sc. commodissimus huic rei sinus est, affixum centies vidi ; tu verò illam facilè credas candidam maculam esse vel squamulam nescio quam, vel quamlibet aliam rem, quàm quæ est : adeò stomachi maximè delicatuli quoties hanc innocuam buccam non minùs ignoranter, quàm avidè devorârunt !

TITULUS XVI.

Aranens pusillus, lividus, picturâ clunium nigrâ & veluti denticulatâ.

Descriptio.

IS proximè superiorem magnitudine æquat ; pusilla admodum bestiola.

Ei color sublividus.

Ejus octoni oculi non, nisi optimo Microscopio, in conspectum adduci possunt ; etiam ipsum caput priùs trans flammam, huc illuc aliquoties celeritéq; dimovendum est ; ita enim, capite à pilis albidis nudato, apparent oculi, succini instar splendentes ; eandémq; dispositionem servant, qualem in universis superioribus exposuimus.

Pedes tenues nigricant ; eorum primi, deinde ultimi,
tùm

rùm ſecundi, poſtremò tertii, alii alios longitudine ſuperant.

Alvus figurâ plenâ & compactili; ſuprà exornatur nigerrimâ quâdam picturâ foliaceâ, quaſi denticulatâ; ſiquidem verſus anum ſunt quædam lunatæ lineolæ, quarum quæ ſuperior proximè inferiori gradatim minuitur.

Maio exeunte, id genus araneos aliquammultos inter *Locus.* geniſtam ſpinofam inveni: mares quoq; unâ cum foeminis etiamnum aderant, tumidis corniculis inſigniti.

Circa ſummos Geniſtæ ſpinofæ furculos reticula conglo- *Retia.* bata tendit.

Ibidemq; quoq; nidificat: 4 die Junii aliquot folliculos paucis ovis repletos in ſingulis nidis inveni: iidem autem *Ova.* Folliculi ſunt exigui, figurâ lenticulari, ex materia linteiformi ſive membranaceâ confecti; iis color ex viridi ſubcæruleus. *Folliculi.*

MEMBRUM III.

De Araneis Telas linteiformes texentibus; nimirum reticulorum filis denſè inter ſe contextis in modum Veli ſive Panniculi.

CAP. I.

De Araneis Telarum authoribus in genere.

A Ranei lintearii Telas ad noſtrum artificioſum haudquaquam componunt; quamvis eorum opera ejus ſpeciem quandam præ ſe ferant. Antiqui quidem voluerunt nos ab hiſce animalibus ſimilia opificia edoctos fuiſſe,

& ad nostros usus per imitationem transtulisse; sed hæ Fabulæ sunt! hic certè nulla est filorum elegans & ordinata contextura, nisi quam casus dederit; siquidem in horum araneorum operibus nihil minus notetur, quàm stamen tramæq;: sed illud quoq; à veritate nimium alienum est, quòd sint confecta sine filis transversim actis, ex ar-
tissimâ quadam villorum in longum continuitate, ut Mou-
fetus credidit.

Alii autem spissam, alii tenuiorem Telam pro cuiusq; natura & usu conficiunt: omnes tamen eam in hunc ferè modum, quantum nobis adhuc observare licuit. Primum ab his fila horsum atq; illorsum temerè deducuntur, idem spatium semel atq; iterum omni ex parte percurrento, immo anum subinde admovendo, sigilli velut usu ad ea firmanda intèr; se adglutinanda; donec à simplicium filorum in eodem ferè plano deductorum multitudine, illud plenè occupârunt, ac si quoddam velum esset expansum.

Est etiam in quo hi commune artificium ad venationem cum proximè superioribus ostentant: nam præter Telam sive Velum expansum, sunt etiam plurima simplicia fila desuper prætensa, inq; quædam quasi maculas disposita; ut sunt in Navibus ab antenna malisq; Funes: ad hæc ferè primò muscæ impingunt, deinde in ipsas Telas præcipitantur.

Hujus verò generis araneorum hæ sunt notæ characteristicae. 1. Habere quædam circiter quatuor Appendices, ab ano prodeuntes, mobiles & flexibiles Textrinæ apprimè accommodatas; quarum quòd duæ superiores ferè reliquis longiores sunt & valdè conspicuæ, bifurcatâ caudâ insigniri videntur. 2. Ex quatuor mediis oculis, qui duo ori propiores, minùs inter se distant, quàm alteri bini superiores. 3. Duo postremi pedes totidem anteriores longitudine vel superant vel æquant. 4. Plerosq; esse pilosos.

CAP. II.

De Araneis Linteariis in specie.

Hujus autem generis sunt alii, qui densam & spissam Telam conficiunt; ipsiq; Telis, prope infundibulum, nidificant.

TITULUS XVII.

Aranens subflavus, hirsutus, prælongis pedibus, domesticus.

I S ferè inter mediocres est.

Ei color subflavus, aut pallidè fuscus, maculosus, hirsutus.

Descriptio.

Humeri latiusculi, at paulo angustiores versùs frontem.

Ejus oëtoni oculi nigricant, & valdè conspicui sunt; quatuor medii in figurâ quadrangulâ inæqualiter inter se distant; siquidem qui ori propiores sunt, magis appropinquantur; reliqui verò per paria utrinq; disponuntur, & conjunctiores inter se sunt.

Ex pedibus ultimi longissimi; post hos primi; tùm secundi; brevissimi tertii.

Alvus ei plena, ferè æquali crassitie; suprà duplici subflavarum macularum serie insignitur, item huic ibidem quædam obscuræ lineolæ ad angulos acutos concurrunt.

Appendices ab ano conspicuæ, more hujus generis singulorum.

Vetustate fiunt facilè omnium multò grandiores; ut araneorum monstra videantur; at id non ab alvi incre-

mento, quæ ferè etiam in his modicæ aut minoris magnitudinis est; sed in summâ pedum & crassitie & longitudine & hirsutie. Hi verò rarissimè occurrunt. In superioribus aliquibus (vide T. T. L. 3.) similis observatio expofita est.

Locus.

Is autem araneus in ædificiis squalidis nimium frequens est; in sylvis quoq; à me aliquoties inventus est.

Sub initium Junii in iisdem Telis marem unâ cum foeminâ adfuisse notavi; his animi causâ muscas injeci; è quibus una à foeminâ, altera à mare arrepta est.

Qua.

Julio exeunte, nidificat in medio linteo prope infundibulum; quo loco perpetuò se continet ad prædandum; ipsis autem ovis superinjecitur altera tela nivea, ac si ea intra Telas intertexta fuissent.

Ipsa autem ova albida sunt; minimèq; inter se coherant; sed, aperto folliculo, diffluunt.

TITULUS XVIII.

Araneus cinereus, maximus, ani appendicibus insigniter prominentibus.

Descriptio.

I S in maximis araneis numerandus est.

Ei color cinereus aut sublividus.

Humeri fusci, crassi, in medio paululum fastigiati.

Oculi ita ordinantur; nimirum quatuor in figurâ quadrangulâ, reliqui verò quatuor utrinq; per paria; ad eorum sc. angulos ex quatuor mediis, qui ori propiores sunt & minus inter se distant.

Ei pedes crassi, longiusculi, spinulis hirsuti, maculosi; idemq; de corniculis dictum sit. Ex pedibus primi & ultimi ferè æquali sunt inter se longitudine; tum secundi; tertii brevissimi.

Tela ex atro rubent.

Alvus

Alvus ſublvida plena admodum, productior; à pectore paululùm declivis ſive acuminatior verſus anum; ſuprà utrinq; circiter ſenæ lineolæ ſubalbidæ, ad obtuſos angulos coëuntes.

Venter ſcuſus, planus.

Ab ano eminent ex appendicibus maximè duæ velut altera cornicula; quas dum ingreditur, perpetuò motitat.

Menſe Maio, caput humeriq; eorum, qui modicæ magnitudinis ſunt, aut nondum adulti, colore ſubruſo in modum mali aurantii inſigniuntur; item his alvus ſublvida; neq; tamen reliqua ejus lineamenta nimiùm obſcura ſunt, quin facilè diſcerni poſſint.

Julio exeunte, mas unà cum fœmina in iſdem Telis re-^{mas.} peritur: huic pedes multò longiores, extremq; cornicula velut. quibuſdam capitibus ſive nodis turgent.

In Auſtralibus Angliæ partibus hæ beſtiolæ admodum^{Locus.} frequentes; at in Septentrionalibus rariùs occurrunt; inter geniftam tamen ſpinolaſam etiam circa Eboracum & alibi eos multoties vidi.

Per hyemem ſe abſcondunt, in parietum fiſſuris, aut^{Hyberna.} ſub cortice alicujus annolæ arboris, Telis ſpiſſis involuti.

A ſolſtitio autem æſtivo hos in vepribus & dumetis invenire licet: ubi Telas omnium ampliffimas pandit; illud^{Tela.} verò perpetuò curat, ut ſit retrò cellula, ſive patulum foramen in fundo Telæ, quæ ſe celeriter recipiat, aut ubi tutò habitet, prædæq; capiendæ invigilet. Illud inſuper in his Telis maximè notabile eſt, multa ſimplicia fila, velut navis apparatus, funes quod ſpectat, ab incredibili aliquando altitudine (modò id propter loca opportunum ſit) rectà deorſum ſuper linteum cadunt, & tranſverſim etiam deducuntur; in hæc verò ſi muſcæ offendant, in linteï ſinum ſubter poſiti præcipitantur.

His vel maximæ Apes prædæ ſunt; at Formicis majori-^{viſus.} bus vehementer delectantur; adeoq; juxta earum. colli-

culos ferè telas præpandunt: an fortè ideò aciditatis id genus animalium participant, aut alià quavis proprietate excellant. In infundibulis certè ingens copia muscarum aliorumq; insectorum occisorum.

Ova.

A Calendis Sextilibus, non longè ab infundibulo, Folliculum observavi, ipsis Telis intertextum; in hoc verò plurima Ova albida (sexaginta ipse numeravi;) sed omnium cujuscunq; speciei araneorum, hactenus mihi visorum, maxima.

Ex his foeminam gravidam, vitro inclusam diu servavi; subindè muscas, scarabæos, aliquando etiam sui generis araneos aliòsq; majusculos victui subministrando; quos omnes illa mox acriter aggressa est, ac suo more sugendo, artusq; diripiendo depasta est. Post mensem verò exactum ova peperit, eaq; in medio vitro suspensa miris telis involvit; ipse autem Folliculus *stella* in modum formatus est; ipsumq; præterea vitrum satis amplum aliis filis, velut fumo implevit; in quo tamen vias, & itinera, plurimàsque quasi concamerationes reliquisset, quibus liberum sibi aditum ad folliculum aperuisset. Post diem verò à partu vigesimum, circiter Cal. Septembres, quòd ne adhuc quidem ullam mutationem trans vitrum in ovis observare potuissem, ut in aliis similibus experimentis didiceram, folliculum è vitro eximere & aperire volui; ut si fortè ipsæ telæ aut quid aliud Araneolorum nascentium exitum impedirent, notarem. Ecce autem ova jam tùm integra inveni; imò ita ut planè nihil inerat in illis ovis & microscopio examinatis, præter sui similem materiam prorsus immutatam, & talem qualem ab initio eorum partus. Propter assiduam verò fovendi curam, atq; ipsius matris & multo ante partum & post eum summam alacritatem, quòd omnes muscas victui oblatas nunc ut ante partum acriter interficeret, ac liguriret, in animum inducere vix possem, illa Ova irrita aut subventanea fuisse: suspicor
tamen,

tamen, ut in usu eſt quarundam Papilionum ovīs, diu, imò per totam hyemem integra manere, antequam ex iis fœtus edendus ſit. Quæ verò ex his reliqua fuerunt ova, nam omnia non illiſi, iterum vitro indidi, eaq; ſtatim ſolitâ ſuâ curâ amplexa eſt mater, aliſq; novis telis diligentiffimè involvit.

Medio autem Septembri plurimos huiusmodi folliculos, quos in vepribus inveni, aperire & excutere volui: in quibus ſingulis Ova ſimiliter integra notavi.

Proximum verò experimentum iteravi; aliâmq; gravidam ſub idem tempus anni vitro incluſi; ab illa verò idem folliculus ſtellatus itidem confectus eſt; in quo Ova etiam trans vitrum mihi ſatis viſibilia, & à me diligenter obſervata ſunt per totam hyemem: at eadem rerum facies uſq; ad Februarium menſem; quo tempore è folliculo egreſſi ſunt Araneoli, verſuſq; vitri os aſcendere ceperunt; in hoc autem ſtatu eos ad medium uſq; Aprilē ſine ullo viſtu ſervavi; tandēmq; è vitro excuſſos, ſui juris feci.

Æſtate autem admodum calidâ anni 1676 exeunte Auguſto, horum folliculos aliquot aperui, in aliis ova integra reperi; in aliis verò araneolos excluſos & coloris ſubruſi; at Folliculi tunicæ adhuc integræ fuerunt.

CAP. III.

De Araneis rariori & tenui Texturâ Telam conficientibus; & qui extra quidem, ſed tamen juxta eam Nidificant.

TITULUS XIX.

Aranens niger aut caſtaneus, glaber, clunibus ſummo candore inſterſinctis.

Deſcriptio.

I S verò modicæ magnitudinis eſt.
Ei color nigricans.

Oculi ita ordinantur, ut quini tantùm videri poſſint; ſed ſi quis eos diligentius microſcopio examinaverit, ex quatuor mediis, qui propius Tela ſive animalis os, unicus videtur; cùm tamen planè duo ſint: qui verò retrò ſupra frontem ponuntur, manifeſtò ſingulares ſunt, & ex longiori intervallo ſitum habent; item reliqui quatuor extrà poſiti, utrinq; ad angulos ipſius frontis ordinantur, parùmq; diſtant, quin potius proximè jungantur.

Pedes longi, tenuēs, maculoſi; primi an ultimi longiores? Poſt quos ſecundi; tùm tertii breviffimi ſunt.

Alvus ei plenior, orbiculatior, paulo declivior & acuminatior verſus anum; huic color caſtaneus ad nigredinem accedens, maximè in ventre & ſuper clunes; tamen ad alvi latera è candido variatur, idq; præcipuè in gravidis conſpicitur; in quâ etiam pars alvi ſuperior lineolis quibuſdam candidis tùm maximè notabilibus diſtinguitur.

Ab ano appendices quædam extant.

Fœminis

Fœminis paulò ante partum alvus magis intumefcit, adeòq; inflectitur, candidòq; nitore etiam foliaceo pulchrè distinguitur. Maribus verò gracilior & aliquanto productior alvus, retufa, haud ullo candore diſtincta; pedes rufefcentes; tela eorùmq; brachia valida; extrema cornicula tuberculis inſignita. Mas.

Hic autem Araneus à primo Vere in ſylvis frequens, ac Locus. ſi quis alter: item ubiq; per prata, & in ſoſſis ſiccis herbidisq;.

Omnium longè tenuiſſimam telam pandit; at latam; Tela. eamq; æqualiter expansam ſupra ſummam herbam, aut ad quercuum truncos: item hæc pertenuis Tela ex ſuperiore parte inſtructa eſt innumeris filis ſimplicibus, in modum reticuli conglobati intertextis; in quæ cùm offenderint nec opinantes Muſcæ, in linteum præcipitantur.

Iplius autem Telæ conficiendæ ratio, quod ſæpiùs vidi, hæc eſt: nimirum ab ano fila continenter remittit beſtiola; eaq; quoquoſum temerè at ferè in eodem plano deducit; ſubinde fila priùs remiſſa ani apice leviter tangendo; quod ubicunq; fecerit, hæc noviſſima fila aliis firmiter adhærent. A medio Martio ad orientem ſolem hæc tu quoq; quotidie obſervare poſſis.

A primo Vere in pratis paſcuiſq; ſunt innumeræ quædam exiguæ telæ ſive linteolæ, ita tenues raræq; ut de die penè viſum, certè minùs diligentem effugiant: at ſummo manè ob nocturnum rorem valdè conſpicuæ fiunt: hujus verò generis araneolorum Opera ea maximam partem fuiſſe exploratum habeo.

In his autem Telis nullum infundibulum aut Tubulus eſt: ſed perpetuò ſe continet araneus ſubter telam, cœlum ſpectans; Muſcas verò, quæ in telam incidunt, trans ipſam telam, quam ſuprà diximus eſſe rariſſimam, ſibi attrahit.

In ſylviſqualidis vetuſtiſq;, uti ſunt, quæ prope *Aſcome* agri Eboracenſis, ad quercuum Truncos innumeri id ge-

nus aranei telas suas pandunt. Junii verò medio juxta singulas telas singulos folliculos reperire licet.

Folliculus.

Ova.

Folliculus autem è laxioris & solutæ texturæ filis fit; ipsius autem folliculi filis demptis, Ova, quòd minimè inter se coherant, diffuunt; ipsa autem intus comprehensa non pauca sunt, ex flavo rufescentia.

Item in aliquibus duplicem partum notavi; unum scilicet folliculum juxta alterum affixum; at eos inæquales; nempe ex uno araneoli editi, in altero ova nupèr parta. Ex his alias insuper foeminas, etiam ineunte mense Septembri graveſcere, sæpè numero vidi; marèsq; tùm unà adfuisse in iisdem Telis. Item earundem folliculos autumnales, ut opinor, per totam hyemem reconditas esse in musco ad radices annosarum arborum.

Ad Cal. Novembres hujus speciei penè infinitam prolem passim notavi, præcipuè filiorum ejaculatione & volatu mirè se exercentem. Illud quoq; addendum de his putavi; me animi causâ ex his, qui ex aère descendebant, aliquot cepisse; qui quidem statim ac è manibus meis dimitterentur, altero protinus ejaculato filo, intrepidè ascensum rursus in aërem moliti sunt, atq; è conspectu meo longè evolavère.

Horum verò Araneolorum forma ab adultis eorúmque parentibus mirè abladit: his enim summa nigredo resplendens, exceptis pedibus, qui, uti diximus suprà in maribus, crocei. At ea fuligo, ut adoleverint, in castaneum transit, multoq; candore distinguitur. Item à corniculis tumidis etiam nunc mares minutili faciliè dignoscendi. Rursus exeunte Martio ex iisdem Araneolis pusillos admodum, haudquaquam auctiores quàm longè ante brumam, observavi; tùm hos etiam colorem ex atro resplendentem servare, & pedes subcroceos habere.

TITULUS XX.

*Araneus fuliginus, & humerorum faſtigio, & clunium
picturâ candidâ, ad margines denticulatâ.*

AD mediocres accedit.
Ei color fuliginus.

Humeri parùm elevati, faſtigio candido.

Oculi ob inſignem capitis nigredinem difficile diſcernendi; eorum verò medii quatuor inæquali diſtantiâ diſponuntur; ut qui ſuperiores duo magis, qui verò duo ori propiores minùs inter ſe diſtent; reliqui quatuor conjunctim ferè ex utraq; parte bini.

Pedes non nimium breves, hirsuti, maculoſi, ſic ordinati; ultimi omnium longiſſimi, deinde primi, tùm ſecundi, tertii breviſſimi.

Alvus productior, ferè æqualiter craſſa, an paulo plenior verſus anum, ſubteres, ſuprà candidâ picturâ admodum inſignitur; cujus picturæ latiſculæ margines lineolis nigricantibus denticulantur.

Ab ano appendices conſpicuæ.

In regione montosâ agri Eboracenſis *Craven* dicti, nuſquam non inter maceriam reperitur; item in agro Lincolnienſi, & non rarò circa hanc urbem in locis ſimilibus illum inveni ſatis frequentem.

Telam non nimium amplam, rariſſimâ pertenuiq; *texturâ* pandit: hujus autem medio eſt quoddam infundibulum ſive Tubulus, è quo prædæ capiendæ cauſâ diligenter invigilat.

Maio exeunte, mares, corniculis tumidis alvo ſtrigofiore conſpicui, unà cum foeminis adſunt in iſdem telis.

Foeminis paulò ante partum, cùm iis alvus nimium diſtenditur, pictura clunium minùs pulchra eſt.

Ova.

Junio menſe ejus ova pallidula alicui lapidi affixa pone infundibulum facilè reperiẽs; ea autem candido Folliculo diligenter involvuntur.

CAP. IV.

De Araneis minùs propriè dictis Telarum authoribus.

PRIVATIM

De Araneo, qui intra ſpeluncam Telam quidem ſive infundibulum linteum conficit; cui foràs adneſcit Reticulum è maculis in plano quidem diſpoſitis, at inordinatis & rudibus.

TITULUS XXI.

Araneus nigricans prægrandi maculâ nigrâ in ſummis clunibus, ceterùm iisdem imis obliquè virgatis: an ſpeluncarius Mouſeti?

Deſcriptio.

HIC majoribus annumerandus eſt. Ei color nigricans ſive fuſcus. Tela ex atro rubent.

Humeri craſſi & in quoddam faſtigium ſubrotundum eminent; ipſum caput paulò planius eſt.

Oculi, è microſcopio viſi, coloris ſuccini apparent: ita ordinantur, ex quatuor mediis qui duo ſupra frontem retrò poſiti, parvo intervallo inter ſe diſtant; ori verò, qui duo propiores, multò magis; alteri quatuor per conjugationes utrinq; diſponuntur.

Pedes

Pedes crassi, maculosi, nec nimium longi, quorum ultimi longissimi, an primi, tum secundi, tertii brevissimi.

Alvus admodum plena, ad anum paulo crassior, quam à pectore: suprâ proximè à pectore est nigra macula prægrandis ferè parallelogrammoides, circa quam maculam obscure flavescit, infra eandem ex utraq; parte aliquot obliquæ virgulæ coeunt ad angulos obtusos.

Venter creberrimis maculis nigris infuscatur.

Ab ano breviores aliquot appendices.

Tota ferè bestiola molli lanugine contegitur.

Maribus verò pedes altero ferè tanto longiores sunt, *Mas.* quàm foeminis.

In parietum fissuris per hyemem latet, candidis Telis involutus: item id genus Aranei summa altissimorum Templorum tecta, Turriumve fastigia libenter scandunt; in ædificiis ubiq; frequens & alibi in rupium fissuris. *Locus.*

Est autem dubii aut mixti Operis auctor: etenim infundibulum linteiforme primò textit; deinde huic reticulum adnectit, circumcirca ad parietes præpansum; illud verò è maculis inordinatis, in eodem tamen plano ferè dispositis. *Tela.*

Ipsa autem reticuli fila inæqualiter crassa sunt; solito candidiora, ac si opaca essent; texturâ solutâ, instar serici nondum in filum torti.

18 die Junii ex his plurimos in maceria inveni, candidis Telis spissis involutos; intra quos tamen unâ semper aderat Folliculus rariori texturâ, ova continens. Ipsa autem ova inter se soluta, albida, numero pauca; exiguâ magnitudine citra animalis proportionem: an plura edant partitis vicibus? *Folliculus.* *Ova.*

Item in aliquibus nidis Araneoli jam editi.

Ex his foeminam gravidam unâ cum scolopendrâ majore ratâ, infestisq; telis armatâ, sub eodem vitro inclusi: illam verò aggressa est aranea, eamq; pluribus in locis morden-

do confecit; vulneribúsq; adhærens ſuctu eam depaſta eſt.

Huic araneo, dum in Reticuli veſtibulo prædæ capiendæ invigilabat, majusculam muſcam conjeci; quam celeriter quidem arripuit, atq; unico morſu, quantum notare potui, occidit, ita ut temporis momento ex toto immobilis atq; emortua eſt.

Per hyemem maximè in tempeſtate pluviola prorepunt hi ſimilésq; aranei domeſtici: illud verò in cauſa eſſe poſſit, eorum cavernulas ruinoſas, ubi eos latere diximus, contra vim tempeſtatis non ſatis tutas eſſe: ipſi autem ejus ſævitiam ex parte patiuntur, priùs quàm ex hybernis migrant: aut cùm huic ſimile aliquid incidit, potiùs quàm nescio cui animalis præſcientiæ referendum eſſe exiſtimo.

CAP. V.

De Araneis linteariis, qui parvâ admodum Telâ ad prædandum contenti ſunt; intrâq; illam quoq; Nidifcant.

TITULUS XXII.

Araneus cinereus mollis ſive lanuginofus, cui in albo oblique virgatâ, macula latiuſcula nigricans.

Deſcriptio.

INter mediocres numerari debet: ei color cinereus; totus mollibus pilis lanuginève contegitur: tela rubent. Humeri eminent faſtigiati.

Oculorum hæc eſt ratio; nempe quatuor in mediâ fronte, quorum duo ſuperiores ſatis longo intervallo diſtant;

ſtant; duo verò inferiores ferè conjunguntur, an etiam paulo majores hi? deinde alii bini ex utraq; parte etiam conjunctim poſiti; at obliquè.

Pedes tenues, breves, non maculoſi; quorum primi reliquos longitudine multùm excedunt, deinde ultimi, tùm ſecundi, tertii breviffimi.

Alvus plena, productior, ejùſq; media paulò tumidior; in ſuperiore parte macula latiùſcula è nigro rubens; at infra maculam aliquot obliquæ virgulæ ad obtuſos angulos coëunt.

Longiores ab ano appendices tantisper oſtendit beſtiola, dum ſila libenter ducit.

In ſylvis & in vicinis pratis, alibiq; præcipuè aſtrali- LOCUS.
bus Angliæ partibus, non nimium rarus.

Per hyemem verò latitat ſubter annofarum arborum corticem.

Mediâ æſtate & circa autumnum ex his fœminas pluri- O. a.
mas inveni, in candidis Telis vel folliculo incluſas unâ cum fœtu, aut jam edito, aut adhuc in ovis. Hujusmodi autem Folliculi ferè in ſummis herbis proceris inveniuntur. Atq; eadem ratio & nidificandi & prædandi, quantum ſcio, eſt.

TITULUS XXIII.

Araneus plerunq; lividus, non raro tamen ſubſlavus, ſine ullâ picturâ.

Iſ autem ferè modicæ magnitudinis eſt; eſſi ex iis ſint, Deſcriptio.
qui inter majores numerari debent.

Ei color ſublividus, qualis in muribus domesticis; modò ſubſlavus, aut ſubrufus; ejus tamen color, quicunq; ſit, nullâ picturâ aut maculâ variatur, ſed ex toto ſui ſimilis eſt.

Breviffimis.

Brevissimis densissimisq; pilis mollibus contegitur, non sine quodam splendore.

Ejus Tela nigerrima, admodum crassa validaq; adeoq; ejus morsus pertimescendus, quod vehementer noxius esse possit.

Humeri lati & paululum gibbi.

Octoni oculi æquali magnitudine sunt, sicq; ordinantur; quatuor medii inæqualiter distant; ut superiores propiores inter se sint, inferiores ex intervallo majori: reliqui quatuor utrinq; bini disponuntur conjunctim ferè.

Pedes longè omnium crassissimi sunt, nec nimium breves; eorum primi, secundi, ultimiq; longitudinem quod spectat, non multum inter se differunt: neq; verò tertii addè breves sunt, ut in reliquis araneis. Illud semel notavi, è primis pedibus dextrum & multo tenuiorem & suo compari brevior; an id fortè per accidens?

Alvùs productior, paululum acuminata, unicolor; ab ano appendices quidem, sed non nimium extantes.

Locus.

In ruderibus & dumetis frequens; item in ædificiorum parietibus non rarus.

Candidis Telis inclusi per hyemem latent, maximè ubi alicujus annosæ arboris cortex malè adhæret.

Ex his aliquot thecâ stanneâ inclusèram, eosq; singulos postridie singulis folliculis involutos notavi.

Humor, qui ab acûs puncturâ ex eorum corpore profluit, pellucidus est, & dilutus admodum videtur; tamen paucis momentis exsiccat, & fit fragilis velut quoddam gluten.

Ova.

Exeunte Junio ex his foeminam inveni subter coryli corticem latentem, amplisq; telis inclusam: quibus demptis, in aliis interioribus telis Folliculum adverti, multis ovis ferè candidis sive niveis refertum.

Ipsa autem Ova majuscula & numerosa fuerunt; aperto folliculo, quod minimè inter se cohærebant, difflexerunt.

Sub

Sub idem tempus eundem Folliculum ſubter alicujus arboris folii partem pronam affixum obſervavi; aliisq; telis coopertum; intra quas ipſe etiam araneus latuit.

Item ad Calendas Quintiles in ſummis herbis procerioribus plures hujus generis araneos fœminas intra ſuas telas inveni: ubi etiam numerofus fœtus: præter linteum verò alia etiam fila ſimplicia in quaſdam quaſi maculas circumcirca diſponere ſolet. Ut & venandi & nidificandi eadem ferè ratio ſit.

Hunc Araneum in ædibus noſtris ſæpè Erronem vidi; illudq; adeò non ſilendum duxi, me alterius cujuſdam aranei ova fortè in menſa negligenter reliquiſſe: quæ mox ex his erronibus aliquis avidè corripuit, dimidiũmq; folliculum in paucis horis depaſtus eſt; imò verò poſtea, ut rem certiùs explorarem, folliculi ſemieſi reliquum in eandem menſam de industria remiſi, eundemq; helluonem ſub noctem reverſum, & folliculum rurfus ligurientem deprehendi.

CAP. VI.

De Araneo linteario anomalo, suis sui generis, an senoculo?

TITULUS XXIV.

Araneus subflavus, albo quasi cylindracea maculis quadratis insignita; item cui ad alvi latera singule oblique virgulae flavescentes.

E S T animal lanuginosum; & è majoribus araneis.
 Ei color subflavus aut paulò fuscior.

Humeri subfusi.

Tela nigricant.

Illud planè singulare, si verum, huic non ampliùs sex Oculos datos esse; sed me vitrum meum fortasse fefellit. Ita autem, quos discernere liceret, disponuntur; nempe in mediâ fronte bini ex intervallo, & ex utraq; parte alii bini ferè conjunctim: atq; ii, qui in mediâ fronte, paululum minutiones mihi visi sunt, quàm reliqui extimi. Sed hæc curiosiùs exploranda.

Pedes crassi, non nimiùm longi, maculosi.

Alvus productior, ferè cylindracea sive teres, obtusa, plena; in superiore alvi parte est quædam quadratarum macularum series, catenæ in modum dispositarum; eademq; nigricant, at si soli obvertantur, purpurascunt; tota præterea alvus crebris punctulis fuscis conspergitur; item ad alvi latera utrinq; sunt singulæ obliquæ lineolæ flavescentes.

Mares corniculis tumidis insigniuntur.

In australibus Angliæ partibus subter annosarum arborum corticem, item in parietibus admodum frequens: ^{Locus.} apud nos verò in septentrione rarissimè occurrunt; tamen ex iis paucos inveni in maceriis regiunculæ montosæ *Craven* dictæ.

Per hyemem in candidis Telis latent.

Ad Calendas Junias ex his *fœminam* in maceriâ inveni, Telis inclusam unâ cum fœtu numeroso.

SECTIO II.

De Araneis Venatoriis, sc. qui aperto Marte muscas insectantur, nullo artificio vel reticuli vel Tela adhibito.

CAP. I.

De Araneis Venatoriis in genere.

HActenus araneos retium textores, cujuscunq; illi generis fuerint, exposuimus: in alterâ verò sectione ea araneorum genera proponam, qui, cum aliàs possint, neutiquam tamen prædandi causâ texunt. Etenim, dum ova Folliculis diligenter includunt, ea fœtus cura est: deinde ex iis plerosq; per hyemem in elegantissimis sui artificii telis latitasse ipsè deprehendi; adde quòd iidem lacerati, de ventre fila remittunt; atq; ea sui cura est, ut injurias evadant. Ipsumq; idem deniq; tum libentissimè faciunt, ubi serenissimis illis diebus autumnalibus mirificâ filorum ejaculatione, & in aëre vectiōe vehementer oblectantur; quam tamen exercitationem, muscas capiendi

di causâ fieri suspicari fas est. Hi autem omnes Venatorii à me appellantur, quod prædam insectantur, non expectant. Ut autem in genera inferiora eos diducere, singulorum notas communes & convenientias primò percurram.

CAP. II.

De Araneis Lupi dictis in genere.

DE Luporum autem nomine minùs contendo, an proximè describendis solis conveniat, aut etiam aliis quibuscumque araneis acriter prædam insectantibus, quæ fortè hujus appellationis ratio fuit apud antiquos. Ut verò aliquibus nostris bestiis illud nomen aptetur, earum notas características breviter enarrabo.

1. Oculis quatuor magnis & totidem exiguis donari.
2. Habere pedes postremos omnium longissimos.
3. Idq; ob singularem partis vecturam, qui, dum in ovis, ano adhæret Folliculo inclusus; ubi autem araneoli edantur, ii matris dorsum ascendunt, à quâ sic circumferuntur universi.
4. Per terram venantur, raròq; vel arbusculos scandunt, nisi id fortè inter volandum accadat.

CAP. III.

De Araneis Lupis in Specie.

TITULUS XXV.

Araneus niger.

I Nter mediocres numerandus eſt.

Deſcriptio.

Tàm mari quàm fœminæ color nigerrimus.

Ei caput exiguum, acuminatum.

Oculi ita ordinantur ; ori quatuor propiores, exigui ſunt, pérq; paria ferè conjunctim poſiti ; paulò retrò in ipſâ fronte alii duo, longè omnium maximi, magiſq; inter ſe diſtantes ; adhuc magis retrò verſus humeros alii duo etiam majusculi, ex longiore intervallo.

Pedes pulchrè maculoſi ; idq; maximè conſpicuum, ſi aquâ demittantur ; eorum a. hæc eſt meſura, ultimi reliquis multò longiores, tùm primi, deinde ſecundi, poſtremò tertii, ſed inter hos vix aliquis notabilis exceſſus eſt.

Alvus plena, ſubteres, verſus anum paulò craſſior ; ejus pars ſuperior maculis nigris in duplici ſerie exornatur.

In ſylvis admodum frequens eſt, & alibi in dumetis & pascuis. *Locus.*

Ad rivulorum ripas ſub initium Maii mares vidi fœminas ad venerem excitantes ; illas infectando, ſuâſq; antenas tremulo quodam motu vibrando ; contrà fœminæ mares propellebant.

Ipfos etiam rivulos haud invitè tranſnatant, certè vel leviter propuſi.

L 3.

Exeunte.

Exeunte Maio, ſingulorum araneorum ano adhærent ſinguli folliculi; ſc. eorum unusquiſq; ad magnitudinem piperis grani; parùm depreſſus; ferè ſubcyaneus, aliquando ſubflavus; membranaceus ſive texturæ denſæ telæ inſtar lineæ.

Ova.

Ipfæ autem ova ſubrufa; numero circiter viginti in ſingulis folliculis.

Dum ova circumvehit mater, valdè ſtrigofa eſt.

7 Junii fortè tùm primùm è millenis unum araneolos ſuos ſupra dorſum vehentem vidi; reliqui autem in folliculo ſuos adhuc ſub ano fovebant circumferebântq;.

Inter approbata remedia-D. *Mathei Liſter* Equitis auri, proavi mei plurimùm honorandi, illud invenio, quod ſine invidia communicandum putavi; nimirùm aquam ſtillatitiam ex araneis nigris optimè vulnera ſanare; idq; fuiſſe ex ſecretis D. *Gualteri Rawley*, fortiffimi viri.

TITULUS XXVI.

Araneus fufcus, albo oblique virgatâ.

Deſcriptio.

Mediocribus annumerandus eſt; at interdum reperiuntur ex his quidam ſubcinerei, qui vulgarem magnitudinem facilè excedunt.

Ei color fufcus; tela capûtq; nigra, & incanâ lanugine conſperſa.

Prope os quatuor exigui ocelli, ſine microſcopio vix diſcernendi: ſuper hos alii duo prægrandes; poſt illos paulò retrò ad humerorum faſtigium alii duo majusculi.

Pedes luci objecti crebris maculis diſtinguuntur; hirsuti; quorum ultimi, ob commodam partûs vecturam, omnium facilè longiſſimi; reliqui à primis incipiens, ſuo quiq; ordine ſequuntur tam longitudine quàm numero.

Alvus

Alvus plena, productior, subteres, paululum acuminata.

Hujus generis araneorum est infinita passim vis, per ter-
ram in campis currentes & alibi. Locus.

Per hyemem verò sub terram in dumetis latent.

Exeunte Maio singulis araneis singulos Folliculos, ano-
folliculus.
folliculus.
subter appensos, observare licet. Ejus verò color ferè
subcæruleus, interdum subflavus; orbiculatus, aliquantulum
depressus; ad magnitudinem grani piperis; membrana-
naceus.

Sub initium aut medium Julii Folliculus per medium
dehiscit, exeuntq; araneoli; ipsi mox matris dorsum a-
scendunt, eosq; ipsa super clunes humerosq; secum gesta-
re gaudet, fovet, nutrit, i. de sua prædâ alit; jucun-
dissimum planè spectaculum!

Folliculum, ovorum involucrum, si subter adimere ten-
tabis, eum bestiolæ ventri fili ope ab ano remissi firmit-
ter adligatum invenies, at quo nodo inquires? respondeo
ubicunq; araneus anum demiserit, ibi filum necessariò
figit, ac si cui digitus visco inficeretur; quippe ea vel
ipsius fili recentem emissi, vel cujusdam humoris unà cum
filo exeuntis natura est.

Folliculum ab ano duce leviter sic, ut ex facili subse-
quatur; cave rampas; ita in miram longitudinem filum
protrahes: protinus verò ac manum dimiseris, illud rur-
sus intus reducere potens est ipsa mater. Quæ sanè inter-
na velut Glomeratio sive suctio est æquè admirabilis pro-
prietas, atq; illa altera fila ejaculandi; in quo certè hæc
species magnopere delectatur.

Etenim ad medium Octobrem in agro Cantabrigiensi,
cùm Croci flores colligunt, summâ serenitate, ut ibidem
illis diebus aliquando accidit, supra fidem est quantam
multitudinem horum præter alia araneorum genera ad-
verti in aëre vellicantium. Hæc interim mihi de hæc re
maximè notabilia occurrebant; eos interdum singulari a-
liquo Filorum ejaca-
latio.

liquo filo contentos, interdum plurima simplicia fila, velut totidem micantes radios ad cometæ caudam ejaculatos fuisse: deinde hæc eadem fila proximè ab ejaculatione purpureo quodam splendore mirum in modum micasse: neq; illud silendum putavi, hos araneos, cùm singularibus filis ejaculandis sese exerceant, ea modò abrumpere; modò in exiguos glomerulos niveos recolligere, prioribus sc. pedibus super capita celeriter circumactis; modò se committere leni auræ, ascensumq; in aërem pèrq; summas nubes moliri. Illud verissimum est, eos, etiam super celsissimam Turrem aliquoties de industria à me contemplatos, longè tamen extra conspectum meum evertos fuisse. Postremò in istis longissimis filis aëreis, jam in funes crassiores, sed inæquales implicatis, idq; à longis in aëre victionibus, mulcas casu an de industria irretitas me non semel notasse memini.

TITULUS XXVII.

Araneus flavus unicolor, albo productiori acuminata.

Descriptio.

HÆC ingens bestiola est, certè maximus sui generis araneus.

Ei color subflavus, idémq; per omnia membra.

Humeri ampli, in fastigium eminentes; quod lineola subalbida ex pilis sive lanugine griseâ per longitudinem distinguit.

Oculi octoni ita ordinantur; quatuor exigui orî propiores; paulò retrò duo maximi ex intervallo; adhuc paulò ob ore remotius versus humeros alii duo, proximis duobus paulò minores, at ex longiore intervallo distantes.

Pedes ingentes, crassi, productiores; horum ultimi omnium longissimi, tùm primi, dein secundi, tertii brevissimi.

Alvus.

Alvus prælonga, subteres, à pectore aliquantulum plenior; deinceps paulatim in acumen definens; unicolor, nullaq; picturâ, aut certè valde obscurâ, distincta.

Tota bestiola pilis contegitur brevibus, densis, molli-
bus.

Mari extrema cornicula quasi nodis sive capitulis quibusdam turgent: item ei super alvum ex duplici serie circiter sex haud exiguæ maculæ nigerrimæ; cæterum ei idem subflavus color, qui in fœminâ suprâ dictus est. Mas.

Ex his unam, Maio exeunte, cepi, quæ facilè omnes nostros araneos magnitudine excederet. In dumetis & vepribus venatur. In australibus Angliæ partibus frequens; at multo rarior apud nos circa Eboracum; neq; uspiam in montosis regionibus illius agri vel semel à me inventus est. Locus.

Junio mense Folliculum, pectori affixum, secum gestat; eam Nidificare nondum observavi. Folliculi figura sphaerica; piperis quovis grano duplo major; color subalbidus; velamentum sive tunica, quâ ova, haud parva, includuntur, membranacea est. Folliculus.

Ex his marem ingentem bestiolam, at nullis maculis, ut suprâ notavimus, distinctam, fossas quasdam in paludibus juxta *Doncaster* trajicientem vidi; in alterâ verò ripâ eum expectavi; at ipse mihi propior factus libenter se intra aquam profundè demisit; juncum amplexus, ut difficulter sanè eum expiscari potui, adeò de juncu in juncu per aquæ fundum celeriter transfiliit.

TITULUS XXVIII.

Araneus ſublividus, albo undatim pictâ, productiori, acuminatâ.

Deſcriptio.

HIC inter majores araneos numerandus eſt. Ei color ſublividus, qualis in mure domeſtico.

Oculos, humeros, pedes quod ſpectat per omnia ſimiles haber, atq; in proximè ſuperiori poſitum eſt. Eadem etiam alvi figura; at color diverſus, ut ſuprà in Titulo diximus. Item ſupra clunes eſt quædam pictura foliacea, ad margines undatim circumſcripta.

Atq; eadem pilorum ratio.

Mari eadem notæ atq; ſemina: illi præterea extrema cornicula turgent, magiſq; ruſcunt; at eadem clunium pictura.

Locus.

In australibus Angliæ partibus frequens, at multo rarior verſus ſeptentrionem.

Nidus.

Circa initium Junii in dumetis & pratis nidificat: huic Nidus luteoformis ex telâ ſc. tenuiori, in modum caſſidis aut campanulæ: ſerè intra hunc ſe continet mater, ſub pectore Folliculum continuo geſtans.

Folliculus.

Folliculo color ſubalbidus; membranaceus; ſerè ſphæricus; duplo major piperis grano. Cum exit mater ad venandum, folliculum ſuum in nido minimè relinquit, ſed ſecum aſſiduè eum circumfert: at raro longè à nidi veſtibus progreditur.

Ex his pulli tempore autumnali, aut luteo, aut ſubcroſeo colore, interdum etiam flammeo ad alvi latera illuſtrantur: hi verò ſub idem tempus inprimis volucres ſunt, & ingentium florum aëreorum authores.

N. B.

In collibus arenosis ad oſtium Fluminis Tees unam & alteram

alteram fortasse speciem Luporum à me nondum descriptorum vidi: nec nunc per otium eos rursus investigare licebit.

C A P. IV.

De Araneis Cancriformibus, minùs propriè Lupi dicendis.

Illorum autem hæ sunt notæ characteristicæ. 1. Habere pedes posteriores omnium brevissimos, aut certè qui pedes tertios longitudine non multùm excedant.

TITULUS XXIX.

Araneus subfuscus, minutissimis oculis è violâ purpurascens, tardipes, & gressu & figurâ cancro marino non adedò dissimilis.

E S T mediæ magnitudinis bestiola.

Ei color ferè subfuscus; nam aliàs ex his rufescentes observavi, & albidos, interdum pallidè luteos aut subvirides in modum corticis pomi citri; illaq; omnis varietas à cuticulâ fortasse noviter exutâ orta est.

Humeri breves, plani sive depressi.

Oculi perexigui, ita ordinantur; nimirum in mediâ fronte sunt duo, quibus alii duo, paulò retrò versus humeros positi, respondent: ad frontis latera quatuor tubercula eminent, in quibus singulis sunt singuli ocelli; hi verò omnes diligenter intuenti è flammâ sive quâdam purpurâ micant.

Descriptio.

Pedes craſſiuſculi, præcipuè priores quatuor, totidémq; poſterioribus hi ferè altero tanto longiores : Et quemadmodum hi ità & illi inter ſe propè æquali longitudinè ſunt.

Alvus depreſſa, lata, à pectore gracilis, ſubinde plurimùm increſcente ad inſtar ampullæ, at eà ferè figurâ quâ cancer marinus vulgaris, aut maximè quâ plantæ, burſæ paſtoris dictæ, ſiliquæ ſunt ; tamen alvus non adeò obtuſa eſt, quin ipſe anus in quoddam acumen ſubitò promineat.

In ventre crebræ rugæ, in modum circuli implicate, velut cuticulæ plicæ in extremis noſtris digitis.

Præterea eſt beſtiola ex toto glabra.

Rependi autem modus cancro marino vulgari ſimilis eſt ; nam etſi rectà aliquando progreditur, tamen libenter vel dextrorſum vel ſinistrorſum, aut etiam retrorſum repit.

Locus.

In auſtralibus Angliæ partibus eſt frequentiffima beſtiola ; certè à Cal. Martiis illos paſſim in aggeribus apricis & dumetis reperire licet. At rarò apud nos in Septentrione occurrit.

Junio menſe alvus Ovis multùm diſtenditur ; atq; ipſis araneis tùm præcipuè color ſubſcuſcus, ut ſuprà dictum eſt.

Sexto Junii ex his unam Folliculo ſuo tenaciter adhærentem adverti ; ipſe autem folliculus ſummo *Geniſæ ſpi-noſæ* furculo intertextus eſt ; hunc furculum decerpi, illũq; unà cum araneo thecâ lignèâ incluſi ; neq; tamen abſcedere voluit araneus, ſed folliculum pectore uſq; velavit.

Folliculus.

Ova.

Folliculi autem figura rotunda, depreſſa admodum, lata ; ipſa autem ejus tunica velut membranacea, è telâ ſc. denſâ, niveâ. Ova benè multa continet, exigua, pallidè carnea. Tunicâ reſciſſâ, ova, quòd minimè inter ſe co hærent, diſſiunt.

Sui verò artificii præter folliculum vel telas vel aliis alterius generis reticula mihi nunquam adhuc videre contigit: tamen summas arbores facile scandit, filoque è ventre remisso rursus se in terram demittit. Certè egregius funambulus est, & mirifice filorum ejaculatione delectatur: neque solum in aëre, uti superiores, vehitur; sed ipse etiam ascensum velificationemque molitur, pedibus se arctius ad se invicem applicitis sese quodammodo librat, cursum promovet regitque nihilo secius quam si illi essent à naturâ concessæ alæ vel remorum ordines.

Operæ pretium esset de ejus morſu periculum facere in sanguineis animalibus; nam mihi perniciosissima bestiola videtur; certè animus meus ab insolenti ejus gressu & figurâ, utpote nova ac prorsus aliena à cæteris araneis. At centies in manus meas receptus, semper eatenus illum innocuum expertus sum.

TITULUS XXX.

Aranens parvus, subrufus velut inauratus, ipsâ alvi apice infuscatâ, levipes.

IN minimis numerandus est.

Ei color subfuscus, si tamen eum soli aut flammæ obvertas, velut inauratus.

Humeri parvi, rotundi, paululum gibbi.

Oſtoni oculi nigri, sic ordinantur; nimirum, in ipsâ fronte quatuor, velut circuli curvaturâ positi; tùm paulò retrò alii duo ex intervallo; post eos totidem alii, omnium longè maximi. Hæc autem oculorum ratio est, quæ tamen sine Microscopio non benè discernitur.

Pedes perpallidi, hirsuti, maculosi, satis crassi, non nimium longi; quod verò ad longitudinis excessum attinet,

ſic concipiendum eſt ; ſc. ſecundos eſſe longiſſimos ; tũm qui primi ſunt, poſt illos tertii, ultimi omnium breviſſimi ſunt.

Tela exigua ruſcunt.

Alvi figura valdè depreſſa, latiſcula, proximè à pectore paulò anguſtior, dein multo plenior ; ſerè ſubrotunda, niſi quòd ipſe anus in acutum paululũ promineat : alvi ſuperior pars foliaceà quãdam picturã velut auro interſtinctã adumbratur ; ipſe verò ani apex inſulſatur.

Locus.

Per hyemem in veteribus avicularum nidis, aut ubi arida folia ſimiliãq; in ſepibus congeſta ſint, frequens latitat : per æſtatem verò in dumetis & vepribus prædam infectatur. In ſeptentrione Angliæ rarior eſt.

Sub initium Junii ex his aliquot, folliculis niveis adhærentes, obſervavi ; ipſi autem folliculi erant angulares, ſtellæ in modum, valdè depreſſi, Geniſtæ ſpinosæ ſurculis intertexti & affixi.

Citiſſimè currit, & è ventre inter currendum filum remittit ; item circa autumnum eum ſila ejaculantem ſæpiùs notavi.

In reticulis Orbiculatis ſuprà deſcriptis hos araneos inter ceteram prædam ſuſpenſos aliquoties vidi.

CAP. V.

De Araneis Phalangia dictis in genere.

Huius autem generis Araneorum nota characteriſtica una eſt, aſultim ingredi, Pulicum more ; quæ ſola nota evincere ſatis eſt, noſtras beſtiolas eſſe de Phalangiorum genere à Plinio aliſq; antiquis ſcriptoribus commemoratorum ; an verò horum ſint noxii morſus ſimiliter atq; illorum,

Illorum, nondum mihi certò exploratum est. 2. Altera est habere frontem veluti quadratam; 3. Octonos Oculos inæquali magnitudine, & in dimidii velut circuli curvaturâ dispositos; 4. Pedes priores & longiores & validiores cæteris, ad assidui saltus commoditatem.

A proximè superioribus. Lupis in his præter alia differunt. 1. Quòd his frons lata est. 2. Quòd Oculi majusculi in his Ori propiores sunt, minorésq; versùs humeros; cùm in illis contrarium positum observent.

CAP. VII

De Araneis Phalangiis in specie.

TITULUS XXXI.

Araneus cinereus, alio circiter senis fasciis transversis, in angulos acutos in medio erectis, argenteis & nigris alternatim dispositis insignitâ.

Inter mediocres numerandus est.

Ei color niger argenteo interstinctus.

Humeri plani sive depressi, ferè quadrati; ipsa frons lata.

Descriptio.

Octoni oculi nigri, ex dimidio ferè circulo secundùm frontem humerósq; sic ordinantur: duo sc. medii cæteros magnitudine multum superant; juxta eos alii duo minutiores sunt; paulò retrò alii duo perexigui ex intervallo longiore; post hos ultimum par oculorum secundis ferè æquales; at ii omnium maxime inter se distant. Neq; id microscopio quidem facîle discernendum est, antequam bestiolæ

beſtiolæ caput humerôſq; ad totalem pilorum conſumptionem flammâ uſſulaveris.

Pedes breves, hirsuti, maculoſi; quorum priores reliquis paulô & longiores & craſſiores ſunt, ad commodiorem ſaltum puta.

Alvus ſubteres, acuminata; ſuperiore ejus parte ſunt circiter tres lineolæ ſive faſciæ argenteæ, latiuſculæ, ad angulos obtuſos cœuentes; iſtæ autem faſciæ interſtitiis nigris diſtinguuntur, niſi ubi argentei pili id variant; quibus etiam brevioribus & mollibus beſtiola ex toto contegitur.

Huic quædam Varietas ſecundùm ætatem aut cuticulam proximè exutam: idq; ſummopere monere volui; ne incauti has varietates pro diſtinctis ſpeciebus aliquando habeant.

Locus.

In veteribus ædificiorum noſtrorum parietibus; item in ſylvis frequentiſſimus eſt ubiq; per Angliam.

In poſtremis pedibus ſe erigere ſolet; capûtq; attollendo, loca, in quæ mox infiliat, undiq; reſpicit: aſſultum ingreditur, pauciſſimiſq; paſſibus interpoſitis, haud ſecus quàm Pulices ſaliunt.

Laſſeſſitus è ventre ſila remittit; atq; adverſus hyemis ſævitiâ ſibi involucrum è ſpiſſâ telâ linteiformi contexit; in quâ ad medium Februarium latet incluſus; ſubq; id tempus venatum prodit.

Inter cæteras muſcas omnigeni culices maximè ei arriſcent: ejus autem venationis modum elegantiffimis veriſimiſq; verbis enarravit *Cl. Evelinus* noſter apud Doctiſſimum *Hookium*, *Micrographiæ dictæ Obſerv. 48.*

Quòd verò idem *Clar. Hookius* affirmare videtur, huic tantùm ſenos eſſe Oculos, aliſq; araneis dari plures octo, alii diligentiùs videant. Equidem fateor me in omninò nullos araneos adhuc incidiffe, quibus darentur plures aut pauciores octo, modò qui ſint *ſecundæ Partis* inferiùs deſcribendi, eo numero excipiantur. Illud veriſſimum

man eſt, quod in aliis alium poſitum, atq; ordinem habent oculi; imò verò & in multis inæquali ſunt magnitudine; ſed de his reliquiſq; oculorum accidentibus aliàs egimus.

Circa Aprilem primæ ſectionis aliquos araneolos ex his unum cepiſſe deprehendi: quo manifeſtum fit, araneos libenter & cùm ſui juris ſunt ipſos araneos inſectari; & non tantùm iracundiæ vindictæve cauſâ, cùm ſimul cuſtodiantur eodem vitro, ut ſuprà expoſitum eſt.

Hujus aranei corpus chartæ illiſum illinitumq;, ſupérq; lixivium diſtillatum, colore ſubpurpureo eam inſicit.

Hujus generis Araneolos, papaveris ſemina non multùm ſuperantes, circa Auguſtum menſem obſervavi.

TITULUS XXXII.

Araneus ex ruſo ſubſcuſus, ſuper clunes præter duas maculas albas, foliaceâ quâdam picturâ, obſcurè licèt delineatâ inſignitus.

HIC autem araneus proximè ſuperiori paulò minor *Deſcriptio.*
eſt.

Ei color ſcuſus ad nigredinem accedens; at ſi eum, vitro adhibito, in clarâ luce curioſiùs examines, ſubruſum videbis.

Oculorum idem & numerus & poſitus, & magnitudo, qui in ſuperiore.

Item eadem capitis & alvi figura, eadem pedum ratio & ingrediendi modus. Suprà alvum verò ſunt duæ inſignes, licèt minores, maculæ albæ; aliâq; veſtigia obſcura foliaceæ cujuſdam picturæ; ſiquidem paululùm infra maculas delineantur quædam virgulæ tranſverſæ anguſtiſſimæ, ad obliquos angulos coëuntes, velut folii cujuſdam nervuli.

N

Ad

De Araneis Oſtonoculis.

Ad parietes nostros rariùs occurrit; eſſi inter ſuperiores multos ex his unum vel alterum multoties obſervavi Eboraci.

TITULUS XXXIII.

Aranens ſubſlavus, oculis ſmaragdinis, item cui ſecundùm clunes tres virgulæ croceæ.

Deſcriptio.

MEdiæ magnitudinis eſt.

Ei color maximam partem ſubſlavus.

Humeri lati, ferè quadrati, admodum plani; latiffima frons.

Ejus oſto Oculi, velut totidem ſmaragdi viſcunt, atq; inauratis radiis micant; ex his qui duo in mediâ fronte prægrandes ſunt, adeoq; vel nudis oculis facilè diſcernendi; juxta eos alii duo paulò minutiores; poſt illos alii duo perexigui; poſtremò alios magis retrorſum duos invenies, totâ humerorum latitudine diſcluſos, ſecundis magnitudine ſubpares.

Pedes primi (in maribus) craſſi, hirsuti, cæteris longiores; tum vel ultimi vel ſecundi; tertii omnium breviffimi.

Alvus ſubteres, acuminata; ſecundùm clunium longitudinem, tres virgulæ croceæ, conſpicuæ admodum.

Venter albidus.

Non aliter quàm Pulex in grefſu ſaltat; & laceſſitus è ventre ſilum emittit.

Mari autem cornicula extrema turgent, & dilatantur; telâq; atro-rubentia abſcondunt.

Locus.

A Cal. Sextilibus hunc primò obſervavi ad parietem lateritium Viridarii collegii D. *Johannis* Evangeliftæ Cantabrigiæ repentem: poſtea *Londini* in ſimilibus locis aliquoties.

quoties à me repertus est : at è rarioribus quidem araneis est.

Eum vitro inclusi cum altero è majoribus araneis, cui multi aranei antea prædæ fuissent ; at hic noster per plures menses unà vixit, an fortè quòd alterius vim mirâ saltandi agilitate evasit, aut quòd æquè in morſu perniciosus.

TITULUS XXXIV.

Araneus subrufus, Ericetis, sive in rupibus degens.

Superioribus sui generis magnitudine par est.

Descriptio.

Ei color subrufus, ad castaneum seu pullum vergens.

Humeri plani ferè quadrati ; frons lata.


In mediâ fronte bini majusculi Oculi ; prope hos bini alii paulò minutiores ; retrò alii duo minutissimi ; post hos in mediis humeris alii duo secundis ferè æquales : oculi omnes nigricant.

Pedes breves, ex his quatuor priores (certè in maribus) reliquis multò crassiores sunt.

Alvus acuminata ; cui color idem, ac quem videmus in maturo pomi semine ; sunt etiam quædam nigricantes venulæ, sive lineamenta foliacea : præterea ad alvi latera candidam quandam picturam, nigro eleganter distinctam, notes velim.

Ipse venter cinereus.

In Ericetis tantùm agri Eboracensis & in nudis rupibus, eâ præcipuè regiunculâ, quam *Craven* vocant, eum inveniri. Rarissima sanè bestiola !



PARS II.

De Araneis Binoculis.

C A P. I.

De Araneis binoculis in genere.

IN superiore parte Araneos Octonoculos, quantâ maximâ potui diligentîâ executus sum : hâc verò alterâ parte Araneos Binoculos explicare aggrediar : Atq; horum certè plurimæ, præter jam dictam, notæ characteristicæ sunt. 1. Esse plerosq; longipedes. 2. Habere cutem ferè crustaceam. 3. Fila non mittere, aut ullum opus textorium, quod scio, exercere ; quanquam adhuc quidem de eorum hibernis, aut fætûs curandi ratione, nihil exploratum habeam. 4. Binis tantùm Oculis, ut diximus, donari. 5. Caput è mediis quasi humeris eminere. 6. Pectus ab alvo disternari nullâ certè ad nudum oculum notabili incisurâ. 7. Tela forcipata, velut cancri marini brachia, in binos digitos diduci. 8. Adeóq; etiam vulgò innocuos credi ; certè morsum quod spectat. 9. Pedes, longitudinis rationem quod spectat, alternatim esse dispositos. His excrementa figurata esse ; cùm superiores omnes Octonoculi illa liquida reddant.

C A P.

CAP. II.

De Araneis binoculis in specie.

TITULUS XXXV.

*Araneus cinereus, cristatus.**Descriptio.*

IS maximus est hujus generis araneus ; & inter majores omnium superiorum rectè numerari potest.

Ei color pallidè fuscus aut subcinereus.

Pedes longissimi tenuissimiq; quorum secundi, ultimiq; cæteris paulò longiores sunt.

Paulò retrò à fronte exiguum Capitulum instar verruculae eminet ; cujus apex duplici velut cristâ, è spinis constata, armatur. Hisdemq; ferè spinulis at minoribus etiam tota frons conspersa est.

In capitulo ex utraq; parte singuli Oculi nigricantes. Atq; hæc ferè simplici vitro discernenda sunt.

In medio dorsi Pictura fusca velut rhombocides.

Venter albidus.

Maribus cornicula prælonga : item Tela geniculata ; at forcipata, sicut in foeminis : pedes magis infuscantur : idem capitulum cristatum sive spinulis hirsutum : eidem insuper Penis in medio ventre, de quo vide plura in proximè sequenti Titulo.

Locus.

A Calend. Aprilibus in sylvis frequens bestiola ; item circa solstitium æstivum in campis apertis ; & præcipuè inter segetes numerosi ; unde apud nostrates à messe *Par' best Spiderg* appellantur.

Augusto mense plerasq; foeminas gravidas observare licet :

ſicet: in his autem tùm Ova inſunt alba, perfectæ rotunditatis; tamen ubi & quo modo ova ſua pariant, curéntq; nihil adhuc deprehendi.

Sub idem tempus ex his aliquot gravidas, ſingulas ſingulis vitris ſeorſum incluſi; an fortè hoc modo partûs rationem explorarem. At fruſtra; quippe omnes mortuæ ſunt ſine ovorum partu; an propterea quòd illis neceſſaria ad nidificandum defuerunt.

Sub medium Maii hujus generis Araneolos, papaveris ſemina non multùm excedentes adverti; his etiam pedes teneri, tenuéſq; albiduli, velut noviffimè editis.

Illud non omittendum duxi, hos araneos coccineis Cimicibus, minutiffimis animalculis infeſtari; quippe quorum corporibus adhærent, indèq; victum quæritant.

TITULUS XXXVI.

Araneus rufus, non criſtatus.

Proximè ſuperiori paulò minor eſt: adeóq; inter mediocres numerandus eſt. *Deſcriptio.*

Ei color rufus.

It rectà per medium dorſum fascia nigricans, leviter ſinuosa, nec multùm ultra mediam alvum horſum, quam illorſum ad ipſam frontem porrecta ſit.

Item in hac ipſa picturâ, paulò retrò à fronte exiguum Tuberculum nigrum, ſive Capitulum attollitur.

Duo nigerimi oculi majuſculi, in diverſâ parte capituli poſiti diſcerni poſſint.

Capitulum in utroq; ſexu læve, nulliſq; ſpinulis aut criſtâ armatum.

Pedes omnium araneorum facilè longiſſimi, ſiquidem ex his qui longiores duas uncias minimum implent; ſunt etiam admodum

admodum tenues ; in foeminis verò ad juncturas candidis maculis distinguuntur, cæterum nigri : iidem à longitudine alternatim sic ordinantur ; nimirum ex his qui sunt primi, breviores ; post eos secundi longissimi : post hos tertii, rursus brevissimi, tum ultimi ad secundos proximè accedunt.

Tela forcipata, velut cancrorum brachia in binos digitos divulsa.

Item cornicula longiuscula, atq; hæc ferè similia sunt in utroq; sexu.

Venter albescit, nisi ubi in imâ parte ex croco leviter tinctus sit.

Mas foemina multò minor ; ei pedes paulò longiores, ex toto nigri ; item fusca fascia in iisdem non ita notabilis, aut nulla aut certè penè obliterata ; dorsum in foeminis paulò pallidiùs, in maribus intensè rufescit.

Locus.

In septentrione Angliæ, rarò aut nunquam occurrunt ; at in australibus Angliæ partibus frequentissimi. Gregatim vivunt in dumetis & urticâ ; itaq; in unâ grege circiter viginti tum mares tum foeminas sæpiùs numeravi.

Loca concamerata, aut aliàs texta ad pluvias quærunt.

Hujus generis araneorum Cutis minùs mollis, ac quodammodo crustacea videtur ; item rasa, aut certè perinde leviter pilosi, ut sunt pleriq; cimices aut scarabæi.

In imo ventre anus conspiciendus est, velut circulari quodam sphinctere connivens ; è quo figurata excrementa plerunq; reddit ; cum contrà omnes superiores aranei alvum liquidam habent, candidaq; materia excernitur velut ab aviculis.

Illud etiam in his araneis maribus experiri licet ; si digito circa medium ventrem sursum premas, inde tibi prementi erumpet Penis ; vel aliquid intestini simile, si id in foeminis tentaveris.

Item illud similiter valdè miratus sum, ubi eos coïre primùm

primùm viderem ; id non ita peragi, uti priùs ex Aristotele didiceram de cæteris araneis ; sc. non clunibus averfis, sed os ori adjungendo.

Ad Calend. Sextiles ex his plerasq; fœminas Ovis tùm candidis sphæricisq; gravescentes ex dissectione inveni.

Item hos Araneos majusculos Culices cepisse non semel vidi, aliásq; muscas diversas ; easq;, more cæterarum id genus bestiolarum, avidè suxisse.

De Araneo hoc nostro Longipede hæc habet Cl. Hookius noster, Micrographiæ Anglicæ scriptæ Observ. 47.

‘Hujus, inquit ille, Figuram optimo Microscopio amplificatam damus : illa autem singularia sunt : Unum, Microscopio solo discernendum est ; ei sc. esse duos tantùm Oculos, secùs ac in aliis araneis, in exiguo Tuberculo è medio dorso elato, vel potiùs summo capite collocatos ; hi verò ex adverso disponuntur, eorùmq; partes lucidæ dextrorsum & sinistrorsum spectant ; paululùm tamen magis antrorsum quàm retrorsum. Ipsi autem Oculi easdem partes cum oculis maximorum animalium binoculorum habere mihi visi sunt ; iis siquidem cornea admodum lævis, multùmq; protuberans ; cujus etiam medio inest pupilla nigerrima, velut corneâ iride cincta. An verò Oculos huc vel illuc movere possit, nondum observavi. At id minùs credibile est, quòd ei cervix crustacea, adeòq; rigidiuscula ; hunc verò defectum abundè supplevit ipsa Natura, & summa corneæ protuberantia, & quòd suprà omnem corporis umbram, quæ ejus prospectum ullo modo obscuret, elati sint ; adeòq; singuli oculi ferè hemisphæriam, licèt minùs distinctam occupent ; certè cùm ei sit corpusculum tam exiguum rotundùmq;, inq; pedes admodum longos positum, celeriter se movere & circumvertere possit, sic ut ei quamcunq; rem facile sit distinguere.

‘Hujus autem, uti cæterorum quorumlibet Araneorum

‘à me hætenus examinatum, Oculorum figura, à plerisque;
 ‘Insectis multum differt: siquidem Araneis Oculi læves &
 ‘non crebris tuberculis velut exasperati, perinde ut sunt
 ‘oculi aliorum insectorum.

‘Alterum æquè, at nudo Oculo, notabile; Crurum
 ‘sc. corporis exigui ratione, insignis longitudo; hujus
 ‘certè Aranei, quem delineavi, singuli pedes totius cor-
 ‘poris longitudinem sexdecies & amplius superabant. At
 ‘ex his sunt, quibus iidem longiores, & aliis multo brevi-
 ‘ores sunt. Hujus autem singuli octoni pedes in modum
 ‘Cancris marini articulantur; at huic, ratione animalis, sin-
 ‘guli articuli multo productiores. Singuli verò pedes ani-
 ‘malis pectori medio elatiori inferuntur, & velut exigua
 ‘conchâ in modum Musculi terminantur. Alia plura quæ
 de mechanicâ pedum ratione addit Author, apud illum
 vide.

Illa insuper transcribenda existimavi.

‘Hujus bestiolæ mos est, quod aliquoties cum volup-
 ‘tate observavi, in prædam ipsam suum corpus, velut ma-
 ‘nuum loco, injicere; neq; aliter quàm araneus lupus in
 ‘muscam, aut Catus in murem transilire.

‘Totum ejus corpus admodum elegans est; & si illud
 ‘dissecare potuissem, nihil dubii est, quin intus æquè rara,
 ‘atq; extrâ invenissem; fortè maximâ ex parte Cancris ma-
 ‘rini visceribus haud dissimilia; quem quidem hoc ani-
 ‘malculum in plerisque, maximè repræsentat.

‘Omitto Corniculâ & Os, cancro marino similia; item
 ‘Testam velut maculosam, quod à lanugine ortum est;
 ‘item pedes lanuginosos; pectus largum, ventrem parvum,
 ‘&c. de quibus consule figuram elegantem.

‘Item illud noto, tres corporis præcipuas partes, Caput
 ‘sc. Pectus, & Ventrem in hoc animali esse mirè confusos;
 ‘ut haud facilè quis dicere possit, quid sit hoc vel illud;
 ‘atq; identidem se habent eadem partes in Cancro marino.

‘Adedò

“Adeò hic araneus, non alius videtur, quàm Cancer æ-
“reus, &c. Vide apud Cl. Authorem.

TITULUS XXXVII.

*Araneus exiguus è candido nigroq; varius sive macula-
tus, insigniter cristatus, sylvicola.*

IN minimis & sui & alterius generis numerari debet. *Descriptio.*

Ei color ex argenteo nigroq; varius, sive maculatus.

Capitulum exiguum velut è mediis humeris eminet; du-
plici cristâ spinosâ sive duplici serie pilorum rigidiusculo-
rum exornatum.

In capite ex utraq; parte singuli oculi majusculi.

Pedes longi, tenses, ad articulos maximè hirsuti; ea-
dem iis proportio, quæ in proximè superioribus posita
est; albis maculis crebris distinguuntur.

Alvus à pectore indiscreta, ut de superioribus dictum
est, plena, retusa, crebris maculis argenteis insignita. In
medio dorsi figura rhombœides, ut in Titul. 35 declara-
vimus.

Venter albescit; rugis transversis inæqualis.

Cornicula albescunt.

A Calend. Martiis hunc araneum satè frequentem in-
veni in sylvis agri Lincolnienfis; item in iisdem locis circa
Eboracum.

CAP. III.

De Araneis hujus partis anomalis; quibus sc. pedes breves; item cutis pilosa.

TITULUS XXXVIII.

*Aranens exiguus, coccineus, vulgò Anglicè a Tant di-
fus.*

Descriptio.

Minimis Araneis annumerandus est. Ei color ex toto pulchrè coccineus, aut qualis in flore papaveris erratici; nisi quòd venter è cocco cande-
scit.

Ei pedes breviores, octoni, quorum quatuor priores summo pectori, reliqui quatuor propius ventrem inferun-
tur. Item exigua punctula nigerrima circa priorum pe-
dum radices observare licet.

Os corniculis armatur, quibus etiam sui unguiculi.

Alvus plena suprà rugosa, ab humeris indistincta, ab
iisdem latior, deinde paulatim fit acuminator, retusa.

Pilis mollibus brevibusq; instar holoserici totus contegi-
tur; inde fortè causa quare oculi adeò difficulter discer-
nendi; ut de iis adhuc nihil certi habeam, quod affirmem.

Locus.

A primo vere in pratis & pascuis præcipuè arenosis est
valdè frequens; item mense Julio plurimos ad oram ma-
ritimam circa *Scarborough* observavi.

Formidabilis sanè bestiola apud nostros bubulcos; si-
quidem bovis certa perniciēs existimatur, si fortè ab iis in
herba devoretur. Vide Cl. D. *Brown*.

COCH-

COCHLEARUM
ANGLIAE
ET
TERRESTRIMUM
ET
FLUVIATILIUM
LIBER.

*Quâcunq; ingredimur in aliquam histori-
am vestigium ponimus. Cic.*



LONDINI,
Impensis J. Martyn, R. Soc. Typographi.
MDC LXXVIII.

MEMORANDUM
AND

MEMORANDUM
FOR THE RECORD

MEMORANDUM FOR THE RECORD

MEMORANDUM FOR THE RECORD
JANUARY 1941

LIBRI

COCHLEARUM ANGLIÆ

P A R S I.

De Cochleis in genere.

Cochleis plerisq; Testæ sunt; quæ etiam Nudæ habentur, quodam tamen Tegumento in humeros superinjecto & subter illud Officulo, propugnaculi loco, donantur. N.B.

Testarum autem alia atq; alia figura est.

Terrestribus verò Cochleis universis ea turbinata est. Item inter Fluviatiles multi Turbines sunt: at hîc etiam quibus illa in binas valvas diducitur; neq; ibidem desunt univalves Testæ.

Quibus autem Turbinatis sive in terrâ sive in aquis degentibus Operculum testaceum datur (quæ admodum paucæ sunt) iis illud est quasi altera valva.

Operculum, si quod sit, ipsius animalis calci adnascitur; ut hoc postremum sit, quod intus ducatur, testamq; claudat.

Testarum verò turbinatarum plures circumvolutiones sunt; nullis duabus pauciores; ut neq; in nostris quidem ullis amplius decem numerare licet.

Testarum turbinatarum circumvolutiones non ex una parte perpetuò procedunt, ferè ex sinistrâ in dextram ad solis motum; sunt tamen & inter terrestres & inter fluviatiles, quæ contrarium motum observant.

Circumvolutionum verò frequentium in Cochleis turbinatis.

natis ea potest esse ratio; quòd hæ ferè liberæ sunt nec testis suis adfixæ, (secus quàm fit in bivalvis) hinc earum corpus, nè excidat, multiplici gyro intorquetur. Neq; tamen ideo credibile est, quod nonnulli perhibent, eas aliquando è testis suis exire.

Vere exeunte Testæ pars superior fit mollis; sc. an aliquâ parte veteris testæ deciduâ, aut tantundem annuatim aucta, donec ad justam magnitudinem perveniat.

Ipsæ autem Testæ membranulâ sive pelliculâ admodum tenui conteguntur; in quâ ferè inest ista colorum varietas, in singulis speciebus adeò notabilis; eadem verò, si lixivio forti demittantur, exeditur.

Bivalvium autem fluviatilium nostrorum utraq; valva æquè cava est.

Præterea in testis bivalvibus insunt quædam vitia, Margaritæ dictæ; ejusdem quidem cum illâ substantiæ, proprietatisq;. Atq; hæc hæcenus de Testis.

Planta.

Ipsa autem Animalia pedibus carent: at iis est quædam veluti Planta, in ingressu eorum pedum vicem præstans. Terrestribus quidem Cochleis ejus figura longa, & acuminata est; & quæ totum quasi ventrem occupat; ejus calx in acutum producit. In his plantæ pars media, mollior; extrema circumcirca ad marginem magis ad callum quendam accedere videtur. Fluviatilibus autem turbinatis illa paulò latior & tenuior est: scilicet natationi magis accommodata.

Item ante os in aliquibus Cochleis fluviatilibus sunt amplæ quædam Labra, pinnarum aliquomodo munus præstantia.

Univalvi verò ista Planta rotunda est, instar oris cujusdam; scilicet ad commodiorem adhæSIONem, quæ quodammodo suctione fit.

Bivalvibus autem eadem duriuscula est, acuta, & in aciem longam producta; ad progressum in limo aut arenâ faciendum.

Cochleis

Cochleis terrestribus & testaceis & nudis & fluviatilibus ^{caput.}
 Turbinatis Caput in ingressu conspicuum à reliquo corpore exeritur. Illud verò in Bivalvibus perpetuò, quantum observare licet, occultatur. In nullâ autem Cochleâ æquè distinctè in conspectum venit caput, atq; eâ ex fluviatilibus, quam fasciatam operculo donatam appellavimus; cui quidem caput figurâ velut bubulinum est.

Cochleis terrestribus & testaceis & nudis Cornicula ^{cornicula.} quatuor exeruntur è fronte: his quoq; omnibus extrema cornicula velut quibusdam capitulis turgent. Ex his duo superiora, multo majora & productiora; anteriora verò, minora & breviora sunt. Item illis extremis singula exigua puncta nigra, his non item: ut verò his iter prætent, illis videant, credibile est.

Cochleis verò Fluviatilibus turbinatis bina tantum cornicula sunt, eaq; mucronata, & in aliquibus speciebus in modum pili tenuia; in aliis, quasi auriculæ, admodum latæ & tenues; in aliis velut in ramos diducta, pinnarumq; vicem supplent. At hi oculi quidem non dicendi sunt.

At iisdem insuper Cochleis Fluviatilibus sunt singula ^{Oculi.} punctula nigra utrinq; ad radices corniculorum: neq; multum dubii est, quin hi rectè existimentur Ocelli. In eo verò discrimen; quòd ut his Oculi ad radices corniculorum collocantur, minimèq; è sede protruduntur; illis iisdem per ipsa Cornicula penetrant, more Tuborum Conspicillis accommodatorum.

Os habent dentibus armatum; hi verò in aliquibus ^{Dentes.} saltem speciebus, ut Cl. Hookius noster perhibet, ex uno solidòq; osse constant, ad figuram tamen dentium nescio quibus discerniculis in eo impressis confecto.

Cochleis terrestribus circa imas cervices, palliolum saum reflectitur: eaq; veluti pinna sive membranula quædam semicircularis est, retrò Testæ aperturæ superinjecta.

Anus.

* De part. Ani-
mal. l. 4. c. 9.

Turbinatis Cochleis utriusq; loci, atq; etiam terrestribus nudis anus ad dextram partem cervicis aperitur: quod olim rectè observavit Aristoteles*, ejusq; rei rationem pluribus verbis demonstravit. 'Turbinatorum, inquit ille, 'finis ad principium flectitur, &c. Rursus, 'extrema co-
'eunt. Alibi, 'iis excrementum per meatum ori vicinum
'emittitur.

At bivalvibus, ut in sanguineis animalibus, ex adverso Ori ea sita est.

Pulmo.

In illo autem foramine, quod ad dextram partem cervicis esse notavimus, non solum anus ponitur, nam ex eo excrementa certò exeunt: sed etiam spiritui ingressus patet, pulmoniq; inservit; nam, nisi illo aperto, progredi aut moveri non solent; deinde Fluviatilibus istud foramen amplum patet, & cum per summam aquam natant, illud paululum extra aquam aëri hauriendo extollunt; porro specillum setamve facilè admittit; quæ per mediam Plantam permeare videtur; & in Limace nigro emergit ex ipsius caudæ apice; quæ si non in omnibus, certè in eo animali naturaliter ibidem aperiri videtur.

Nonnulla autem conjecturalia de partibus Cochlearum internis subnectam.

Ventriculus.

Intestina.

Gulam excipit Ventriculus, satis amplus: à quo continuatur intestinum simplex, longum, atq; aliquot anfractibus revolutum.

Viscus fuscum.

Venæ lacteæ.

Intestinis implicatur viscus quoddam coloris subfusci, innumeris venis lacteis interstinctum, pro magnitudine quidem bestiolæ admodum amplis & capacibus. Hæ autem venæ lacteo quodam humore repletæ perpetuò apparent. Fortè ex his nutrimentum suppeditatur in jejunium hybernium; ut hujusmodi animalibus sint eadem venæ etiam Promptuario, five chyli aservaculo cuidam.

Præterea, ex excrementorum differentiâ, certum est, intestinorum figuram aliam atq; aliam esse in diversis speciebus; saltem ex iis cæcum & colon.

De

De partibus autem Cochlearum genitalibus illud præcipuè miramur, alterum alteri adeò simile esse, ut vix & ne vix quidem discernere licet, in quo sit sexus differentia. Penis autem earum exertus, setæ longæ crispatae, aut in modum claviculae vitis torquetur; altera verò ejus pars multo plenior est, vaginæq; loco inservit ipsi claviculae.

Penis.

Sunt etiam in coitu aliquibus Cochleis notanda quædam veluti spicula testacea, eleganter admodum figurata, ipsis earum cervicibus penitus infixa; at ab utroq; animali soluta: ubi autem illa ante coitum in corpore condantur, aut quo modo causæve sub id tempus ejaculentur, me latet; illud extra dubium est, utrumq; animal ab istis aculeis vulnerari.

Spicula testacea.

Humor autem è vulneratis Cochleis ferè dilutè subcæruleus; atq; alius esse videtur à saliva sponte eructatâ. At Cochleis non unicolor saliva; nam aliquibus fluviatilibus ea coccinea est.

Humor subcæruleus.

Saliva coccinea.

Cochlearum verò terrestrium ingressus est quædam veluti natatio in proprio humore; illud inprimis testatur, eas non multum egredi è latebris umbrosis, nisi diebus pluviiis; quo quidem tempore benè madent intus & extrâ. Huic accedit ipsius salivæ natura, quæ ferè temporis momento in aëre coagulatur; ut si non continuò illam inter eundem eructarent, propriâ salivâ implicitæ, loco adfigerentur.

Ingressus.

Cochleas autem ex coitu generari, nihil dubii est; quod ipsi in multis earum speciebus tum terrestribus tum fluviatilibus sæpius observavimus.

Coitus.

Illis verò Ova sphaerica sunt; quibus sc. mollis & membranea testa sive cortex est.

Ova.

Terrestrium Cochlearum ova ferè racematim inter se coherent, imperceptibili quodam glutine. At Fluviatilium ova quædam geniturâ limpida, instar ranarum spermatis implicantur. Hæc etiam maturescunt, donec ad formam

singulæ speciei propriam & perfectam pervenerint ; ipsâ sc. geniturâ adhuc integrâ & non resolutâ.

Vitus.

Cochleæ tam Terrestres, quàm Fluviales herbis vescuntur ; illæ etiam, quovis pipere magis mordacibus, fungis delectantur. Simili victu gaudent Musculi, etiam Patellæ ; quæ licet saxi, velut immobiles, adhæreant, tamen de loco in locum moventur, victûs ratione.

Ufus.

Cochlearum usus multiplex est : Testarum pulvis ad omnia medicamenta æquè utilis & proficiuus est, atq. ipsæ margaritæ, aut oculi cancrorum dicti, aut corallia.

Item ipsa animalia in deliciis olim apud Romanos fuerunt : etiam nunc dierum in Gallia & Italia in cibis sunt ; eæ certè, quæ Pomatiæ dicuntur, sc. ex nostris terrestribus primæ.

Univerfis quoq. Europæis ad medicinam adversus febrem hæcticam. C. Cels. eas boni succi & stomacho gratas esse ait. Petr. Arbitr. earum cervices ad venerem provocandam assumptas fuisse memorat.

Item alius usus hodiernus nostrorum hominum, ad ceram sc. dealbandam. An coccineus quarundam humor ad picturam adhiberi possit ?

De re rustic.

lib. 3.

Hist. Nat. lib. 9.

c. 56.

Saturn. lib. 3.

c. 13.

De Cochlearum autem sagingâ, ita Varro. Quæ etiam à Plinio & Macrobio fidem habent.

Idoneus sub dio sumendus est locus Cochleariis, quem totum circum aquâ claudas, nè quas ibi posueris ad partum, non liberos earum, sed ipsas quæras. Aquâ, inquam, claudendæ, ne fugitivarius sit parandus locus. Is melior est, quem & non coquit sol, & tangit ros. Qui si naturalis non est, ut ferè non sunt in aprico loco, neq. habeas in opaco, ubi facias, ut sunt sub rupibus, ac montibus, quorum alluant radices lacus ac fluvii, manu facere oportet rosidum ; qui sit, si adduxeris fistulam & in eam papillas imposueris tenues, quæ eructent aquam, ita ut in aliquem lapidem incidat, & latè dissipetur. Parvus his cibus opus est,

est, & is sine administratore. Et hunc, dum serpit, non solum in areâ reperit, sed etiam, si rivus non prohibet, in parietes stantes invenit. Deniq; ipsæ exgruminantes ad propalam vitam diu producunt, cum ad eam rem pauca laurea folia interjiciant, & aspergant surfures non multos. Itaq; Cocus has vivas an mortuas coquat, plerunq; nescit.


Genera Cochlearum sunt plura, ut minutæ albulæ, quæ afferuntur è Reatino : & maximæ quæ de Ilirico apportantur : & mediocres quæ ex Africâ afferuntur. Non quod in his regionibus quibusdam locis, eæ magnitudinibus non sint dispariles ; nam & valdè amplæ sunt, quædam ex Africa, quæ vocantur Solitanæ, ita ut earum Calices quadrantes octoginta capere possint ; & sic in aliis regionibus eædem inter se collatæ, & minores sunt & majores.


Hæ in fæturâ pariunt innumerabilia ; earum semen minutum, & testâ molli, diuturnitate obdurescit.


Magnis insulis in areis factis, magnum obulum deferunt æris.

Has quoq; saginare solent ita, ut Ollam cum foraminibus incrustent sapâ & farre, ubi pascantur, quæ foramina habeat, ut intrare aër possit. Vivax enim hæc natura. Hæc autem Varro. Jam singulas species exequar.

Cochlearum Angliæ Tabula.







LIBRUM
COCHLEARUM ANGLIÆ
PARS II.

De Cochleis Terrestribus.

Terrestrinum Cochlearum Notæ characteristicæ sunt.

1. Habere extrema Cornicula capitulis quibusdam
sive nodis insignita. 2. Quatuorq; numero.

SECTIO I.

De Cochleis terrestribus, Testis contectis.

MEMBRUM I.

De Cochleis terrestribus Testis contectis, turbinatis, brevioris figuræ.

In his autem notis communibus conveniunt harum Cochlearum testæ. 1. Intra quinque anfractus finire. 2. Esse magis compactili & brevioris figuræ, ut ipsius testæ apex parum aut nihil emineat. 3. Aperturæ extremas oras esse leviter reflexas. 4. Fasciis insigniri.

CAP. I.

De Cochleis suprâ distinctis in specie.

TITULUS I.

Cochlea cinerea, maxima, edulis, cujus os operculo crasso velut gypseo per hyemem clauditur. Pomatiæ Gesneri, De Aquatilibus, pp. 644. 255.

HÆC autem omnium nostræ Insulæ Terrestrinum Description.
longè maxima est; cum ex his sunt, quæ Gallinacei ovi mediocris magnitudinem ferè impleant.

Ipsa.

Ipfâ teſta cinerea, ſivè ſubalbida eſt.

Ei inſuper non nimium obſcura veſtigia quarundam Faſciarum latarum, ſubrufarumq; ſecundum anfractuum ductus circumvolutarum.

A teſtæ apertura ad ejus apicem non amplius quinq; anfractus ſive orbes numerare licet.

Aperturæ extremæ oræ leviter refleſcuntur; item ad imam oræ ſiniſtræ reflexæ partem, ubi reliquæ teſtæ jungitur, eſt quidem ſinus anguſtus; intra quem tamen ſpecillum demittere licet ad dimidiam unciam; is autem ſinus Teſtæ exterior eſt, neq; ad ejus cavitatem pertingit.

Teſtæ aperturam adverſus hyemem diligenter obturat ipſe animal; ei ſc. Operculum album, craſſum, fragile, velut gypſeum, è propriâ ſalivâ confectum, ex omni parte firmiter adglutinando.

Cochleæ omnes, inquit Wottonus noſter apud Geſnerum, levioſe quodam tegmine ſibi ſuperimpoſito hyeme latent; ſed Pomatiæ ab hac re peculiare ſibi nomen ſortitæ ſunt.

Aprili verò ineunte id circa oras reſolvitur, atq; integrum protuditur. Illud mihi, ex his unam circa initium Martii menſis in ſinu ſervanti aliquando contigit, quòd teporem ſentiens animal intra paucas horas Operculum amoverat erepſitq;

Eſt autem ipſe animal bene carnoſum, nec palato nimium ingratum.

Locus.

Agro Hardfordienſi & alibi in Angliâ meridionali abundant, in Septentrionali nuſquam mihi ſaltem occurrunt.

In vepribus per hyemem ſigillatim conduntur.

In Gallia Narbonenſi admodum vulgò eduntur. Item Pariſiis tempore quadreſimali magnâ quantitate vaneunt.

Coquuntur ex aqua fluviatili, & adjectis oleo, ſale & pipere lautum ſerculum præparant.

TITU.

TITULUS II.

Cochlea vulgaris major, pulla, maculata & faſciata, hortenſis.

HÆC, magnitudinem quod ſpectat, proximum locum obtinet; ſuperioris tamen vix dimidium attingit. *Deſcriptio.*

Ei color pullus, aut caſtaneus, faſciis aliquot latis cingitur; maculisq; crebris ſubflavis, aut ſubcinereis in modum marmoris interſtinguitur.

Aperturæ margines leviter reflexi; idq; iis præcipuè quæ vel ad juſtam magnitudinem pervenerunt, vel quibus ea Teſtæ pars ſatis obduruit.

Eſt præterea teſta è quinq; anfractibus revoluta, formâ rotundâ, brevi & compactili, ejus quippe apex omnium minimè exſtat, ſed aliis volutis ſuperinjectis penè occultatur.

Ipli animali ſunt quatuor cornicula; ex his duo ſuperiora, quæ longè majora ſunt, ſingula puncta nigra habent; quæ in inferioribus non ſunt. Illa à quibuſdam Oculi haud malè exiſtimantur.

Ei labra ſuperiora valdè anguſta.

In dumetis & ſepibus nimium frequens; item hortos inſeſtat. *Locus.*

Per hyemem in arborum annosaſum fiſſuris, aut cavis earum truncis latent, interim teſtæ os multipili membranâ, tenui, pellucidâ obturatur; atq; una Cochlea alteri racematim adglutinatur. Olera depaſcunt & omnigenam *Vicius.* herbam; neq; ipſa Poma intacta relinquunt.

Ad ſiniſtram partem cervicis, foramen tum maximè patet, dum repit animal; ex eo verò excrementa ejicit.

Ei excrementa figurata & dura. Si in hyeme inciduntur,

tur, ubi ex toto victu abstinere, etiam tùm intestina infima sive colon & rectum excrementis replentur; an famem ideò melius & diutius sustineant?

Coitus.

Maior exeunte aut Junio tardius, si fortè tùm pluvia incidat, primùm coeunt: adeòq; Veneri intentæ sunt, ut de loco in locum transferri possunt, Copulâ usq; servata.

Spicula.

Illud addam, me, dum in coitu conjungebantur, singula *spicula* in utriusq; cervice penitus infixâ, non semel observâsse. Ea autem substantiâ testaceâ friabili, & eleganter figuratâ constabant.

Ova.

Harum Cochlearum ova diu frustra quæsi tam extra, quàm intra corpus ad coitus tempus. Tandem ea in horto sub herbam circa mensem Julium copiosè inveni: alba erant, majuscula, leviter inter se cohererentia, cortice membraneo, molliq;

Appetente Autumno harum puli nuci è corylo magnitudinem ferè implent; adeò celeriter crescunt. Notandum est, in his juvenibus testa tenera admodum est, & circa aperturam minimè reflexa.

Ex his unam vitro inclisi, eisq; Limacem atrum, infra describendum supposui: postridie autem limacis cutem misere corrosam, dilaceratam, etimq; planè confectum animadverti: tantus animus est etiam pigerrimis animalibus. Est aliquid inter Viscera, quod pinguedini maximè assimilatur: in ignem verò impositum, flammam non concipit, nec liquefit, sed induratur.

Saliva.

Hæ Cochleæ salivam ab ore copiosè eructant; qui tamen alius humor, & longè diversus esse videtur ab eo, qui emittitur à corporis puncturâ, aut incisione in cute factâ. Etenim hic posterior, subcæruleus, multòq; dilutior est. Ille autem alter sponte eructatus, & crassior, magisq; tenax, item paulo coloratior ad flavedinem accedens, fortè ab herbis pramanis in ventriculo, unde provenit, infectus.

Illâ insuper de utriusq; differentia expertus sum.

Utriusq;

Utriusq; humoris copiam vitreâ ampullâ primùm miscui. At hi benè conquassati in unam massam instar gelatinæ flavæ coaluere. Tum in aliam ampullam subcærulei humoris copiam per se seposui, qui tamen diu & multum similiter conquassatus, neutiquam concreveret.

Alterum experimentum erat hujusmodi. Ex his Cochleis aliquammultas linteo inclusi, tantillum salis iis aliquoties inspergendo, neq; tamen alium humorem, quàm salivam subflavam tenacemq; ejecerunt: è linteo verò exempto scalpello incidi, quibus vulneribus subcærulei humoris copia emissâ est.

Hinc autem liquet, humorem coccineum quarundam Cochlearum Fluviatilium infra describendarum sponte eructatum, esse de salivæ, non sanguinis naturâ; at de purpurâ aliter perhibuerunt Antiqui.

Subcæruleum humorem ab incisâ cute emissum, cochleariq; injectum sinas tantisper leniter evaporare super prunas; momento ferè temporis fit Gelatina alba, instar sanguinis feri; cum quo, ut opinor, magnam affinitatem habet.

In his autem animalibus dissectis innumeras venas lacteas circum intestina discurrentes, non aliter quàm in sanguineis animalibus notare licet: hunc verò chylum in corporis habitu dispersum, in cæruleum istum humorem aliquando concoqui verisimillimum est; utpote cùm in alterius generis vasa feratur, & lactei humoris effervescencia paululum conquiescat.

Præterea idem humor, ipsæve animalia nonnullis apud artifices usibus non tacendis inserviunt.

Primus is est, quem in cerâ dealbandâ Monspelii ipsi vidimus. Modulos ligneos contusis Cochleis illinunt, inq; ceram liquefactam eos demittunt; ita Cochlearum sanies ceræ adhesionem nimiam prohibet, ut leviter concussis modulis, ceræ tenuem membranam accipiant; reliquum ve-

rò ejus rei diuturnâ inſolatione & affiduâ irrigatione perficitur in areis.

Alter uſus eſt in re ſtatuaria in hunc modum ; accipe calcis vivæ, q. v. albuminis ovi, humoris cochlearum per puncturam emiſſi, ſingulorum partes æquales ; miſce & in marmore conterantur. Præſtantiſſimum perhibetur ad lapides fractos inter ſe conglutinandos ; ſiquidem in ſtanti ferè & admodum firmiter induratur.

Dentes.

Micrograph.
Obſ. 40.

De Cochlearum dentibus, optimo Microſcopio in auxilium adhibito, ita perhibet Cl. Hookius noſter. E ſuperiore, inquit ille, oris parte Cochleæ cujuſdam Teſtæ contactæ (ſi rectè intelligo) officulum durum recurvumq; exemi ; id mihi viſum eſt figurari in modum dentium, gingivis ordine ſuo diſpoſitorum, inq; plures minores majoresq; dentes nigros dividi : verùm unum ſolidumq; officulum erat, quo eam roſæ foliis veſci ipſe obſervavi ; atq; ex iis lunatas exiguas partes mordiſſe in modum literæ majusculæ C. Hujus autem officuli pars ſuperior ejus inferiore & nigriore parte multo albidior eſt & minùs ſinuata, & ad oras paulatim extenuatur in aciem ; huic inſuper velut novem dentes ſive partes eminentes, omnes, ipſo officulo medio, inter ſe conjunctæ. Totum illuſtratur admodum eleganti figurâ, quam vide apud Authorem.

TITULUS III.

Cochlea citrina aut leucophaea non rarò unicolor, interdum tamen unica, interdum etiam dnabus, aut tribus, aut quatuor, plerumq; verò quinis Faſciis pulſtis diſtincta.

Deſcriptio.

FA mediocribus annumeranda eſt. Coloris varietate mirè ludit ; ut verò de hac re aliquid certò ſcirem, harum ingentem copiam colligendam curavi,

curavi, è quibus, coloris differentias quod attinet, rem ita se habere didici.

1. Testam ex toto citrinam, si aperturæ oras excipias, quæ vel candidæ, vel pullæ; harum verò numerus ingens.

2. Testam ex toto leucophæam, ipsis aperturæ oris pullis; hæ non nimium raræ.

3. Testam citrinam unicâ fasciâ pullâ per medium anfractus circumdatâ.

4. Eandem singularem fasciam in testâ leucophæâ.

5. Testam leucophæam duabus latissimis fasciis pullis cinctam, ferè totum anfractum inter se occupantibus.

6. Idem dictum puta de testâ citrinâ. N. B. Hæ posteriores quatuor testæ admodum raræ sunt.

7. Testam leucophæam, cujus anfractus primus quinq; Fasciis pullis cingitur; ex quibus tres superiores duabus inferioribus paulò latiores sunt.

8. Idem Fasciarum & numerus & modus & color in Testâ citrinâ: atq; hæ duæ ultimæ testæ omnium longè frequentes sunt.

9. Quatuor Fascias pullas in testâ citrinâ; è quibus duæ superiores totidem inferioribus latiores sunt. Hæ autem rariores multò.

Ex Testis citrinis aliquot eatenus pellucidas observavimus, ut ipsius animalis Venulæ & motus nobis evidenter apparerent: jucundum sanè spectaculum!

Ipsi animali Testæ inhabitanti color interdum cinereus; interdum fuscior.

Ubiq; per Angliam in sepibus & dumetis frequens be- Locus.
stiola.

Hæ omnium primæ à Brumâ prorepunt.

Mense Maio coëunt; idq; diebus tantum tepidioribus Coitus.
& ferè horâ antemeridianâ. Adulti, qui sc. ad justam magnitudinem pervenerunt, soli coëunt.

De horum animalium coitu ita doctissimus mihiq; amicissimus Johannes Rayus in Catalogo Plantarum circa Cantabrigiam nascentium, ante annos sedecem edito, ad Solanam. 'De animalculis hisce monere liceat, quòd eorum singula de utroq; sexu æquè participant, & sunt androgyna; vicissim enim agunt & patiuntur, immittunt simul & recipiunt, ut cuilibet satis constabit, qui Vere coeuntes separaverit; etsi nec Aristoteles nec alii, quod scimus, rei naturalis scriptores ejus rei meminerint. Hæc ille.

Aliquis fortè opinetur, in colorum varietate sexus differentiam discerni posse; at diligentia nostra in hac re frustra fuit; siquidem inter eas promiscua Venus est; citrinas sc. & inter se & cum leucophæis, & utraq; cum fasciis insignitis indiscriminatim conjunctas fuisse observavimus.

Si totam cervicem testâ exertam scalpello præcidas, in hac præter Gulae initium & genitalia membra & ipsum intestinum rectum habebis. Atq; illud in causâ fuit, cur apud Romanos olim Cochlearum cervices in rebus Venerem magnoperè excitantibus numeratæ sunt; ut ex Petronio Arbitro patet.

Harum Cochlearum cute incisâ humor pallidè cyaneus emittitur; at qui è vini spiritu dicto coagulatur & indurefcit.

Tempestate pluviosâ, humore abundanter hausto, madescunt: neq; alio tempore facillè aut libenter prorepunt: rursus siccitate restitant & ferè loco permanent; adeoq; earum ingressus est quædam velut natatio in proprio humore.

Turdus in deliciis sunt; hi quippe Cochleam imam rostro perfringunt, bestiolamq; eximunt.

TITULUS IV.

Cochlea maculata, unica Fasciâ pullâ, angustiorēq; per medium anfractûs insignita.

EA proximè superiori magnitudine par est, aut paulò minor. At eâdem planè figurâ, admodum sc. compactili, intrâq; quintum anfractum finitur Testa. Descriptio.

Ei color ex flavo pullôq; variatus in modum marmoris, sive maculosus.

Item per medium anfractum circumducitur unica fasciâ pullâ, angustior.

Ex descriptione, & loco, & quòd non coeant cum proximè superioribus, abundè constat has esse speciem distinctam.

In sepibus umbrosis non nimium rara : at in juncetis & pratis udis admodum frequens. Locus.

CAP. III.

De Cochleis breviori figurâ, quibus Operculum testaceum datur.

TITULUS V.

Cochlea cinerea, interdum leviter rufescens, striata, operculo testaceo cochleato donata.

Cochlea terrestris turbinata & striata Fabii Columnæ, De purpura cap. 9. p. 18. ubi etiam delineatur sub hoc Titulo, Cochlea turbinata.

INter minores numerari debet; utpote quæ vix nuci è co- Descriptio.
rylo mediocri par.

Ei

Ei color cinereus, interdum leviter ruſcens, aut flavicans.

Omniū noſtrarum terreſtrium longè elegantiffima Cochlea eſt.

Intra quinq; anfractus teſta finitur, at ſuperioribus paulò productior eſt, ut Fab. Col. ideò Turben dictus ſit; mihi autem aliter viſum eſt eam diſponere, quòd Cochleis brevior figurâ magis quidem accedat.

Teſtæ apertura ſerè circinata; ejusq; oræ rectæ.

Admodum denſè ſtriatur ſecundùm anfractus; non picturâ quidem, ſed ſtriis canaliculatis teſtæve incifis.

Os obturatur Operculo craſſo ſic ut non pelluceat, teſtaceo, cochleato; idq; imò animalis limbo adhæret, dum prorepat; atq; ita ultimò introducitur, Teſtæ aperturam exactè claudendo.

Locum.

Ubique per Galliam frequens: at rarior apud nos; in agro tamen Cantiano, & Lincolnienſi eam aliquoties inveni: etiam Eboracenſis ager eâ non caret.

I have found them plentifully in a Woody high cliff upon the River Wharfe near Oglethorp; alſo at Burwell woods in Lincolnſhire.

MEM-

MEMBRUM II.

De Cochleis terreſtribus longiore figurâ, ſive de Buccinis.

Hæ ſunt Buccinorum terreſtrium notæ communes. 1. Teſtâ longâ ſive productiori dari. 2. Tenni admodum. 3. Minimum quinque; at plerumque pluribus anfractibus circumvolvi. 4. Anfractuum latera eſſe planiora, & minus in modum circuli eminere, ut in cunctis ſuperioribus. 5. Teſtâ aperturam oblongam, compreſſam, & anguſtiorẽ habere.

CAP. I.

De Buccinis quorum Orbes in ſiniſtram partem convolvuntur.

TITULUS VI.

Buccinum exiguum ſubflavum, mucrone obtuſo, ſive cylindraceum.

HÆC omnium minima Cochlea; vix enim hordei *Deſcriptio.*
dimidium granum implet.

Ei color ſubflavus, aut qualis in olivâ viridi conditâ.

Teſtæ apertura paululûm compreſſa & anguſtior.

Senis orbibus finitur: quorum quinque; ſuperiores ferè æquales inter ſe ſunt; ſextus verò ſubito minuitur in mucronem obtuſum; hinc teſta cylindracea.

In veteribus Hortorum parietibus, muſco obductis copioſè reperiuntur vico *Eſtrope* dicto agri Lincolnienſis. *Locus.*

R

TITU-

TITULUS VII.

Buccinum exiguum, quinq; anfractuum, mucrone acuto.

Descriptio.

ATq; ea quoq; exigua cochlea, proximè superiorem non multum excedens.

Ei color ad pullum accedens.

Testa pellucida, circiter quinq; anfractibus circumvoluta, orbēq; singuli proportionē servatā minuuntur in mucronem acutum.

Locus.

Testæ apertura paululum compressa.

Ea etiam in musco ibidem, ubi proximè superior, copiosè invenitur.

Similem Cochleam an aliam in Pluvialis cinerei majoris Ventriculo observavi.

TITULUS VIII.

Buccinum rupium, majusculum, circiter senis orbibus circumvolutum.

Descriptio.

PAulo major est grano triticeo, pellucida.

Ei color castaneus; circiter senis anfractibus producitur, æqualiter diminutis.

Locus.

In rupibus ad Torrentes in regiuncula montosâ *Craven* dictâ, & alibi eam Cochleam copiosè inveni.

CAP.

CAP. II.

De Cochleâ anomalâ.

TITULUS IX.

Buccinum parvum sive Trochilus sylvaticus agri Lincolnienſis.

VIX piperis grani dimidium implet.
Ei color ſubſſavus, pellucidus.

Deſcriptio.

Ejus baſis planior, ſenis aut ſeptem orbibus in modum Trochili finitur.

In muſco ad grandium arborum radices in ſylvis Bur-
wellenſibus agri Lincolnienſis non ſemel eam inveni: eſt
tamen admodum rara beſtiola.

Locus.

CAP. III.

De Buccinis, quorum orbes ex dextrâ in ſiniſtram convolvuntur.

TITULUS X.

Buccinum pullum, opacum, ore compreſſo, circiter denis ſpiris ſaſtiatum.

EA verò eſt Cochlea exigua; at omnium multo pro-
ductior, tenuis, ad magnitudinem & modum avenæ
grani facta; unciam dimidiam longitudine implet.

Deſcriptio.

Ei color pullus & opacus.

R 2

Denis

Denis ſpiris è dextrâ in ſiniſtram convolvitur.

Ejus baſis paulo anguſtior eſt, velut alter mucro, mediâq; pars leviter intumeſcit.

Teſtæ apertura compreſſa, anguſta, & ad imam ejus partem ſinuoſa: item ejus orâ leviter reflectuntur.

Locus.

Hæc in fiſſuris & cavitatibus annorũ arborum frequentes; item in parietibus circa hortos.

In Literis ad me olim datis ita de hæc Cochlea Cl. Johannes Raynus: Rem ſanè curioſiſſimam te nuper obſervâſſe narras, nimirum Cochleam, cujus ſpiræ in diverſam partem ſelectant; cùm inter doctos conſtans opinio ſit, à ſeptentrionali Æquatoris parte Cochleas omnes (motum ſc. ſolis obſervando) à ſiniſtra dextram verſus torqueri. Nec ego unquam inveni, qualem tu deſcribis; ſive ergo aliæ ſunt hujus generis, ſive hæc ſola exceptio ſit, & diligenter ſervari & exactè deſcribi depingiq; meretur. Hæc ille.

TITULUS XI.

Buccinum alterum pellucidum ſubſævum, intra ſenas circiter ſpiras mucronatum.

Deſcriptio.

FA Cochlea proximè ſuperiore paulo brevior eſt; at intra ſeptem plurimùm ſpiras finitur; è dextrâ in ſiniſtram procedentes.

Ejus baſis multo plenior eſt quàm in ſuperiore, & inde minuitur ad juſtam proportionem.

In media printæ ſpiræ circumducitur velut acies quædam acuta eminensq;.

Ei color pallidus ad flavedinem accedens, pellucidus; eſt tenuis & valde tenera teſta.

Locus.

In agro Cantabrigienſi hæc ſæpiùs inveni ad truncos annorũ Fraxinũ.

Martio.

Martio exeunte ex his plurimas notavi Venere con-^{Coitus.}
iunctas; illud autem perpetuum ex duabus ita copulatis,
una alteri multo major erat; non leve sanè argumentum
sexus discriminis etiam in hisce animalibus.

MEMBRUM III.

De Cochleis Terrestribus figurâ compressâ.

*Hæ sunt earum Notæ characteristicæ. 1. Habere in Testæ
centro ex alterâ parte sinum cavum velut Umbilicum:
2. Intra quinque spiras finire.*

CAP. I.

De Cochleis Terrestribus figurâ compressâ in specie.

TITULUS XII.

*Cochlea dilutè rufescens, aut subalbida, sinu ad umbili-
cum exiguo, circinato.*

EST autem mediocris Cochlea; in latitudine verò di-^{Descriptio.}
midiam unciam raro superat.

Ei color pallidè admodum rufescens, aut subalbidus.

Figura compressa; at paulò minùs quàm reliquis duobus
infra describendis.

Ad umbilicum, ubi aperturæ limbus sinisterior reliquæ
testæ adnectitur, est sinus quidam rotundus, imò circina-
tus exiguus.

Ipsæ animal ferè nigricat: in rependo testæ umbonem
sursam gerit.

Locus.

In sylvis & ad sepium aggeres udos & umbrosos circa *Tadcaster*; item in isem locis agri montosi *Craven* dicti copiosè reperiuntur.

Hæc etiam Cochlea à Turdis conquæritur, iisq; victui est; ex his enim quamplurimas testas invenire licet, quarum duæ trêsvæ ad apicem spiræ præfractæ sunt; qui mos quidem est huic avi, bestiolam, cujuscunq; speciei sit, è testâ eximendi.

N. B. Est etiam vel varietas vel alia species huic non ita dissimilis in agro Cantiano, paulò major, & minùs coloratus; item cui cavitas ad umbilicum multò minor.

TITULUS XIII.

Cochlea cinerea albidæve, fasciata, Ericetorum.

Descriptio.

F Jus latitudo in majusculis aliquando tres partes unciaë implet; at id rarò.

Ei color cinereus aut subalbidus, fasciis pallidè flavescens: in fasciarum ordine & magnitudine, & numero mirus naturæ lusus. Ferè delentur assiduis pluviis, in vacuis præcipuè testis, quibus sc. animalia emortua sunt.

Intra quinq; orbes, unus alteri ferè directè superinjectus, terminatur; alterâ parte apex sive mucro parùm aut nihil eminet; alterâ conspicuus & amplus sinus.

Locus.

In Ericetis & planis campis montosis agri Eboracensis, & similibus locis per totam Angliam frequens.

TITULUS XIV.

Cochlea pulla, sylvatica, spiris in aciem depressis.

E I latitudo, quanta unciaë tres partes aut prope implet. Color fuscus aut pullus.

Oris

Oris apertura candida ex parte internâ ; inferior apertura pars paulo magis producitur, quàm ſuperior.

Intra quinque ſpiras terminatur ; at ullâ è ſuperioribus multo compreſſior eſt ; adeò orbium extrema pars deprimitur in limbum acutum.

Sinus autem ſive foramem rotundum in orbium medio, non nimium grande.

Eſt elegans & rara Teſta ; at in ſylvis agri Lincolnienſis eam multoties inveni ; per hyemem ſubter corticem annoſarum arborum ; per æſtatem in herbâ.

SECTION II.

De Cochleis terreſtribus, Nudis, Limaces quibuſdam dictis.

Atque hæcenus de Cochleis terreſtribus, Teſtis contactis egimus ; aliud earum genus Nudum proximè deſcripturi ſumus. Ii autem quibuſdam antiquis Limaces appellantur.

Harum notæ Characteriſtica ſunt. 1. Nuditas. 2. Ubi Teſta in ſuperioribus, ibi cucullus aut palliolum ſve ſcutum cuticulare, craſſum, & validum.

CAP. I.

De Limacibus in Specie.

TITULUS XV.

Limax cinereus, maximus, ſtriatuſ & maculatuſ.

HIC omnium facilè maximus, pendet.

Ei color cinereus, aliquando fuſcior, & crebris maculis.

culis nigris, & virgulis fufcis diſtinguitur; de maculis vero ita curioſius obſervavi, quas ſc. in Cucullo habet, eſſe majusculas & ſine ordine hic & illic diſperſas: ad alvi vero latera ſunt virgulæ fuſcæ velut undatim piſtæ, ſi non dum conquieſcit animal, certè dum ingreditur ita ſe habere videntur; at ſupra ipſam alvum maculæ nigræ in duplici ſerie diſponuntur.

Ipſe venter albeſcit.

Super humeros ſive in medio dorſo, craſſo cucullo, teſtæ loco, contegitur; in hoc ſanè magnum præſidium, adeoq; ſubter hunc & caput & cervicem & ipſam alvum aliquouſq; ſi moleſtetur recondit. Item ad majorem ſui deſenſionem ibidem ſubest Officulum latum, leviter convexum.

Locus.

In ſylvis opacis & ad fundamenta parietum uda, & alii ſubterraneis uliginofiſq; ædium locis frequentes.

Lapillus.

Menſe Martio Lapillum exemi, atq; alterum Auguſto, ejusdem formæ & magnitudinis utrumq; medio ſc. animalis cucullo leviter incifo.

Malè autem dicitur is lapis cerebro calvariæ loco ſuperimponi; capite tamen reducto intra corpus ei propugnaculi vicem præſtare poſſit.

Hujus lapidis ſive officali in nudis quibuſdam Limacibus inventi meminit Plinius, lib. 30. cap. 15. lib. 29. cap. 6.

Lapillum quem ego (inquit Aldrovandus) propriis manibus exemi è capite nudæ Cochleæ, poſtquam in multis fruſtra quæſiviſſem, albidus erat, tabæ ſerè magnitudine, multò tamen humilior, compreſſuſq; magis, modicè tranſparens, inæqualis, admodum glaber, parte alterâ planior, alterâ veluti in oculum protuberans, ſed dentibus friabilis, ita ut in arenulas atteratur.

De hoc lapillo ſic Wormius: Lapis limacis ex iis limacibus petitur, qui ſine teſtis in campis & locis ſubterraneis vagantur, colore fuſco. Hi in capite Lapillum habent candidum,

candidum, ovalis figuræ, tenuem, planum, aliquantulum convexum, pondere adeo exili, ut tres quos ego possideo, scrupulum non æquent.

Quibus Wormii verbis addo, tres maximos è nostris non quatuor grana pependisse; item partem earum convexam fuisse testaceam; concavam verò veluti cretaceam.

Quòd eidem usui in Medicinâ adhiberi possint, cui Uniones aut lapides Cancrorum dicti, etiam cum æquè bono effectû, nihil dubii est.

His Limacibus victui est non herba tantum, sed etiam *visus.* papyrus è lino contrito adeoque; exsucco confecta.

Horum Limacum coitus in hunc modum peragitur. In *coitus.* eunte Augusto ad meridiem, die admodum serenâ, ex his duos maximos Venere conjunctos vidi; at nec magnitudine æquales, & cutis variâ picturâ præcipuè inter se differabant; siquidem alter altero paulo major; illi majori ad caudam virgulæ undatæ fuscæ, huic color paulo albidior, crebrisque maculis fuscis supra cucullum maximè insigniebatur. Ii autem in aëre liberè dependebant, capitibus deorsum inclinatis, de nodo saligno, è veteris cujusdam arboris trunco extante, demissi; corporum verò pondus sustinuit funis crassius, sesquipedalis, è propria saliva confectus, isque eorum caudis interplicatis affixus est. His ita dispositis, uterque ingentem Penem exerebat, è dextra cervicis parte prope cornicula. Hi autem primum piscium vesiculis similes fuere; deinde eosdem, non aliter quàm caudas interplicabant. Mirum quantum hi intumescere, pinnisque quibusdam elegantissimè striatis exornati sunt. Iis color pallidè cyaneus, at altera eorum extremitas nervosa multo albidior; isque membrorum genitalium plexus, velut mediocre pyrum è duplici petiolo dependens mihi visus est. Tandem à me divulsi sunt, atque omnino nullam differentiam in membris eorum genitalibus discernere licuit; etiam si, ut supra positum est, satis erat in formâ externâ, quo distinguerentur.

S

Eosdem

Eoſdem ſimaces alio tempore circa menſem Junium in ſylvis opacis obſervavi ex arborum ramis demifſos, ſingulos ſingulis funibus bipedalibus, craſſis & validis ſatis; at è propriâ ſalivâ conſectis. Eſt ſanè magna affinitas inter humorem illum è quo Araneorum Erucarumq; fila fiunt, atq; horum animalium ſalivam.

Ova.

Circa initium Aprilis aliud mihi obſervare contigit, horum animalium generationem quod ſpectat. Siquidem prægrandi aliquo lapide in horto in alterum latus inclinato, aliquot centena Ova ſubter invenimus: ea autem fuerunt ſphærica, unius cuncta magnitudinis, ad piperis ſc. albi grana accedentia: iis color albidus; at inter hæc multi tantum vacui cortices fuere, ipſis ſc. animalibus nuper excluſis; at quæ adhuc integra, paululum flaveſcebant. Ex his aliquammulta ſcalpellî macrone ſuſpenſâ admodum manu aperui; è quibus ſingulis ſinguli hujus ſpeciei Limaces exiſſe, albidî aut pallide flaveſcentes, iidem autem protinus præreperunt, etiam corniculis exertis, ac ſi ſponte naſcerentur: adeò in ipſo excluſionis momento obvenerunt.

Illud præcipuè norandum, coitum Auguſto menſe perfici, Limacèſq; ad Aprilem uſq; menſem in ovo permaniſſe.

TITULUS XVI.

Limax cinereus, parvus, immaculatus, prætenſus.

Deſcriptio.

IS parva Cochlea eſt; minimi digiti articali primi craſſitie; neq; in juſtâ extenſione ultra ſeſquiquintiam longus.

Ei color cinereus, immaculatus; nonnulli tamen in hiſ ſunt, qui flavent.

Item huic ad poſteriorem partem pallioli ſubter latet exiguum officulum, ovale, pellucidum. In

In herbâ prætensi & alibi passim reperitur. Locus.
 His pleraq; herbar victui sunt; at Fungi, etiam piperatus, Vidus.
 in deliciis sunt.

Post assiduas pluvias circa exitum Junii ex his plurimos coitus.
 Venere copulatos ad sepium aggeres vidi; è dextrâ verò
 cervicis parte utriusq; per omnia simile, quantum obser-
 vare liceret, genitale membrum emissum. Atq; id quoq;
 argumento est, has speciem à proximè superioribus esse
 distinctam; quòd in singulis speciebus, ex adultis sunt
 qui coeunt, & ad justam magnitudinem quàm proximè
 pervenerunt.

Ab hoc Limace in manibus recepto, emittitur quidam Humor lacteus.
 humor lacti similis, velut à piscibus masculis & in ostreis
 aliquando observare licet. An semen genitale?

Illud insuper de hac bestiolâ notavi; quòd se. occide-
 rat, aut fortè occisum invenerat, scarabæum quendam
 majusculum; ejusq; pectori capite tenuisese intrulisset, ut
 ejus viscera depasceretur.

TITULUS XVII.

Limax ater.

*Gesneri de Aquatil. lib. 4. pag. 254. Cochlea nuda tertia
 tota nigra Aldrov. de insectis lib. 6. cap. 10.*

IS maximus limax est: pendet. In superiore corporis Descriptio.
 parte totus aterrimus.

Venter ei albescit, aliquantulum ad cæruleum vergens.

Cervix & cauda rugis profundis & inæqualibus velut
 exasperatur: at Palliolum sive scutum lævius.

Ex his nonnullos ex atro rufescentes aliquoties obser-
 vavi; at id per accidens fuisse existimo.

Locus.

In pratis udis, & locis umbrosis, etiam supra celsissimos montes frequens. Mense Februarii prorumpunt, quo tempore ob diutinam inediam valde extenuantur.

Vitus.

Iis promiscuus victus est è qualibet herba; eorum excrementa, cum virides herbas depascunt, viridia; cum vero folia marcida & rufescentia, similiter colorata: fungi etiam piperati iis in deliciis sunt.

Ova.

Sub initium Maii ad radices Lapathi, paululum sub terram eorum Ova velut in massam conglomerata invenimus; his autem color pallide cærulea, singula ad magnitudinem piperis grani, sphaerica, cortice molli contexta.

Vena lactea.

In hujus abdomine dissecto ingentem venarum lactearum copiam, circa intestina discurrentium advertere licet; & numero & magnitudine sanè animalis modum multum excedentium. In eo autem à lacteis in animalibus sanguineis differunt, quòd hæ nostræ lacteo liquore perpetuò turgescunt, aut certè tantum ejus humoris in se continent, quòd semper discerni possint; illæ verò, nisi certis à pastu horis, prorsus vacuæ sunt, & ex toto deplentur. An ideo nobis conjecturam facere liceat, has chyli etiam conceptaculo & promocondo esse, unde iis sufficiat, quos famem diutius perferant?

Palliolum sive scutum in multis centenis hujus speciei animalibus incidi: at nunquam lapidem, qualem in primo hujus Sectionis descripsimus, inveni: in aliquibus verò velut cretam albam in arenulas friabilem.

Hujusmodi Animalia in sole ficcari possunt integra; quod, ad eorum præservationem ipse expertus sum.

Horum summa Cutis ob intensam nigredinem maximè notabilis, ut nihil supra. An adeo aliquomodo illa adhiberi possit in pictura aut aliàs, vide.

LIBRI
COCHLEARUM ANGLIÆ
PARS III.

De Cochleis Fluviatilibus.

SECTIO I.

De Cochleis Fluviatilibus Turbinatis in genere.

Cochlearum Fluviatilium Turbinatarum hæ sunt notæ characteristicæ. 1. Ipsa animalia Corniculis donari aut tenuibus aut ramosis, aut capillaceis; eorum verò universis ea extrema in apicem mucronatum terminari. 2. Bina tantum Cornicula habere. 3. Testarum aperturas parum aut nihil reflecti.

MEMBRUM I.

De Cochleis Fluviatilibus turbinatis; quibus validior & crassior Testa; atq; ea Operculo Testaceo clausa.

CAP. I.

De Cochleis, quarum calices suis operculis testaceis claudantur.

TITULUS XVIII.

Cochlea maxima, fusca sive nigricans, fasciata.

EA. autem ad vulgarem hortensem terrestrem secundum Tituli magnitudine quàm proximè accedit; inid aliquando superat; etenim ex his vidi, cui erat sesquialis longitudo à summo vertice ad extremam basin.

Descriptio.
Ei

De Cochleis Fluvialibus.

Ei color fuscus sive niger ; ita ut, ubi viva testis insunt animalia, testarum fasciæ vix notari possint : siquidem duabus aut tribus non nimirum latis fasciis fuscis circumdatur.

Paulo productior est, quàm terrestres primorum Titulorum.

Ei crassior & validior Testa, quàm ulli è reliquis fluvialibus Turbinatis Cochleis infra describendis, unâ Neritâ exceptâ.

Orbes sive anfractus rotundi ; numero quinque ; quorum unus ab altero minus occultatur, magis tamen propendunt : definit Testa, etsi compacti admodum figurâ, in macro-nem valde acutum tenuemq; at brevem.

Orbium apertura ferè circumdata ; ad ejus sinistram partem, ubi anfractui insedit, est quidam sinus profundus, angustior.

Huic Operculum testaceum, tenuè admodum, pellucidum, rufescens, striis circularibus distinctum ; quâ verò animali adnectitur exiguum Tuberculum paululum eminet, cui ex alterâ parte cavum respondet. Operculum Plantæ parti exteriori, sive ad ejus calcem, ut ita dicam, adnectitur.

Ipsius animalis caput velut bovinum ; illud verò & cornicula, plantaq; pars exterior interlorq; admodum eleganter colorantur ; flavo sc. crebris minutissimisque maculis fuscis interstincto.

Huic cornicula crassa, at mucronata.

Locus.

In Fluvio *Caw*, infra vicum *Chesterton* dictum, agri Cantabrigien-sis copiose inveniuntur ; alibi etiam frequentes in Paludibus, qualis est *Pottery Carr* dicta juxta *Doncaster*. Item in Fossis ad fluvium *Darwent* juxta *Bubwith* octavo ab Eboraco milliari magnâ copîâ reperiuntur.

Vescitur foliis *potamogeton*, aut aliis herbis fluvialibus.

Illud

Illud singulare, ei esse excrementa figurata, exigua ad modum & figuram hyperici seminis, etiam si sit bestiola æquè magna ac quævis Cochlea terrestris. Plura excrementa simul eijcit, velut oves aut cuniculi.

Has Cochleas viviparas esse, primum didici à Clarmovirò D^{no} Plot nostrò. Vide Hist. Naturalem agri Oxoniensis nuperrimè editam.

TITULUS XIX.

Cochlea parva, subflava, intra quinque spiras finita.

EST parva Cochlea ad magnitudinem fabæ equinæ; *Descrip^{ti}o.*
ejus longitudo trientalis.

Ei color subflavus, qualis in cornu pellucido, aut olivæ viridi conditæ; at paulo fuscior.

Testæ apertura ovalis; operculo pellucido testaceo, cochleatòq; clauditur.

Intra quinque anfractus finitur; hujus orbes proportionem inter se observant.

Ipſius animalis cornicula numero bina sunt, capillacea, aut certè valdè tenuia.

Copiosè reperitur in multis fluviis; maxime in aquis *Locus.*
stagnantibus.

CAP. II.

De Nerita Fluviali.

TITULUS XX.

Nerita fluvialis, è cæruleo virescens, maculatus, operculo subrufo lunato & aculeato datus.

Descriptio.

EI longitudo paululùm supra uncia quartam partem ; latitudo ferè intra eandem mensuram.

Testa etiamsi exigua sit, tamen valida est, crassâq; sanè longè supra modum cæterarum quarumcunq; testarum fluvialium.

Ferè intra alterum orbem finitur, vix ad tertiam producit ; vertex parùm aut nihil eminet.

Testæ apertura est figurâ lunatâ, sive ad dimidium circum per centrum dissectum.

Testæ color è cæruleo virescit, maximè si aquâ illam intuearis ; item ea maculis fuscis in modum operis cujusdam reticulati pulchrè distinguitur.

Ipse animal albescit, duobus corniculis capillaceis datur, juxta quæ oculi, tanquam exigua punctula nigra planè conspiciuntur.

Hujus exteriori limbo adnectitur velut unguiculus sive operculum lunatum, subrufum, tenue, testaceum : huic adest quidam velut aculeus, in coctis animalibus facilè discernendus.

Locus.

In vadis lapidosi fluvii *Onse* juxta *Foosforth* & *Clifton* copiosè inveniuntur ; item in fluvio *Wharfe* : item in Fluvio *Lune* agri Lancastriensis supra pontem juxta *Kerby-Launsdale*.

MEM-

MEMBRUM II.

*De Cochleis Fluvialibus admodum tenni testâ datâ
longiorēq; figurâ, sive de Buccinis fluvialibus;
quorum apertura amplissima semper patent.*

CAP. I.

*De Buccinis fluvialibus, à dextrâ sinistram versus
convolutis.*

TITULUS XXI.

*Buccinum longum 6 Spirarum, omnium & maximum
& productius, subflavum, pellucidum, in tenue acumen
ex amplissimâ basi mucronatum.*

*Turbo lævis in stagnis degens Aldrov. De Testaceis lib.
3. pag. 359. n. 3. ubi ejus figura habetur.*

EA omnium congenerum & productior & faciliè maxi- *Descriptio.*
ma Cochlea. Ejus longitudo sesquiuncialis; basin
verò, quâ plenior est, linea ferè binuncialis comprehendit.
Ei color subflavus; estq; testa valdè tenuis & pellu-
cida.

Ingens Testæ apertura, ovalis; adeoq; ipsa prima spira
amplissima est; reliquæ verò quinq; admodum tenues,
inq; mucronem acutum producuntur.

Ipsè animal Testæ inhabitans binis corniculis latis, te-
nuibus, mucronatis insignitur: ex his verò nonnullas vidi,
T
qui-

quibus cornicula in exiguos ramos more cervorum diducebantur.

Binos ejus oculos aliquis facillè discernere possit, velut punctula nigra ad corniculorum radices. Sunt etiam juxta oculos ferè conjunctim cum iis, at paulo antèriùs, meatus quidam exigui an auriculares, aut bronchiales?

Ipsius animalis labrum superius amplum est, latèq; explicatur, ut ei velut altera pinnæ sint.

Cùm ejus Planta plenè explicatur, & versùs cœlum spectat, natat bestiola: eâ verò replicatâ, totòq; corpore intra testam reducto, illicò subsidit animal.

Huic Cochleæ excrementa longa, instar vermiculorum figurata.

Locus.

In Meridionalibus Angliæ partibus admodum frequentes; nec nimium raræ circa nos, præcipuè in paludibus. In fossis *Pottery Carr* dictis plurimas ibidem observavi ingenti magnitudine.

Herbas fluviales ut Potamogeton &c. depascunt.

Coitus.

Medio Septembri eas in Coitu deprehendi; ex his aliquot in vase vitreo capaci servavi, quæ tum per aquam nando, membra genitalia alba exerebant è dextrâ cervicis parte.

Ova.

Item Vere cœunt, quod ipsi sæpiùs vidimus. Maio in eunte in quibusdam Piscinis, ubi hæ Cochleæ abundârunt, & pauca aliæ repertæ sunt, harum semen genitale magnâ copiâ observavimus; herbis autem quibuscumque aquaticis adhærebat, eratq; hujusmodi: longitudinem unius uncie aut duarum aliquando, crassitudinem pennæ anserinæ majusculæ implebat; teres admodum; utrâq; extremitate paulò tenuius & obtusum; instar crysalli pellucidum; tactu satis firmum; si illud luci oculisq; interponas, innumera exigua Cicatriculæ figurâ ovali tibi sient manifesta; ordinatim dispositæ; quibus omnibus juxta cicatriculæ limbum singula sua punctula flavicantia.

Ha

Hæ Cochleæ acutæ aut scalpello incisæ, aquam tingentem humorem nullum emittunt.

TITULUS XXII.

Buccinum minus fuscum, sex spirarum, ore angustiore.

Proximè superiori in plerisque notis valdè similis est testis: at multo minor; item si magnitudine æquales ex illis una, ex his altera, inter se conferantur, hujus os sive Testæ apertura dimidio angustior est quàm illius. *Descriptio.*

Ei color fuscus & minimè pellucidus, si id in vivis animalibus & ubi testæ recentes & integræ sunt, advertatur.

Item hujus testæ multo validior, nec admodò tenuis. In cæteris probè conveniunt.

Hæc admodum frequens in stagnis circa Eboracum, ut *Locus.*
in eo quod appellatur *Hodman-Hoe-Pitt* juxta *Acome*.

Ipsium animal ab incisione nullum emittit liquorem coloratum.

TITULUS XXIII.

Buccinum pellucidum, subflavum, quatuor spirarum, mucrone acutissimo, testæ apertura omnium maximâ.

EST tenerrima & tenuis admodum testis, subflava, *Descriptio.*
pellucida.

Rictus sive testæ apertura ingens, omniumque; facilè maxima, siquidem ei longitudo ferè uncialis, latitudo verò paululùm supra dimidiam unciam.

At totius testæ longitudo vix uncialis supra quadrantem: adeò ex quatuor spiris quibus constat, tres imæ exiguæ

sunt, unius superioris respectu: ipsa tamen infima admodum acuta & tenuis licet exigua sit.

In maximis ex his testis, quales jam designavimus, ad exteriorem partem aperturæ sunt quædam rugæ sive plicæ radiatæ; at in mediocribus nullæ.

Ipsæ animal flavescit; duobus latissimis corniculis, tenuibus, mucronatis insignitur; quæ in his pinnarum locum & effectum præstare videntur.

Utrinq; ad corniculorum radices juxta caput sunt singuli Ocelli, velut nigra punctula calami scriptorii mucrone depicta.

Locus.

In Fluviiis & aquis stagnantibus ubiq; per Angliam frequens; in his verò maximæ inveniuntur.

Uta.

Ejus humor, puncturâ emissus, aquam minimè colorat. Ineunte Aprili ingentem vim seminis cujusdam genitalis cuilibet herbæ fluviatili adhærentis observavi. Id autem distinguebatur innumeris exiguis granulis subfuscis more spermatis ranarum dicti. Illam verò hujus Cochleæ futuram esse hac ratione didici. Ex his aliquot diu apud me in aquâ servavi, donec plurimæ exinde nascerentur hæ ipsæ Cochleæ.

Medio Maio harum sperma diligenter observavi; erat autem crassum, paulo longius supra unciam dimidiam; instar crySTALLI pellucidum. In cujus medio (adhuc enim non resolvebatur) inerant plurimæ exiguæ Cochleæ ad magnitudinem seminum papaveris; ipsa tamen testæ figurâ maximè notabiles & facile cognoscibiles.

TITULUS XXIV.

Euccinum subflavum, pellucidum, trium spirarum.

Descriptio.

Supra modum tenuis & tenera est hæ Cochlea; adeoq; admodum pellucida & lævis est, de vacuâ testâ loquor. Fi.

Ei color subflavus, aut albidus.

Longitudine multum superat unciam dimidiam.

Ei ingens testæ apertura, ovalis, qualis in plerisque; huius capitis.

Intra tres spiras finitur; quarum duæ inferiores ad mucronem admodum exiguae; ipse mucro obtusior.

Ipsius animalis cornicula binæ aurium instar aut pinnarum, tenuia, lata, mucronata.

In Fluviis optimæ & saluberrimæ aquæ admodum frequentes; & alibi etiam in aquis stagnantibus non raræ. Locus.

Est autem animal Amphibium; siquidem æstate fluvios libenter deserit; herbam depascit, salicúmque summa vimina scandit.

Hæc Cochlea, averfam sive pronam Faciem quod spectat, optimè depingitur apud doctissimum Tulpium*, de quâ etiam rem mirandam refert; sc. quondam * Observ. Medic. lib. 3. cap. 7.
‘vetulam annum octuagesimum nonum agentem, ubi intergrum triennium tulisset animosè in vesica urinaria Calculum ponderantem tres uncias cum duabus drachmis, enim fuisse tandem felicissimè lapideum hunc sætum, cum duobus N. B. Cochlyiis, foris itidem lapideâ crustâ obductis.

Profectò, quantum judicare licet de picturâ, ea Cochylia ab eo dicta ex his nostris Cochleis planè fuerunt.

CAP. II.

De Buccino fluviali, cujus spiræ à sinistrâ in dextram convolvuntur.

TITULUS XXV.

Buccinum exiguum, trium spirarum à sinistrâ in dextram convolutarum.

Descriptio.

EST Cochlea vix trientalis; nec magnitudine vulgari piso par.

Ingens apertura, ovalis more cæterorum sui generis.

Anfractus tantum tres; quorum duo infimi exigui admodum, si unum superiorem respicias. A sinistrâ versus dextram convolvuntur.

Est testa tenerrima, tenuis admodum, pellucida, lævis.

Ipsius animalis cornicula capillacea.

Locus.

Hæ Cochleæ copiosè inveniuntur in quodam rivulo ad meridiem vici *Heyworth* dicti juxta Eboracum; & alibi in aquis stagnantibus frequentes.

MEM-

MEMBRUM III.

De Cochleis fluviatilibus, turbinatis, figurâ depressoâ.

Harum Cochlearum nota characteristica sunt. 1. Habere cornicula rubra capillacea. 2. Ipsa animalia colore pullo esse. 3. Coccum fundere.

CAP. I.

De Cochleis suprâ distinctis in specie.

TITULUS XXVI.

Cochlea pulla, ex utraq; parte circa umbilicum cava.

HUjus latitudo ferè uncialis; crassities quadrantalis. *Descriptio.*
Ei color pullus.

Anfractus circiter quatuor, pleni, quorum unus alteri rectè superinijcitur.

Aperturæ margo ad inferiorem partem paululùm extenditur velut labrum.

Est etiam utrinq; cavum ad centrum sive umbilicum anfractuum; quod tamen minus est in parte superiore, quàm in inferiore.

Ex his minores videntur canaliculati; at id admodùm leviter densis & minutissimis striis; in siccâ verò testâ cæ vix apparent.

Ipsè animal in aquam injectum seipsum exerit ostenditq; ex nigro rufescit; duobus corniculis rubris & capillaceis insignitur.

Ex:

De Cochleis Fluvialibus.

Ex his Cochleis magna copia habetur in Fluvio *Cam* & in rivulo *Fosse* dicto juxta Eboracum: & alibi per Angliam frequentes admodum; maximè in paludibus & aquis stagnantibus.

Humorem coccineum expuit Cochlea, si Testæ aperturæ injiciatur vel salis mica, cujuscunq; generis, aut piperis, gingiberisve paululum. An verò iste humor ex corporis habitu proveniat, ut sanguis ab incisione, dubitatur; tamen à corniculo juxta caput præciso is mihi visus est emitti, item levi corporis puncturâ profluere; at id genus experimentum difficulter tentatur, ut certò statuamus, an ex ipso vulnere erumpat nec ne. Verisimilius est, eam vel salivam esse circa fauces & ventriculum, aut peculiarem humorem proprio vase contentum.

Eundem humorem coccineum toto anno, Aprili certè & Septembri laceffita exhibet.

Iste humor sic expeditè haberi potest in magnâ quantitate: harum Cochlearum copiam in lintheum sacculum conjice; deinde iis insperge salis paululum; illicò copiosè distillabit humor coccineus.

Humori autem sic emissio si aluminis pollinem inspergas, protinus subsidit pars ejus colorata, reliquûsq; humor instar aquæ limpidus fit. Si ad eundem modum cum sale & alumine experimentum facias de humore subcæruleo ab incisione emissio in terrestribus nonnullis Cochleis, nihil colorati dejicies, at totus in quoddam gluten subcæruleum indurabitur.

Insuper pars ejus colorata chartâ bibulâ separari potest; at perit quidem coloris venustas & in pullum sordidum utatur.

Sin autem aceto misceatur, aut vini spiritu dicto, aut salis deliquio è plantis ultis purgati, aut salis communis diluto, non aliter quoq; quàm cum alumine perit ejus humoris coccinea elegantia.

Per

Per se quoq; emissus, difficulter admodum servatur; illud certè frustra experti sumus in angusti oris ampullis bene clausis, etiam oleo superinjecto, mellè circumfuso.

TITULUS XXVII.

Cochlea fusca, alterâ parte planior, & limbo insignita, quatuor spirarum.

Ejus latitudo paulo supra dimidiam unciam; crassitudo vero uncia octavam partem vix implet. *Descriptio.*

Ei color fuscus.

Intra quatuor spiras terminantur orbes; quorum unus alteri directè superinjecitur.

E medio orbe limbus notabilis extat, quâ sc. parte planior videtur; at est leviter cava ad umbilicum utrinq;

Ipse animal nigricat; binæq; cornicula rubra exerit capillacea.

Eundem coccineum humorem cum superiore effundit.

Ubique admodum frequens & in Fluviis & in aquis stagnantibus. *Locus.*

Has in coitu observavimus circa medium Maium.

Coitus.

TITULUS XXVIII.

Cochlea exigua subfusca, alterâ parte planior, sine limbo, quinque spirarum.

Hujus latitudo vix uncia tertiam partem, at crassitudo vix decimam sextam uncia partem implet; ut dimidio tenuior sit quàm ulla è proximè superioribus ejusdem latitudinis. *Descriptio.*

Ei color subfuscus aut nigricans.

Huic deest limbus; at parte alterâ sc. superiore planior est, & ubi limbus in proximè superiore, ibi velut acies.

Deniq; quod maximè notabile est, huic spiras quinq; numerare licet.

Locus.

Circa Eboracum in aquis stagnantibus aliquoties eam inveni; in Fossis verò Paludis *Pottery Carr* dictæ satis frequentes; in fossis ad Fluvium *Darwent* juxta *Bubwith-Ferry* magnâ copiâ habentur.

SECTIO II.

De Cochleis bivalvibus, sive de Musculis aque dulcis.

In hoc conveniunt, utramq; valvâ æquè cavam esse.

CAP. I.

De Musculis Aque dulcis.

TITULUS XXIX.

Musculus latus, testâ admodum tenui, ex fusco viridescens, interdum rufescens.

Chama-glycymeridi similis, sed majoris mytuli species.

Aldrov. de Testaceis lib. 3. pag. 472. ubi etiam figuram videbis.

An Chama-glycymeris Margaritifera Velsçii. Ephemerid.

German. Anni 3. Observat. 36.

Descriptio.

FI latitudo ad duas uncias; longitudo ad tres uncias & dimidium: at hic omnium maximus fuit, quem ego unquam in nostris fluviis; nam pleriq; paulo minores sunt.

Ex.

Ex his verò ipsis Musculis plurimos invenimus in fossis Paludis *Pottery Carr* dictæ juxta *Doncaster*, quibus longitudo ferè quinq; uncialis, latitudo paululum supra duas uncias & dimidium. Horum tamen testa & tenuis & lævis; siquidem ambæ valvæ ab omni carne purgatæ alicujus Testæ mensuræ suprâ positæ pendebant tantum scrupulum unum supra quinq; drachmas. Item in rivulis paludosis juxta *Sawterforth* agri Cravenensis, ut mihi relatatum est à fide dignis authoribus, similes ingentes muscoli reperiuntur.

Testa quodammodo pellucida est; cui color ex fusco rufescens, interdum (idq; perpetuò in maximis & minimis) leviter virescit.

Valvarum internus color ex argenteo caruleus, mirè resplendens.

Umbones, ubi valvæ conjunguntur, parum aut nihil eminent, sed æqualiter rotundi sunt: neq; ulla inæqualitas in valvarum cardinibus discernenda est; atq; intus etiam ad cavitates umbonum summa æqualitas.

Ipsius piscis caro subrufa.

Hos musculos copiosè invenimus in Fluviis *Air*, & *Rible* dictis agri Cravenensis; item in Fluvio *Ture* juxta *Rippan*; & alibi locis suprâ nominatis. Loc. 10.

In limo arenoso ita sese collocant. Valvarum cardines sursum spectant, earumq; oræ tenuiores intra limum profundè demittuntur, & ferè ex toto conduntur, exceptâ alteræ extremitatis obtusioris exiguâ parte; at in eâ caput animalis, adeoq; ea, valvis sc. modicè diductis, ferè semper quasi rimulam facit, quâ notâ eos expiscari expeditum est.

Hi muscoli Cornici victui sunt, qui ut piscem eximat, rostro valvas confringit; ideoq; hæ aves aquas frequentant; & à reliquis id genus avibus propterea ab aquâ Cognomen Anglicè accipiunt.

In vetustioribus plerisq; valvarum interna pars alicubi aspera & inæqualis est, velut verruculis distincta ad magnitudinem papaveris seminum. Harum autem nonnullæ vel leviter tactæ decidunt; at pleræq; valvis nimium firmiter adhærent. Hæc sanè valvarum vitia, an verò illæ margaritæ habendæ, alii judicent.

* Lib. 9. cap. 35.

Illud à Plinio * proditum est, Uniones reperiri solere rufos & parvos in Conchis quas Myas appellant; recentioresq; multi idem confirmant. Ita Velscius, loco suprà citato, de quibusdam Musculis lacustribus, quos ex figurâ depictâ nostros esse conjicio.

In lacu, inquit ille, non longè à Viennâ Austriæ Musculi pictorii sunt, è quibus dissectis Margaritæ non paucas ipsi exemimus; quarum pars Valvarum interiori superfici ei ob id asperæ, fixa est, pars sponte exciderat & in carne latebat; coloris tamen non albi, sed subflavi & subobscuri, quem splendor quidam argenteus illustrabat.

E nostris etiam scriptoribus olim sic quidam Anonymus:

* See the additional notes of D. B. to Sir Hugh Platts Jewel-house.

* Hi aliis musculis Fluviatilibus paulò minores sunt, & magis nigricant. (An intelligendum est de proximè sequentibus.) Ex iis in agro *Buckengamiensi* aliquot vidi; at in Fluvio *Clun* dicto agri Salopiensis præcipuè abundant. Ex iis a. ipse Margaritæ exemi; illudq; perpetuum esse didici, sc. eos tantum Musculos Margaritæ in se continere, qui extrâ inæquales & asperi velut nodis interstiti; & læves rursus illis omnino vacuos fuisse.

TITULUS XXX.

Musculus angustior, ex flavo viridescens, validus, Umbonibus acutis, valvarum cardinibus velut pinnis donatis, sinuosis.

HUIC longitudo circiter uncias tres & dimidium, *Descriptio.*
latitudo ad unciam unam & dimidium; hujus mensuræ duæ Valvæ drachmas septem & triginta quinq;
grana.

Valvæ crassæ, validæ, & ponderosæ.

Color ex flavo viridescens, interdum ex summa viriditate infuscatur.

Ejus altera extremitas multum ab umbonibus produci-
tur. Umbo uterq; ad cardines acuti, & paululum emi-
nent. Ipsi Cardines sinuosi, & velut pinnis donati. Etiam
cavitas interna ad cardines sinuosa & inæqualis.

Valvis internis color in mediocribus ex argenteo cæru-
leus, in vetustioribus & maximis ex argenteo rubescens.

Ipsius animalis caro paulò albidior est quàm in supe-
riore.

Hi in Fluvio *Onse* & *Fosse* juxta Eboracum copiosè in- *Locus.*
veniuntur; item in Fluvio *Nid* ad pontem *skip-brig* di-
ctum.

In his, sicut in proximè descriptis, duo sunt crassæ &
valida ligamenta nervosa, unâ atq; alterâ concharum ex-
tremitate disposita, per quæ animal valvis suis adhæret,
quibûsq; mediantibus eas aperit clauditq;.

Horum autem ipsorum ligamentorum Capitibus, quæ *Margaritæ.*
sc. valvis adhærent, circiter 16 margaritas in uno mus-
culo inveni, à magnitudine papaveris ad piperis grana:
ex minutis verò aliquot facere admodum rotundæ, cæteræ
autem majusculæ asperæ & inæquales. Hæc sanè senescen-

tium Musculorum vitia sunt: nam in mediocribus multis dissectis non unam quidem inveni: adde quod in imis ligamentis hæ Margaritæ velut thecis dispositæ fuerunt; non aliter quàm Calculi in renibus, aut alias in animalium sanguineorum carne nati. In reliquo autem pisce nihil. Illud tibi manifestius patebit, si parùm coquantur muscoli & non crudi dissecantur.

Horum Musculorum aliarumve Cochlearum testæ si in acri lixivio coquantur, earum exteriores & decolores membranæ separari possunt: primò sc. mollis & colorata membranula abstergitur, deinde alius ex media materia velut cretacea cortex abradendus est, sub quo Margaritarum splendor totam utrinq; testam occupat. Concharum sic purgatarum pulvis in usu medico margaritarum usum optimè, ut opinor, supplere possit; sanè accommodatissimus est ad medicamenta quævis, in quibus requiruntur vel ipsæ margaritæ, vel Oculi cancrorum dicti, vel corallium.

TITULUS XXXI.

Musculus exiguus, pisi magnitudine, rotundus, subflavus, ipsis valvarum oris albidis.

Descriptio.

EJUS magnitudo ad modum pisi vulgaris, aliquando æquat nucem mediocrem è corylo.

Testa utraq; intus foras lævis, tenuis, pellucida.

Ei color subflavus sive corneus, exceptis ejus extremis oris, quæ albescunt.

Ejus figura subrotunda est; nam singulæ valvæ admodum cavæ sunt, & in dorsum multum clatæ, & æqualiter ab utraq; cardinum parte extenduntur, qui ferè in mediis valvis sunt; ut ad rotundam figuram proximè accedat.

In

In aquis stagnantibus circa Eboracum copiosè inveni-^{Locus.}
untur: in fossis autem paludis sæpiùs nominatæ juxta *Dou-*
caster duplo majores sunt quàm alibi.

SECTION III.

De Cochleâ fluviatili Univalvi, sive de Patellâ.

TITULUS XXXII.

Patella fluviatilis, fusca, vertice mucronato, inflexôq;.

HUjus basi latitudo paululùm supra tertiam uncia^{Descriptio.} par-
tem (de majusculis, quas unquam inveni, loquor;
nam plerq; dimidio minores sunt) à vertice verò ad ba-
sim vix quartam uncia^{Descriptio.} partem implet.

Ejus vertex mucronatus; at qui veluti in hamum infle-
gitur.

Ei vivæ, & saxi adhærenti color fuscus.

Testa autem vacua, tenuis & fragilis & pellucida est.

Ipsius animalis Planta, quæ pedum vicem supplet, nam
de loco in locum, victis ratione, se movere solet, rotun-
da est, adhæsiôq; aptior.

Ex his majusculas in Fluvio *Air* multis in locis inveni;^{Locus.}
multo minores sunt qui in vadis lapidosis Fluvii *Onse* &
Wharfe reperiuntur.

Excunte Septembri ejus sperma saxi adhærens copiosè
observavi: erat autem in minutis globulis gelatinæ instar
dispersum: jam verò in singulis globulis plures exiguas pa-
tellas vel ipsâ figurâ discernere & cognoscere potui. In Coi-
tu verò altera alterius verticem scandit, inseditq; plu-
resq; sic copulatas tunc temporis notavi.

COCH.

COCHLEARUM MARINARUM

ANGLIÆ

LIBER.

Proximè superiore Tractatu Cochleas tùm terrestres tùm fluviatiles diligenter exposui; jam verò ad Cochleas marinas nostræ Insulæ venio: atq; illa novî operis ratio fuit, sc. materiæ proxima cognatio. Deinde cùm opus alterum de Lapidibus, in Cochlearum modum figuratis, jam olim meditatus fueram, idq; penè ad umbilicum perduxeram, hoc eo curiosius explicuisse volui, quo inter alia ea mihi indè nasci vîsa est utilitas, ut, rebus utriusq; generis inter se collatis, certum aliquid judicent viri, rerum naturalium studiosi, an istæ Figuræ è testis marinis verè oriantur, quod pleriq; volunt; aut sui generis lapides perpetuò extiterint, & cum ipsis montibus nati.

Ut autem harum Cochlearum marinarum copia nobis daretur, ipsi litus Orientale, quod Danemarchiam spectat, & Occidentale, quod adversus Hyberniam positum est, pluribus in locis visitavimus: aliàsq; nonnullas ab aliis Angliæ partibus per amicos fide dignos investigavimus. Adeò illud verissimum est, quod præcipuè nobis proposuimus, omnes has species à me descriptas in nostro mari inventas esse. Quot verò desint, alii, quibus & loci opportunitas & otium est, diligenter inquirent: & nobiscum, si ita videbitur, pergratum enim facient, eas communicent.

Hæc a. omnia cum Rondeletii, Gesneri, Aldrovandi descriptionibus sedulò contulimus. At, ne mireris, tam pau-

ca ex nostris iis fuisse cognita, scire licet, illos aut alterius Orbis rariora Conchylia, aut sola mediterranea edidisse; nonnulla tamen, ab iis descripta invenio, quæ nobis fortè cum mediterranei maris Conchis communia sunt.


Sed hæc quidem mediocria sunt; ex iis tamen multa ad vitæ usum hodiernum; alia olim ad luxuriam & pompam; omnia sanè ad Historiæ rerum naturalium consummationem, adeoque ad Philosophiæ profectum conferunt.

X

COCH.

Tab: 3

pag. 155.




11

12

13

13



GOCHLEARUM MARINARUM

ANGLIÆ

SECTIO I.

De Cochleis Turbinatis.

MEMBRUM I.

De Cochleis turbinatis, intortis sive anfractuosiss.

ARTICULUS I.

De Cochleis turbinatis, intortis; quibus apertura sinuata sive canaliculata; Buccina rostrata ideo à me dictis.

CAP. I.

De Buccino rostrato levi.

TITULUS I.

Buccinum album leve, maximum, 7 minimum spirarum: a Capelle.

HÆC Testa admodum crassa & ponderosa est. Huic color albidus externè; intùs verò flavescit; id quod intelligi debet de vivorum animalium testis, & quæ novissimè ex mari expiscatæ sunt.

Ejus longitudo minimùm quinq; uncias implet; linea verò septem uncias longa hanc quæ plenior est, vix circumdat. Intra 7 ferè spiras finitur.

Descriptio.

X 2

Aperturæ

Aperturæ longitudo ad tres uncias accedit, quæ verò maximè patet, unciam paululùm excedit : in summa aperturæ parte, quidam Canaliculus sive sinus in modum rostri productus.

Testæ pars exterior ex toto lavis est, i. e. sine striis, quamvis sæpiùs vel rugis quibusdam vel aliis rebus extrinsecus adnatis exasperetur.

Hanc vivam Operculum tenue, colore pullo, etiam testaceum claudit.

Locus.

Illam piscantur in alto mari apud *Scarborough*, ubi primum ex his vivas vidimus.

CAP. II.

De Buccinis rostratis striatis.

TITULUS II.

Buccinum crassum rufescens, striatum & undatum.

Descriptio.

HÆC testæ crassa admodum & ponderosa est ; extrâ ex fusco rufescit, item intus ex albo leviter purpurascit ; de maximè recentibus testis loquor.

Septem minimùm spiras in integrâ testâ numerare licet.

Testæ longitudo supra tres uncias extenditur ; ejus ambitum quæ maximè patet, vix quinuncialis linea colligit.

Apertura qualis in superiore, & simile rostrum canaliculatum. At si testæ integræ est, in medio labro apertura est etiam alius sinus ex undatis striis paululùm reductis. Huic crebræ & minutissimæ striæ secundùm spiras circuminjiuntur ; item aliæ striæ crassæ ductu undato & transverso eminent.

Ex.

Ex his aliquot in Litore, juxta *Scarborough, Hartle- pool*, & ad Ostium fluminis *Tees*, at rariùs invenimus.

TITULUS III.

Buccinum tenue, leve, striatum & undatum.

HÆC testa à superiore, quam maximè refert, in his *Descriptio.*
differt; 1. Quòd hæc tenuis admodum & levis, cum
illa valida & ponderosa sit. 2. Quòd huic amplior apertura.
3. Quòd huic ferè defunt striæ undatæ in summo & ma-
ximo orbe.

In reliquis a. conveniunt.

Ex his aliquammultas invenimus in æstuario maris Hy- *Locus.*
bernici in. alterâ ripâ adversus *Lancaster*.

TITULUS IV.

*Buccinum angustius, tenuiter admodum striatum, octo
minimùm spirarum.*

HÆC testa crassiuscula est & valida; quas vacuas *Descriptio.*
& fortè vetustas in litore invenimus albidæ sunt.

Ad octavam minimùm spiram producitur; ejus & mu-
cro tenuior & basis etiam angustior est.

Maxima ejus longitudo paulùm supra duas uncias exten-
ditur; ejusq; crassitudinem, quâ ventricosior est, eadem
ferè linea comprehendit.

Propiùs consideranti hæc crebris striis, secundùm spi-
ras circumductis, at minùs profundè fuleatis leviter exaspe-
natur.

Huic rostrum productius velut alter mucro, canalicula-
tum. Has.

Locus.

Has testas in litore Scarborgensi collegimus; at ibidem rariores sunt.

TITULUS V.

Buccinum minus, albidum, asperum, intra quinque spiras finitum.

Descriptio.

Hujus animalis testa omnium, pro magnitudine, longè crassissima & ponderosissima est.

Color albidus, intus, foras.

Longitudo ad sesquiunciam; at, quæ crassior, lineæ duas uncias longa vix eam ambit.

Pendet....

Intra quinque spiras finitur; at ex non ita facile numerantur, quòd striæ crebriores paululùm emineant, & spirarum intercapedinem non parum confundant.

Ipsè mucro acutus, & parùm producitur.

Item ob strias quasdam transversas magis inæqualis & tactu asperior fit.

Testæ apertura angustior est; ejusq; ipsius oræ ex insigni crassitie subito fiunt acutæ, & in modum serræ leviter exasperantur.

Ipsùm rostrum brevius, at canaliculatum.

Locus.

Hæc & sequentia *Buccina litoralis* dici possunt; quòd in litore certè scopuloso ingenti copiâ ubiq; reperiantur.

Coitus.

Hæc buccina, Junio ineunte, post æstis recessum in sicco scopulo, tempore matutino, in Coitu frequenter observavimus.

TITU-

TITULUS VI.

*Buccinum minus, ex albo subviride, ore dentato, edq;
ex flavo leviter rufescente.*

Proximè superiori par testa, an paulo minor; figurâ,
spirarum numero, asperitate, striis, rostro, omaibûsq;
ferè reliquis admodum similis.

Huic a. color ex albo subviridis.

Item aperturæ oræ obtusiores. Ipsa apertura paulo an-
gustior; cujus interior pars ad sinistram, quinis velut den-
tibus obtusis & parum eminentibus insignitur; parti aper-
turæ interiori color ex flavo rufescens.

Item huic, ut superioribus singulis, Operculum tenue,
rufescens, quo se inclusum tenet animal.

Hæc quoq; buccina in iisdem scopulis litoralibus copi-
osè inveniuntur juxta *Scarborough & Hartlepool.*

ARTICULUS

ARTICULUS II.

De Cochleis turbinatis, intortis, testa apertura planâ.

CAP. I.

De Cochleis turbinatis &c. ore plano, figurâ productiore.

TITULUS VII.

Buccinum crassum, 2 acutis at inequaliter altis spiris in singulis 12 minimum spiris donatum.

An Buccinum striatum edamq; Fab. Colum. ?

Descriptio.

HUIC Cochleæ longitudo paulum supra tres uncias, crassiores verò partem linea binuncialis vix comprehendit.

Admodum crassa, & ponderosa testa est.

Huic color albus; at vivam nondum vidi.

Nostræ erat mucro præfractus; ut certum aliquid de spirarum numero finire non potui; at in eâ 12 spiras numeravi.

Spirarum interstitia notabilia & admodum sinuosa. Spiræ ex proportionem paulatim adeò minuuntur, ut elegantem admodum figuram pyramidalem efficerent.

In singulis mediis spiris, duæ, at altitudine inæquales, acutæ spiræ eminent; certè in tribus superioribus spiris maximè conspicuæ; at inferiores etiam spiræ velut aliis crebris sulcis excavatæ visæ sunt.

Os sive testæ apertura velut circinata; at rarò integra, ut nec ipse mucro invenitur.

Rarissima

Rarissima Testa ; at aliquoties illam redemi à piscato- *Locus.*
ribus litoris *Scarborgensis* ; adeoq; in alto mari nasci vi-
detur.

TITULUS VIII.

*Buccinum tenue, densè striatum, 12 minimùm spiris
donatum.*

ILLA Cochlea est longitudinis sesquiuncialis; quâ ven- *Descriptio.*
tricosior, linea uncialis comprehendit.

Levis & tenuis testa est.

Huic color albidus ex leviter rufescente.

Os five apertura ferè circinata ; at rarò eâ parte inte-
græ inveniuntur.

12 Spiras numerare licet : eæ minùs eminent ; sed pla-
niores sunt ; ex æquâ ratione minuuntur, & in longum &
elegantem mucronem porriguntur.

Hæ Cochleæ post tempestates hybernas in litus *Scar-* *Locus.*
borgense ejiciuntur ; item ex litore occidentali agri Lan-
castriensis easdem habui.

CAP. II.

De Cochleis turbinatis, ore plano, figurâ breviori sive compactili, Cochlea-formibus.

TITULUS IX.

Cochlea fusca, fasciis crebris angustisq; prædita. Communis à piscatoribus Scarborgensibus Anglicè dicta.

Descriptio.

HÆ C crassa, validaq; testa est: ex his maxima duas drachmas pendebat.

Ejus longitudo paululum supra unciam; linea verò duas uncias longa ejus basin, quâ crassior est, vix comprehendit.

Creberrimæ fasciæ angustæ secundum spirarum ductus circuminjiciuntur: hæ verò ipsæ fasciæ in junioribus & minimis in strias eminent; adeoq; cochleæ iis quodammodo asperantur. Ipsæ a striæ coloris tuscæ sunt, ad nigredinem accedentis, cum earum interstitia, quæ tamen valde angusta sunt, albicent.

Intra quinas spiras finitur: at eas numerare difficile est & propter strias frequentes, & quod ipsæ spiræ planiores sint; ipse a. ejus mureo acutior est.

Illud in hac testâ singulare est; aperturæ imas oras paululum per latus dimitti; aliter quàm in aliis plerisq; fieri solet, ubi eæ ad angulos ferè rectos committuntur.

Locus.

Hæc Cochlea è litoralibus nostris frequentissima est, maximè locis scopulosis.

Junio coeunt in sicco, quod ipse vidi: coeuntium alteri tantum, ni fallor, insignis penis.

Huic ipsi animali reticulata cutis ex nigris lineolis. Item operculum tenue pullum.

Has

Has gustavi ; nec mihi insuavis visa est : à Belgis eas plurimum appeti audio.

TITULUS X.

Cochlea rufescens, fasciis maculatis, maximè ad imos orbes distincta.

HÆC lævis & modicè crassa Testa est. Huic longitudo vix uncialis ; at lineola duas uncias longa illam, quā ventricosior est, vix comprehendit ; sc. figurā admodum compactili.

Descriptio.

Intra quintum orbem finitur ; quorum primus ventricosus, reliqui exigui & parum producti, ipsèq; mucro obtusior, velut in Cochlea vulgari hortensi.

Hæc ex albido rufescit ; at ad imam maximè partem primi & secundi orbis velut fascia rufa è quibusdam maculis rufis, obliquè ductis composita, & plures ejusmodi esse possint per totum orbem superiorem : sed de colore in vivis animalibus nihil certum affirmare possum, quòd testæ vetustas tantum & maris agitatione multum detritas adhuc vidi.

Ipsa apertura velut ovalis est ; item ad ejus alteram partem est quoddam foramen aut cavum, angustum, profundum ; id verò ipsi testæ extrinsecus est.

Ex his aliquot non semel invenimus in litore arenoso a-
gri Lincolnienfis, ac etiam ad ostium Fluminis *Humber* :
at utrobiq; quidem cochlea rarissima est.

Locus.

CAP. III.

De Neritis, i. e. de Cochleis turbinatis plano ore sive aperturâ non rostratâ, quibus & paucæ spira, & quibus umbones sive mucrones parùm aut nihil eminent.

TITULUS XI.

Nerita ex fusco vinidescens, aut ex toto flavescens, modò pallide, modò intense ad colorem mali aurantii maturi.

Descriptio.

HÆ C testa valida & crassa est: nucem è corylo mediocrem æquat; sc. paulo dimidiam unciam excedit longitudine; nec multo minor latitudine.

Intra tertiam spiram finitur, ejus mucro quasi occultatur, certè parùm aut nihil eminet aut extat.

His color non idem, modò ex toto flavent, modò intensius rufescunt; interdum ex fusco virescunt.

Locus.

Hæ sunt ex litoralibus nostris Cochleis; & in scopuloso litore ubiq; abundant.

Junio ineunte in Coïtu has Cochleas vidimus; modò duas flavas, modò flavam & fuscam copulatam; idq; in sicco, cùm sc. maris æstus recesserat, quod tùm fortè matutino tempore incidit.

TITU-

TITULUS XII.

*Nerita fasciatus, unicâ latâ fasciâ insignitus, ceterum
subfuscus ex viridi.*

HÆC a. proximè superiori similis est, magnitudine, *Descriptio.*
figurâ, spirarum numero, &c. unicâ fasciâ latâ per
medium ductâ distinguitur.

An verò hæc diversa species sit, non admodum conten-
do; at quòd ex his nullas in coitu observare potui, nec
per se, nec cum aliis superioris generis copulatas, alias esse
suspignor ab illis.

Ibidem quoq; non minùs frequenter habentur.

Locus.

TITULUS XIII.

Nerita reticulatus.

HÆC Cochlea superioribus sui generis paulo minor *Descriptio.*
est; at figurâ per omnia similis: in eo differentia,
quòd huic color fuscus ex viridi, modò flavescens; at qui
reticulato quodam opere eleganter distinguitur.

Ex his vivas in litore scopuloso juxta *Scarborough* re-
peri, & ad *Hartlepool*: at rarissimæ sunt.

Locus.

CAP. IV.

De Trochis, i. e. quibus figura conoides, ex basi latâ & planâ: ipsarum etiam spirarum latera admodum plana, & minimè extantia unum super alterum.

TITULUS XIV.

Trochus albidus, maculis rubentibus distinctus, 6 minimum spirarum.

Descriptio.

HÆC tenuis & pellucida testa est; item lævis, nisi vetustas id efficiat; etenim vivas adhuc non vidi.

Et color albidus; in parte verò maximè eminente, sive in mediâ quâq; spira est quidam macularum rubentium ordo.

Huic minimum senæ spiræ, paulatim ad elegantissimum & acutum mucronem fastigiata: spiræ etiam leviter striantur, at neq; crebris neq; admodum eminentibus striis.

Huic longitudo paululum supra dimidiam unciam; filum a. duos digitos longum ejus basin vix circuit.

Locus.

Juxta *Scarborough* at rariùs; ad ostium verò *Humber* & oram maritimam agri *Lincolniensis* sat copiosè.

TITULUS XV.

Trochus crebris striis fuscis, & transversè & undatim dispositis, donatus.

Descriptio.

HÆC cochlea proximè superiori paulo minor est: Item brevior & crassior est.

Intra

Intra quinas finitur spiras: ipsæ etiam spiræ leviter ex-
tant, earumq; latera paulo rotundiora sunt: huic quoq;
striæ exiguæ, at crebriores & leviter eminentes, ut asperu-
la sit.

Porro huic striæ, in quo summa elegantia, fuscæ &
transversè & undatim dispositæ.

Ad litus Orientale copiosè habentur plerisq; locis.

Locus.

ARTICULUS III.

*De Cochleâ turbinatâ, Aperturâ omnium longè paten-
tissimâ, perforatâ.*

TITULUS XVI.

*Auris marina quibusdam: Patella fera Rondeletii.
αὐρὴς ἀγέλα Aristotelis.*

Bother of Pearl, Anglicè.

HÆC Cochlea Auris marina appellatur, ob quandam *Descriptio.*
similitudinem cum aure nostrâ.

Longitudo uncias quatuor, latitudo ferè tres uncias
implet.

In cava Testæ parte unionum splendor insignis. Ex
parte a. convexa fordidè rufescit.

Turbinatorum more claviculatim torquetur; adeò ut
ab aliquibus Univalvibus malè annumerata est. At intra
alteram ferè spiram finitur.

Item ex parte convexâ aspera est & inæqualis ob quas-
dam strias, secundùm spirarum ductum delineatas; qua-
rum etiam maximæ profundius fulcantur; item quòd hâc
etiam parte foramina paululùm emineant.

In:

In aliquibus verò sex, in aliis majoribus septem foramina perpetuò patent; reliqua a. quæ ampliùs triginta numerare licet, nè aperiuntur quidem, quum non perforantur, ut diligentius internam & concavam Testæ partem inuenti palàm sit. Ea a. incipiunt à spirarum mucrone, ubi perexigua; deinceps incrementum paulatim sumunt.

Locus.

Ultimum a. & prægrande foramen excipit velut labrum quoddam sive rostrum canaliculatum, ut superioribus primi membri non minùs rectè annumerentur.

In insulis prope *Garnsey* copiosè reperiuntur; easdem etiam in litore Italico juxta Puteolum collectas habui.

ARTICULUS IV.

De Cochleâ Turbinatâ, aperturâ in rimam formatâ; ipsis spiris intus latentibus.

TITULUS XVII.

Concha Veneris exigua alba, striata. Hung.

Descriptio.

HÆ C perexigua testa est; vix enim fabam equinam æquat.

Color ei albus, aut ex albedo subrufescens.

Huic striæ transversæ crebræ eminentes.

Locus.

Juxta *Hartlepool* agri Dunelmensis sat copiosè reperiuntur; ubi *Hung* appellatur.

N. B. Valdè similem vidi ab insulâ Jamaicâ: at in eo discrimen, quòd illi in summa parte convexâ est unicus profundior sulcus, qui in nostrâ deest.

MEM-

MEMBRUM II.

De Cochleis turbinatis, orbes non habentibus.

Echini inter testacea ab Aristot. numerantur. Et quòd idem omnia Turbinata Elicem non habere innuit, ideo Aldrovandus alterum Turbinatorum genus Echinos fecit; quem & nos quidem hâc in re sequimur. Aldr. de Testac. p. 256.

TITULUS XVIII.

Echinus marinus, aculeorum vestigiis parùm aut nihil eminentibus.

HUIC Testæ figura globosa five sphærica; at ex alterâ parte paulo planior est. *Descriptio.*

Creberrimis aculeis undiq; contegitur: in vivo pisce & intra aquam natantē erecti; at mortuo aut extra aquam posito iidem desidunt. Ipsi a. aculei exigui & tenues, vix dimidium digitum superant. Qui ex his majusculi, omnes obtusiorē mucrone desinunt: iisdem etiâ color albidus.

Detritis a. aculeis, eorum vestigia parùm aut nihil eminent.

Z

COCH.

COCHLEARUM MARINARUM

ANGLIÆ

SECTION II

De Cochleis Bivalvibus.

MEMBRUM I.

De Cochleis Bivalvibus quæ ex omni parte arcuè inter se conjungi possint.

ARTICULUS I.

De Cochleis Bivalvibus, ex omni parte clusilibus, non striatis.

CAP. I.

De Conchis non striatis.

Hæc a. notæ characteristicæ sunt. 1. Utramq; e valvis esse æquè cavam. 2. Duobus præter cardines validis ligamentis, musculisq; hinc inde in mediâ Testâ dispositis, ipsis testis adnatis. 3. Esse leves aut leviter asperas.

TITULUS XIX.




Concha longa latq; in mediis cardinibus cavitare quadam pyriformi insignita.


An Chama-glycymeris Rondeletii?

Descriptio.

HÆC testa ad tenuiores accedit, adeoq; valde fragilis est.

Longitudine





4

Longitudine quatuor minimùm digitos cum dimidio implet; latitudine paulò supra duos habet.

Minus profundè excavatur; intùs lævis, item extrà haudquaquam aspera est.

Intùs albert, extrà flavescent: at cuius naturaliter coloris sit, minùs constat; quippe omnibus à me observatis summa cuticula deerat; nisi quòd in aliquibus cutis sive membranæ fuscioris exiguæ particulæ adhærent.

Ex altera parte cardinis paulò magis producitur; at utraq; pars extrema & ferè æqualiter lata & subrotunda.

Ad medium verò cardinem in utrisq; valvis, præter alios sinus angustiores, est quædam insignis cavitas pyriformis.

Huic animali, præter nexus ad cardinem, duo ligamenta sunt, quorum vestigia in utrisq; valvis satis notabilia.

In litore arenoso juxta *Philo*; item ad ostium fluminis *Lacus Tees* copiosissimè reperiuntur.

TITULUS XX.

Concha quasi rhomboides, in medio cardine utrinq; circiter tribus exiguis denticulis donata.

HÆC testa modicæ crassitudinis est, & inter firmiores numeranda est. *Descriptio.*

A latere ad latus duos digitos patet; à cardine verò ad imam oram paulo supra unum digitum; figurâ quodammodo rhomboide.

Extrà rugis asperatur, in aliquibus creberrimis minutissimisque quasi striis transversis.

Ipleumbo exiguus acutúsque est: proximè verò sub umbone cardo constat è duobus exiguis sinubus, & totidem

aut trînis denticulis: at etiam alii finus sunt, in longam procedentes, maximè ex alterâ parte.

Huic color extrinsecus albus; at non nisi testas suis animalibus vacuas & fortè vetustas adhuc vidimus: intùs verò ad alteram, à cardine magis remotam partem colore violaceo insigniuntur; reliqua interna testa albet. An quibus hæc etiam nota, è recentioribus sint?

Locus.

Ad ostium fluminis *Tees* ripâ Eboracensi, satis frequenter reperiuntur.

Cùm in hâc Conchâ & infrâ describendâ Tellinâ illustres notæ purpura-violacei coloris insunt; an Conchylium antiquorum à Bivalvibus, ut Purpura à Turbinatis ortum sit, meritò quæro.

TITULUS XXI.

Pholas noster, sive Concha intra lapidem quendam cretaceum degens.

Descriptio.

HÆC admodum tenuis & fragilis Testa est. Nullam vidi quæ digitum longitudine implevit; at latitudine vix mediam partem digiti attingunt.

Modicè cavæ sunt valvæ; ex unâ parte rotundantur: ex alterâ verò admodum obtusæ ac si præcisæ forent.

Extrâ rugosæ, intus læves.

Mortuæ & vetustæ testæ, nam alias nondum vidi, albet.

Locus.

Hæ conchæ juxta *Hartlepool* frequenter reperiuntur, & in lapidis cujusdam cretacei foraminibus latitant ab ipso earum ortu: nam ex his eximi non possunt, nisi priùs lapis frangatur.

De ipsis a. foraminibus hæc observavi. 1. Ea fieri in lapide molli, & quæ facîle forari possit. 2. Alterâ parte patent,

patent, alterâ clausa sunt. 3. His singulis figura una & eadem est, eâq; veluti ovalis; sc. ipsum os angustius, media pars paulò ventricosior, rursus angustior ima pars, quæq; rotundatur. 4. Pro ratione animalis majora minorave sunt; ut parvo animali exiguum foramen, & adulto majusculum; at omnium foraminum cava duplo aut triplo majora sunt, quàm Conchæ requirant, sc. ut liberè valvas aperire possint. 5. Majorum foraminum longitudo ad 2 uncias; latitudo, quâ ventricosius, paulo supra dimidiam unciam est.

TITULUS XXII.

Concha è maximis, admodum crassa, rotunda, ex nigro rufescens.

HÆC testa admodum crassa & valida est. E maximis est: æqualiter ferè lata est, sc. ad digitos tres utrinq; patens; adeò ei figura subrotunda est.

Descriptio.

Cava, & in dorsum multum elata est.

Huic color, cum summa cuticula adest, ex fusco rufescens, aut castaneus: intus albet.

Ferè lævis est; at cute detractâ, ex parte gibbâ leviter rugosa est; & in aliquibus minutioribus sunt admodum minutæ striæ transversæ, sc. à latere ad latus deductæ.

Ipsæ a. umbo angustior, acutus & leviter rostratus est.

In ipso verò cardine sunt plures sinus profundiores, dentatq; siye apophyses eminentes.

Copiosissimè reperiuntur in litore arenoso ad ostium Eluminis Tees, & alibi juxta Philo.

Locus.

TITU.

TITULUS XXIII.

Concha tenuis, subrotunda, omnium minimè cava, cardinis medio sinu & amplo & pyriformi.

Descriptio.

HÆC testa admodum tenuis & fragilis est. Latitudine sesquidigitum patet, longitudine ferè ad duos digitos producitur; ita ut subrotunda sit.

Huic color albicans, qualis in omnibus vetustis testis; nam vivos id genus pisces nondum vidimus.

Valvæ minimè omnium profundè excavantur, ipsi umbones perexigui, & ad cardinem acuti sunt. Ipse a. cardo ex pluribus sinubus constat; at medius reliquis amplior & quodammodo pyriformis.

Locus.

Copiosè habentur ad ostium fluminis *Tees* juxta *Red-car* ripà Eboracensi.

TITULUS XXIV.

Concha crassa, ex alterâ parte compressa, ex alterâ subrotunda.

Descriptio.

HÆC testa pro magnitudine crassa & valida est. Modicè excavatur.

Huic color albidus; at vivos pisces nondum vidimus.

Figura subrotunda; à cardine ad imam oram sesquidigitum longa; à latere ad latus paulò supra eandem mensuram patet.

Ipse umbo acutus & leviter rostratus.

Intus lævis; ex parte verò gibbâ aliquot rugæ transversæ sive striæ, at sine ordine.

Ex alterâ verò parte ab umbone ad rectam lineam procedit,

ædit, ex alterâ & adversâ eâ, rotundior est; quâ solâ notâ abundè distinguitur à proximè superioribus.

Ad ostium Fluminis *Tees*, & in litore arenoso juxta *Philo*; at rariores sunt. *Locus.*

TITULUS XXV.

Concha parva subrotunda, ex parte internâ rubens.

HÆC testa modicè crassa est; sive ad tenuiores potius accedens. *Description.*

Huic latitudo digitalis; longitudo digiti quartâ parte minor.

Extrâ albescit cum quodam rubore; intûs verò præcipuâ quâdam rubedine per totam internam faciem illustratur.

E lateribus verò alterum ferè circinatum, alterum à cardine in obtusum quendam angulum rectâ procedit: at paulo antè quàm ad istum angulum veneris, quidam sinus leviter deprimitur; id tamen, nisi admodum diligenter attendas, haud tibi ita faciliè occurret; at ea præcipua distinctionis nota est.

E millenis fortè unam inveni superscriptis triplo majorem.

In Brevibus Lancastriensibus, juxta *Philo* & alibi frequentissima concha; & è litoralibus est; nam ex his vivos pisces captos vidi. *Locus.*

CAP.

CAP. II.

De Conchis asperis, valvis dissimilibus, unico ligamento interno donatis, Ostrea dictis.

TITULUS XXVI.

Ostreum vulgare maximum, intus argenteo quodam splendore albescens.

Descriptio.

HÆC testa satis nota est, admodum crassa, valida & ponderosa, ingenti magnitudine, maximè quæ inter rupes Scoticas expiscantur.

Huic figura subrotunda, at inæqualis ferè. Item valvæ inæquales & dissimiles; sc. quarum una plana, altera cava; utraq; verò extrinsecus rugosa & aspera admodum; at non striata. Intus a. lævis & albescens cum argenteo quodam splendore, foris color ferè fuscus.

Huic pisci unicum tantum ligamentum internum in mediis valvis affixum.

In his interdum suæ Margaritæ inveniuntur.

Locus.

Plurimis in locis in nostro mari piscantur.

Ostreï anatome. è clarissimo Willisio nostro, de Anima Bruti cap. 3.

Testæ in Ostreis ab ovo connatæ; & primò molles, prout mole accrescunt, sensim indurantur.

Utriq; Testæ *Musculus robustus*, in medio ostrei confitus per tendines suos adnascitur. Hujus fibræ motrices (quæ velut chordarum fasciculus videntur) rectà ascendentes, dum contrahuntur, Testas arctè occludunt, relaxatæ

*Musculi recti
Testas occlu-
dentes & ap-
erientes.*

laxatæ verò eas aperiri & attolli sinunt: quod munus aperiendi testas, Musculus alter huic adjunctus exequitur.

Præter hos musculos rectos, & ad Testarum plana perpendiculares, sunt bini alii *circulares*, per utriusq; testæ margines expansi; qui ibidem inter se Branchias comprehendentes, earum motibus potissimum inserviunt, uti mox ostendemus.

Musculi circumlares Branchias moventes.

In summitate Ostrei, musculi *circulares* uniti, quoddam quasi velum, pro tegendo capite constituunt: deinde paulo inferius divisi, quatuor branchias superiores includunt; in quarum medio rima dehiscens, processu aliquo ad Ostrei *Os* ducit.

Os.

Ab Ore transitus brevis & rectus ad ventriculum est. Hujus cavitas satis ampla foraminulis, in *corpora fusca*, ei utrinq; affixa, ducentibus, prædita est. Corpora istæ, & Mesenterii & Hepatis loco esse, eorumq; muniis fungendi videntur; quatenus nempe puriorem chyli partem, mox è ventriculo suscipiunt, ipsamq; defæcatam humori vitali tradunt.

Ventriculus.

Hepar, Mesenterium.

In Ostreo, *intestinum* ex imo Ventriculo incipiens, cum tubo plano & æquali, versus musculi recti angulum dextrum descendit, ubi in se convolutum & retortum, rursus supra ventriculum & hepar ascendit; inde demersum ac in sinistrum latus reflexum, juxta musculi recti limbum incedit, donec in *Anum* definit. Ad hunc modum in Ostreo, *intestinum* simplex & unicum, longissimo gyro, plusquam in aliis quibuscumq; animalibus, circumducitur; quo quidem stercora diutius retinere queat; sc. ne cum in sicco degit, ea importuniùs deposita, lymphas, ob vitæ pabulum, testis inclusas, (dum iis miscentur) polluant.

Intestinum.

Anus.

Intestino hoc in longum dissecto & aperto, in fundo ejus corpus subdurum & ferè rotundum eminet, quod ab ano ad ventriculum ascendens; ibidem emergit, & sub œsophago versus caput protenditur: *spinati medulla* non

A a *abfimile*.

Pericardium
cum corde &
vasis.

ablimile videtur: ductus a. chylicos, corpora subfusa, ventriculo appensa, supplere ostendimus.

Infra ventriculum, Pericardium, cor albicans cum auricula ampla & nigricante includens, locatur: quo aperto illud pulsare conspicitur, & quâq; diastole, humorem vitalem è venâ cavâ in auriculam admittere; deinde quâq; systole eundem in aortam, è regione consitam, propellere; deinde juxta vasis hujus ramos tripartitos, istius humoris pars quædam superius tendit versus caput, hepar, & stomachum; item portio quædam in musculum rectum reflectitur; interim pars ejus maxima magno arteriæ trunco, ad branchias delata, ibidem intra ductus minutissimos, & valdè numerosos, velut exiles rivulos explicatur, ut secundùm omnes suas partes corpusculis nitrosis ab aquâ inspirandis, frui possit. Et hoc quo uberius fiat, advertimus, aquam, non modò extimas Branchiarum superficies, prout in piscibus sanguineis, alluere; verùm ubiq; penitiores earum ductus, & intimos quosq; recessus subire.

Branchia.

Quinimò ipsæ Branchiæ per ostrei hemisphærium, & ampliùs expansæ, cuncta aliâ viscera, ferè item partes mole superant. Aded piscibus, quoniam in aquâ parcius respirant, ita provisum est, ut simul pluribus in locis respiratōis pabulum iis suggeratur. Branchiarum cirri quatuor, & cujusq; illorum binj veluti lobi sunt; nempe superior, latior, & crassior; ac inferior, qui tenuior & paulo contractior existit. In totis earum ductibus, unaquaq; duplicata est, atq; binas pinnarum series coalescere visas continet: ad singulas Branchias duo vasa, sc. Arteria & Vena spectant; quæ in circum aggeribus disposita, propagines exiles utriusq; generis per universas ambrias disponunt. Cæterùm præter hos quatuor vasorum ordines, tot insuper foraminum vasa isthac interjacentium, series reperiuntur; quæ item ductibus manifestis in pinnarum interstitia apertunt; & illic aquas musculorum circularium commissurâ inferiori absorptas deducunt.

Quoad

Quoad Branchiarum motus ^{aut. H.} patet, musculos circulares, qui eas includentes utriq; testæ innituntur, modò relaxatos ad extremas testarum margines pertingere; quo instanti etiam Branchiæ relaxatæ, aquas imbibunt, simûlq; ex iis pabulum nitrosum hauriunt; modò contractos introrsum diduci, simûlq; branchias ad exprimendum aquas recens admissas cogere.

Si ratio inquiratur, cur pisces testacei præter vasa humorem vitalem circumducentia, etiam ductus sive canales apertos, quibus lymphæ ad intimos eorum recessus convehuntur, habeant; ea videtur, quòd subsidente æquore, sæpiùs aliquandiu in sicco manent; idcirco ut respirare possint, aquas copiosas, intra proprias istorum compages, velut utribus repositas continent. Itaq; hi diutius, quàm alii extra undas vitam agunt. Satis notum est, Ostrea, quando undis eximuntur, magnam aquæ quantitatem intra testas suas occludere. Atq; hæc hæcenus Clar. Willisius noster.

Vide Figuras,
etiamq; expli-
cationes hic in-
ferendas.

De Ostreorum generatione & quomodo viridia fiant.*

*Vide Histori-
am R. S. A.
Anglicè edi-
tam, p. 307.

Mense Maio feturam ejiciunt Ostrea, id quod à nostris piscatoribus *Spatt* vocatur. Id a. figurâ lenticulari est, at ipsis lenticulis paulo majus. Saxis verò veteribûsq; Ostreorum testis rebûsq; similibus, quæ omnia *Clutch* vocantur, per maris fundum dispersis, adhæret.

Non sine ratione conjiciunt, recenter edita ova intra 24 horas Testis contegi.

Mense Maio, legibus maritimis, Piscatoribus permissum est, omnigena ostrea, cujuscunq; ea magnitudinis sint, expiscari.

Quibus captis, feturam à re cui adhæret leniter cultello separant; eâ re mari rursus commissa, ut loci fecunditas in posterum præservetur; nisi ubi adeò recenter edita

sit proles, ut tutò dividi non possit; quo casu iis concessum est lapidem aut Testam, &c. auferre, cui adhæret factura: cum super unicam Testam viginti tenella ostrea sapius numerentur.

Post mensem verò Maium id auferre quod Clutch vocatur, furtum est; nec, nisi ea Ostrea, quæ iustæ magnitudinis sunt, impunè capere licet.

Hanc verò prolem aliâq; ostrea ad quosdam maris sinus devehunt; ubi ea alveis quibusdam maritimis demittunt, quos lectos siye strata vocant: ibi adolescunt, & pinguescunt; duobus certè aut tribus annis minutissima proles ad iustam magnitudinem perveniunt.

Ea a. ostrea, quæ viridia fieri cupiunt, fossis quibusdam, in brevibus maritimis tres pedes altis demittunt; has a. inundant altiores tantum æstus ad plenilunium & novilunium. Ipsi verò fossis aptantur quædam Emissaria, per quæ aqua marina eatenus refluit, donec ad dimidiam altitudinem subsiderit.

Hæ verò Fossæ, à quâdam loci proprietate, sole adjuvante, virides fiunt; suumq; colorem tridui aut quadridui spatio ostreis communicant; quamvis ea ibi manere sex septimanas aut duos menses sinunt, quo tempore intense viridia fiunt.

Solis a. operationem in hac viriditate inducendâ illud probat, sc. fossas *Talesburienses* tantum æstate id præstare; at ipsam terram vehementius id efficere testatur, quod fossæ *Brickleshamenses* & æstate & hyeme id perficiant. Item illud accedit, Fossam unam ab alterâ pede distantem id non præstare; easq; quæ olim id optime fecere, jam proprietatem ipsam amissæ.

Ostreorum a. e. valvis illa quæ concava est, cum æstus insluit, terram spectat; cum verò refluit, se invertunt.

E loco a. non se movent, nisi tempestate frigida, ut lato se obvertant.

Isverò piscis, qui à stellâ nomen habet, cùm ostrea seaperiunt, ea ingreditur, depasciturq;.

Demptâ a. eâ materiâ, quæ **Clusch** vocatur, & suprà exposita est, Lutum augetur, in quo tùm maximè generantur pectunculi & musculi, ostreâq; destruunt; cùm iis non sit, ubi faturam deponant.

Ostrea verò à fatura ægrotant. Junio a. & Julio mensibus melius se habere incipiunt, & Augusto penitus sanescunt. Masculi a. ægritudo cognoscitur à quâdâ nigrâ materiâ in branchiis discernendâ; Fœminæ a. ea materia ibidem tùm alba est.

Ostrea in Fossis quidem falsa sunt; at illud magis in stratis; maximè verò in alta mari. Hæc hactenus ille.

TITULUS XXVII.

Ostreum parvum veluti striatum, testâ intus virescente, cardine utrinq; canaliculato.

HÆC testa in diametro rarè sesquidigitum excedit, Description
at maxima eorum pars multo minores sunt; ex his a. ipsi vidimus aliquot centena.

In his verò testis extrinsecus eadem ferè asperitas, qualis in superiore ostreo; eadêmq; & major varietas in figura. Nam ex his alia admodum concava; alia minimè profunda; alia diversimodè sinuosa; alia ad amussim ferè rotundatur.

Extrinsecus etiam in multis striarum quarundam, pectinum ritu, non levia vestigia.

In ipso verò cardine singulis Testis singuli sinus sive canaliculi sunt.

Unicus a. in mediâ cavitate Musculus, cujus impressum vestigium albescit; at circâ cum argenteo quodam splendore virescit.

Ad

Locus.

Ad ostium fluminis *Tees* ripâ Eboracensi copiosè habentur. Hæc a me primùm gustasse memini *Burdigalæ Galliz Aquitaniz*, ubi in deliciis sunt; ibiq; *Ostrea Saxatilia* appellantur, siquidem inter scopulos inveniuntur.

CAP. III.

- De Conchis Musculi dictis, setiferis, unico ligamento donatis, figurâ ferè rhomboide.

TITULUS XXVIII.

Musculus ex cæruleo niger.

Descriptio.

Hujus Conchæ utraq; Testa admodum tenuis; parte verò acutiore paulo crassior & spissior est. Reliquo ambitu rotundo multo tenuior & fragilis.

Foris ex cæruleo nigricat; intus ex cæruleo albescit: utrinq; verò lævis admodum.

Lumini objecta, à summo cardine ad imam oram, ad modum radiorum venæ exiguæ cæruleæ eleganter procedunt; idq; in nonnullis modè conspicitur.

Ferè ita mensurantur; longitudine duos digitos & dimidium explent; latitudine paulò supra unum. At in aliquibus locis ad mirandam magnitudinem perveniunt.

Setam exerunt è sinu magis reducto, adversus quem angulus acutus eminet. Ipse a. cardo acuminator; ima ora rotunda.

Admodum capax concha: figurâ rhomboide.

Huic unicum ligamentum, ex adverso cardini ad oram sc. rotundiorē collocatum.

Caro intus pallescit cruda; cocta vitellis ovorum similis est; in ambitu fimbriata.

Musculi

Musculi suum Byssum gignunt, pinnarum more: sed tam differt, inquit Rondeletius, à pinnarum bysso, quàm stappa canabina à tenuissimo & delicatissimo serico.

Musculi sedem non mutant; siquidem villis five setis, quasi scopulis adnascuntur.

Magnâ copiâ ubiq; per oram maritimam & in fluminibus quoq; aquæ dulcis reperiuntur. Locus.

Edules sunt apud nos; item eorum præcipuus usus apud Lancastrienles quosdam ad agros stercorendos; ubi carris vehuntur à scopulis in vicinos agros. Item ex his esca plurima ad pisces capiendos.

ARTI-

ARTICULUS II.

De Cochleis bivalvibus, ex omni parte clausilibus, striatis.

CAP. I.

De Pectinibus.

Pecten verò hæc notæ characteristicae sunt. 1. Esse striatas. 2. Veluti auritas. 3. Alterâ è testis cavâ, alterâ planâ. 4. Unico Musculo donari. 5. Nullis apophysis sive tuberculis testaceis; sed in medio utriusq; testæ cardine similem cavitatem sive canaliculum habere, nervo obfirmatum.

TITULUS XXIX.

Pecten maximus, circiter 14 striis admodum crassis, & eminentibus, & iisdem ipsis striatis insignitus. A Scallop.

Descriptio.

Testæ, quam descripsi, longitudo, i. e. à summo cardine ad imam oram, uncias & dimidiam implevit; latitudo ad uncias quatuor porrecta est.

Intus albet, extrâ ex albido rufescit.

E testis altera modicè cava, altera plana est, alterius veluti operculum.

Modicè crassa est.

Utræq; testæ, quâ parte auritæ, strictiores sunt; deinceps verò paulatim amplificantur, & fiunt rotundæ.

Utræq; testæ similiter striatæ; ipsæ a. striæ à cardine incipiunt, & ad imam oram rectè procedunt. In singulis testis

testis circiter 14 striæ sunt, admodum crassæ & eminentes: ipsæ a. eadem majores striæ aliis quoq; striis minutis exornantur; quas etiam minutas in ipsis auriculis & in canaliculis observamus.

In utraq; Testa ad medium cardinem similis sinus amplus, pyriformis est; ibi niger quidam nervus sinus occupat, ipsumq; cardinem maximè obfirmat.

In Freto juxta peninsulam *Portland* & alibi in illo mari expiscantur. *Locus.*

Hi pisces ex testaceis post Ostrea maximè in deliciis sunt.

TITULUS XXX.

Pecten tenuis, subrufus, maculosus, circiter 20 striis majoribus, at levibus, donatus.

HUjus Testæ longitudo rarè, quantum adhuc vidimus, binos digitos excedit; at ejus latitudo paulo minor est. *Descriptio.*

Tenuis & levis est.

Circiter 20 strias majusculas & eminentes numeravi: ipsæ a. non, ut in proximè superiore, striantur, sed læves sunt: ipsi verò canaliculi sive striarum interstitia minutissimis adeoq; creberrimis striis undatim & transversè donantur.

Item auriculæ utriusq; generis striis ad eundem modum striantur.

Huic color rufus, sive rubeus, maculis sive nubeculis albidis variè interstinctus, in modum cujusdam marmoris.

Sinus, ubi cardo, angustus, & pyriformis.

In litore juxta *Scarborough* & ad *Hartlepool* satis frequentes sunt, maximè post procellam. *Locus.*

TITULUS XXXI.

Pecten minimus angustior, inæqualis ferè & asper, sinu ad cardinem cylindraceo, creberrimis minutissimisq; striis donatus.

Descriptio.

HÆC testa admodum inæqualis est, & sinuosa; interdum aspera scabrâq;: interdum modicè crassa; interdum è validissimis.

Hujus longitudo ferè ad duos digitos est, latitudo ad unum; ut sui generis superioribus angustiores sint.

Hujus item ambitus admodum inæqualis, vix unam figuram observans. Item ex his aliæ admodum concavæ, aliæ minùs, aliæ minimè, perinde ut in ostreis videmus.

In medio cardine, ubi vinculum nerveum inferitur, sinus quidam sive canaliculus angustus est figurâ cylindraceâ.

Huic auriculæ vel una vel ambæ ferè deteruntur; ubi a. ambæ adfunt, mediocres sunt.

Huic striæ creberrimæ, pertenuës, & minimè eminentes, ut difficile sit eas numerare.

Huic color fuscus, interdum albidus, interdum subcroceus: at qui sit in vivis, nescio.

Loca.

Ex his plurimas habui ab ostio fluminis *Tees* ad litus *Eboracensè*. Item juxta *Scarborough* leguntur.

CAP.

CAP. II.

De Pectunculis.

Hæc a. appellatione eas Conchas intelligi volumus,

1. Quæ sine auribus sunt, & tamen striis Pectinum more donantur.
2. Quibus utraq; Testa equaliter cava est.
3. Quæ unico musculo sive ligamento donantur.

TITULUS XXXII.

Pectunculus maximus, at minùs concavus; plurimis minutioribus & parùm eminentibus striis donatus, rostro acuto, minùsq; incurvato.

HIC omnium facilè maximus Pectunculus est; sc. à *Descriptio.*
 rostro ad imam oram duos digitos & dimidium explet; neq; latitudine multo minor est.

Testa valida, ponderosa & crassa est; at paulo minùs concava est quàm proximè duo inferiores.

Ipse umbo sive rostrum ad cardinem acutius & minus incurvatum est.

Huic sunt apophyses aliquot eminentes ad cardinem in trinis articulis; at sinus quidam in medio articulo, proximè sub rostrum, minutus & pyriformis est, qui in duabus sequentibus non conspicitur.

Huic color albidus; at ex his vivos pisces nondum vidi.

Ad ostium fluminis *Tees* reperiuntur; at ibi quoq; è *Locus.*
 rarissimis sunt.

TITULUS XXXIII.

Peſtunculus echinatus. Concha echinata Rondeletii, Gefneri, Aldrovandi.

Descriptio.

HÆC testa à latere ad latus duos digitos implet, à summo ad imum paulo minus; at ex his multo majores vidimus.

Utraq; testa æqualis, & admodum concava est; modicè crassa; at majores crassæ admodum & validæ sunt.

Circiter viginti striæ majusculæ eminent; in quibus mediis exeruntur aculei quidam curvi, singuli certis intervallis inter se distantes; in canaliculis verò nulli dantur aculei.

Ad imas valvarum oras striæ & canaliculi sibi mutuo committuntur, & respondent.

Ipsæ testæ ad cardinem tribus articulis conjunguntur per modum ginglymi; ita ut eminentes utriusq; mucrones mutuâ insertionem, uterq; in oppositæ testæ acetabula cohæreant.

Ei color albidus, etiam cùm adest summa cuticula: intus candidus.

Ambitus ad amussim ferè rotundus, ut in neutrum latus magis procedat.

Locus.

Ad ostium fluminis *Tees* & in litore juxta *Scarborough* post magnas procellas hæ testæ inveniuntur.

TITU-

TITULUS XXXIV.

*Peſcunculus vulgaris, albidus, rotundus, circiter 26 ſtrias
majusculis, at planioribus donatus. The Cockle.*

HÆC teſta à ſummo ad imam oram rarò digitum ſu- *Descripſio.*
perat. Ejus verò latitudo paulo major eſt. At ex
his altero tanto majores & amplius vidi.

Huic color albidus extrà, intus candidus. Tribus arti-
culis per modum ginglymi ad cardinem connectuntur te-
ſtæ; & in his apophyſes mucronatæ.

Utraq; teſta æqualis, & admodum concava, præ cæ-
teris ſuperioribus ſui generis.

Ex altero latere teſta in angulum procedit; ex altero
rotundatur.

In his circiter 26 ſtrias numerare licet, at non multum
eminent, ſed planiores ſunt; canaliculi inter ſtrias exigui
ſunt.

Paſſim in litore arenoso magnâ copiâ reperiuntur; & à *Locus.*
noſtris ad victum colliguntur ab autumno ad ultimum uſq;
ver.

Gratiſſimi ſaporis ſunt, & tam crudi quàm cocti edun-
tur, perinde ut oſtrea.

CAP. III.

De Tellinis.

A Petunculis differunt. 1. Quod bint musculis donantur. 2. Figurâ rhomboide.

TITULUS XXXV.

Tellina intus ex viola purpurascens, in ambitu serrata.

Descriptio.

HÆC pulchra testa est: à cardine ad basin digiti tres partes non excedit: à latere verò ad latus ferè sequidigitum implet.

Extrinsecus albet; intus ex violâ purpurascit.

Modicè crassa est. Ipse umbo exiguus & acutus. Utraq; testa parilis, & minùs concavæ.

Ex alterâ parte in angulum procedit; ex alterâ magis in longitudinem diffunditur, at ambitu rotundò & obtuso.

Minutissimis & creberrimis striis & nihil eminentibus fulcatur: item ejus oræ imæ crenulis minutissimis in modum serræ denticulantur.

Locus.

Ad ostium fluminis *Tees* & in litore juxta *Scarborough* inveniuntur; at è rarioribus conchylis sunt.

MEM-

MEMBRUM II.

De Cochleis bivalvibus, alterâ parte aut utrâq; naturaliter semper apertis aut hiantibus.

CAP. I.

De Conchis inclusilibus sive hiantibus, levibus.

TITULUS XXXVI.

Concha levis, alterâ tantum parte clusilis, apophysi admodum prominente latâq; prædita.

HÆC testa modicè crassa est. Vetustæ & detritæ testæ albidæ; vivos pisces nondum vidi. *Descriptio.*

A latere ad latus paululùm duos digitos excedit, à cardine ad imam oram vix sesquidigitum lata.

Quâ parte clusilis, magis concava est, & in ambitu obtusò rotundatur; alterâ vero parte adversâ & semper hiante; minùs elata & veluti prærupta est.

In exteriore superficie leviter rugosa, intùs lævis est.

Ipse umbo, pro testæ modulo, exiguus est. Ei verò unicus in cardine articulus; ubi in alterâ è testis acetabulum sive sinus insignis est; in alterâ apophysis admodum prominens & lata, & instar cochlearis cujusdam sinuata est.

Ad ostium fluminis Tees non raræ.

Locus.

TITU-

TITULUS XXXVII.

Concha fusca, longissima, angustissimâq; musculo ad cardinem nigro; quibusdam Solen dicta.

Descriptio.

HÆC testa 7 minimùm digitos longa; vix unum lata est. Huic summa cuticula sive membrana, quâ tegitur, subfusca est; intus albet.

Est etiam testa tenuis, lævis, modicè concava.

Utraq; testa æqualis; musculo nigro conjunguntur; ipse a. cardo prope alteram partem; in altera è testis duarum exiguarum apophyses dentiformes, in alterâ tenuis velut lamella in binos alterius dentes excepta.

Utraq; pars extrema retusa, & quasi prærupta; utraq; semper aperta & naturaliter hians.

Locus.

Post magnas procellas hybernas copiosè in litore juxta Scarborough, & alibi colliguntur.

CAP. II.

De Conchis naturaliter hiantibus, striatis.

TITULUS XXXVIII.

Concha alterâ parte dimidiâ striis undatim crispatis donata, alterâ lævis; apophysi longâ, angustâ, recurvâ, dentiformi. An è Peloridibus antiquorum?

Descriptio.

HÆC testa insolitâ admodum figurâ est; similem certè non vidi: an ad Peloridas quorundam accensenda, & quòd prodigiosa sit, & quòd utrinq; semper naturaliter

turaliter pateat? Hæc a. requirunt authores ex vocis variâ interpretatione.

Modicè crassâ est; à latere ad latus paulo supra duos digitos lata, à cardine ad imam oram digitum non multum excedit.

Pars gibba per medium distinguitur unico latiusculo fulco, rugis transversis striato; altera mediætas lævis aut certè leviter rugosa, altera densis striis undatim crispis, & à latere ad latus procedentibus donatur; ipsæ etiam eadem striæ versus extimam oram quibusdam aculeis eminentibus exasperantur: illa a. mediætas, quæ lævis est, in ambitu rotundatur, atq; in aciem quandam finitur; hæc verò quæ crispa, in acutum mucronem procedit; ab ipso a. cardine ad istum mucronem quasi quædam fimbria tenuis reflectitur.

Pars concava lævis; at è regione sulci paululum elata.

In utrâq; testâ mira apophysis, dentiformis, dimidium digitum longa, angusta, leviter curva, mucronata, & in ipso mucrone modicè cava.

Hæ admodum frequentes ad ostium fluminis Tees ripâ *Locus.* Eboracensi.

TITULUS XXXIX.

Concha candida, dupliciter striata, & veluti aculeata.

Illud fatendum est, me dubitasse an hæc testâ proximè *descripta* superiori conchæ subijci & adnecti deberet, quòd fortè hæc utrinq; clusilis sit: tamen quòd hæc tam multis notis cum illa conveniret, eas disjungere nolui. In hac ad cardinem datur similis fimbria reflexa. 2. Asperitate & undatis striis. 3. Apophysi longâ & angustâ.

E conchis longis Aldrovandi esse video.

C c

Tenuis

Tenuis & fragilis admodum testa est. Colore candidissimo; at qualis is sit in vivis, nescio. Sesquidigitum longa, dimidium lata. Admodum concava, & angusta; & ad modum cylindri rotundatur: hinc eam ex antiquorum *dactylis* esse existimo.

Striæ crebræ à latere ad latus procurrunt, aliæq; transverse, at paulo rariores eminent, maxime versus illam partem, quæ cardini vicinior; ubi striæ etiam undantur, ut in proximè superiore dictum est, & velut aculeis quibusdam exasperantur.

Item in alterâ parte rotundatur, in alterâ in mucronem procedit, velut in pyloride.

Latius.

Ad ostium fluminis *Tees*, at rariores sunt.

TITULUS XXXIX

COCH.

COCHLEARUM MARINARUM

ANGLIÆ

SECTIO III.

De Cochleis Univalvibus.

CAP. I.

De Cochleis univalvibus, loco mobilibus, vertice integro.

TITULUS XL.

Patella ex livido cinerea, striata. A Slither, Limper, or Papwell.

EX his maxima testa à vertice ad imam marginem paulo supra digitum excessit; ejus a. apertura diametrus duos digitos patuit. *Descriptio.*

Ipsa verò apertura sive basis non ad amissum rotundatur, sed paulo longius ex alterâ parte ferè procedit: at semper æqualis est ipsa basis, unde constat ipsum animal se de loco in locum movere posse.

Testæ extima pars ferè striis, iisq; interdum multum eminentibus, distinguitur; at sine certo numero aut ordine: at in multis eadem striæ minus notabiles.

Hæc testa crassa & valida est; intus lavis & minime striata.

Huic color ex livido cinereus sive maculosus & varius.

Ipsum animal, inquit Bellonius, cornua, ut Limax, ex-
crit; & os & caput habet huic persimile.

Scopulis litoralibus per omnia maria nostra magnâ copîâ *Locus.*
adherent.

Lepades à piscatoribus crudæ eduntur, teste Rondel.
apud Aldrovandum.

Harum a. præcipuus usus apud nostros piscatores
ut è testis exemptæ hamisq; injectæ, ad cæteros pisces co-
cendos escæ sint.

CAP. II.

De Cochleis univalvibus, loco fixis, vertice apertis.

TITULUS XLI.

Balanus cinereus, velut è senis laminis striatis con-
stitus, ipso vertice alterâ testâ, bifidâ, rhomboidi-
cluso.

Balani parva species, Rond. apud Aldrovandum, p.
ejus verò figura ad imam paginam 522. habetur.

Descriptio.

HUjus testæ magnitudo est ad nucem majusculam æ-
quæ.
rylo.

Color cinereus, albidusque.

Patellæ quodammodo similis figura.

Scopulis verè adfigitur, non pro arbitrio adhæret,
de per verticem victum sumit. Illud a. inde fit m-
festum; quòd si ostreis aut lapidi adhæreat, ejus l-
post separationem à re, cui adhæsit, vestigia rei re-
sentat eiq; aptatur.

Ipsa a. testa ex sex laminis striatis, constat; sc. tribus
joribus, totidemq; minoribus. Ipse a. vertex alterâ
bifidâ clauditur, ut hujus operculi figura quadrata
rhomboides sit.

Locus.

Passim in scopulis, item navium carinis, musculis
freis, &c. adhæret.

Harum carnem coctam animi causâ liberaliùs gustat
mihq; primò grata visâ est; postea quovis pipere amar-
linguamq; meam diu pupugit.

CO

ondelectio

tores est,
sces capi-

aperto.

is compo-
boide oc-

w, p. 523.
abetur.






alam è co-







aret, un-
fit mani-
ejus basis,
ei repræ-

tribus ma-
iterâ quali
drata sive

usculis, o-

gustavi ;
e amarior.
COCH-





COCHLITARUM
ANGLIAE

SIVE

*Lapidum ad Cochlearum quandam imagi-
nem figuratorum*

LIBER.

MENTAL
ANGLIA

1813

P R Æ F A T I O.

Marinam supellectilem nostræ Insula proximo libro diligenter exposui; hoc verò subterraneos ejusdem loci Cochlitæ, sive Lapides ad Cochlearum quandam imaginem figuratos indicare aggrediar. Non. autem ignoro, has rerum viventium imagines multorum ingenia fatigasse. At eorum sententias non utiq; examinandas putavi, cùm id ab amicissimo viro D. J. Ray, pro suâ quâ pollet eximiâ doctrinâ, novissimè factum esse video. Sed ipsas res coram Lectoribus sisto; ipsæ loquantur. Si tamen eorum sententiæ qui hos lapides terrigenos esse judicârunt, favere videar, non temerè id facio. Nam ex his nostris, ut opinor, observationibus manifestum fiet, aut ita eos ortos esse, aut ipsa animalia, quæ verè & ex toto referant, in rerum natura desisse generari; siquidem universis Cochleis aliæ figuræ, atq; Cochlitis aliæ.

Quasi verò id argumentum, à rerum utriusq; generis dissimilitudine sumptum (quod tamen unicum in animo penitus discutiendum habui) ad rem prorsus conficiendam non satis esset; singuli ferè tituli alia quoq; ex abundanti suppetunt. Quorum nonnulla, ab aliis fortè omissa, paucis præfabor.

Quorundam Cochlitarum, etiam Bivalvium, enormem magnitudinem, quàm maximè supra modum Cochlearum in nostro mari observatarum.

In ipsis submarinis rupibus æquè frequenter ac in mediterraneis inveniri: aded ut ipsa quæ referant animalia,

Præfatio.

malia, ibidem expectare debeamus, quæ ab ipsis locis, ubi aliquando in vivis fuerunt, mare nondum recessit.

Universos Cochlitæ tam solidos quàm crustaceos ex purâ & merâ lapideâ materiâ concretos esse; ut ex solidis quidam ex utriusq; generis silice: ex Cochlitis verò crustaceis, quâ sui parte Cochleas maximè representant, plerosq; è selenite, aut alio quodam simili fluore resplendente constare. Huc facit membranaceos quosdam Pectinites ex mero pyrite velut soluto constatos.

Item Cochlitarum quorundam velut rudimenta & maximè imperfectas figuras passim in rupibus observare licet: siquidem ex ipsis iisdem Cochlitis sunt, qui naturaliter bifores, qui univalves, qui ex utraq; altera, aut aliàs quasi unâ tertiâ aut quavis minore parte mutilati & defectivi inveniantur. At hæc omnia ita evenire credibile est, vel propter loci angustiam, in quo primitus concrevere, vel ob materiæ penuriam. Idem crystallis variorum generum aliisq; lapidibus figuratis, quales sunt * Trochitæ, contigit. Quemadmodum verò in crystallis defectivis sue notæ sunt; ita & in Cochlitis quomodocunq; imperfectis, quedam tamen non obscura, certè harum rerum peritis, indicia discreta in sunt.

* Daßylite.

Illud, quamvis minimè contra nos facit, non prætereundum silentio duxi, quod Wormius * de Ostracitis nostris retulit. 'Ostracites seu Ostrea, inquit ille, in lapidem calcantinum conversæ, omni sui parte integræ ex Angliâ ad me sunt transmissæ, figurâ externâ & testis, omnino quod erant, referentes; sed duplo aut triplo ponderosiores, colore nigricante, odore sulphureo, vel pulveris pyriti, ex illarum corpore vitrioli & sulphuris quasi flos quidam exsudavit, imò ipsemet in humido facillè dissolvebantur, etiam aëri humidiori saltem expositæ. Ad Littus septentrionale Insule 'Sheppey

* Musæ. p. 87.

Præfatio.

Sheppey in Cantia Angliæ reperiuntur. Hac ille. Imprimis notandum est, esse littus marinum, ubi hac inventa sunt, proprio scilicet Ostreorum loco: deinde idem de aliis quibuscunq; Conchylis marinis ibidem reperiis observari posse credibile est; imò ipsos Conchitas, si quos Terræ natura ibidem gignat, ita penitus posse imbuï, nihil dubito, cùm idem alibi frequenter occurrit. Inter omnes sanè succos lapidescentes, (è quibus tamen non nisi unum & alterum novi) ille qui è pyrite sive vitriolico, & caculeas & universa tanquam in suam naturam convertere potes est. De altero verd succo Calcario, illud testor, me post indefessam diligentiam tandem incidisse in quasdam Cochlearum terrestrium testas, eo succo & intus refertas, & extrà contectas, at ipsas testas omnino nullam mutationem inde subiisse, vel materiâ, vel crassitie, vel pondere; sed facile agnosci potuere, pro eo quod unquam fuerunt, sc. pro exuviis Cochlearum terrestrium. Sed de his succis alibi fusiùs tractare meditor.

At quomocunq; se res habeat, operæ pretium me facturum puto, cùm, si non utiq; perditâ (nam alii dicunt, animalia in nescio quâ profundiori marinâ abyssolatere posse) at hætenus recondita, adeoq; prorsus nova in lucem proferam.

Illud unum de Figuris, Lector, te scire volo, tuâsq; idcirco gratias expecto, eas me summâ diligentia ad ipsos lapides depingendas curasse, cùm res ipsas verbis satis exprimere haud potui. Figure autem descriptionibus magno adjumento sunt; siquidem hac ratione ipse res velut in conspectum quendam adductæ, memoriæ & intelligentiæ magnopere subveniunt.

Cùm verd hunc librum ad finem perduxeram ecce prodiit in lucem Historia Naturalis agri Oxoniensis, omni literarum genere referta, ab eruditissimo viro D. Plott,

Præfatio.

Anglicè scripta. Inter alia verò hoc ipsum argumentum de Cochliitarum origine fusè & doctissimè tractavit. Quoniam autem inibi multæ Lapidum figuræ exhibentur, quas adhuc mihi videre non contigit, illas huic nostræ methodo accommodandas & inserendas putavi, ne quid sciens omitterem, quod nostra tellus uspiam ferat. Ac, si idem diligentissimus Author inceptum opus usq; promoveat, nullus dubito, quin, tantam Insulam penitus rimando, multo plures hujus generis lapides figuratos quàm vel ipse, aut ego adhuc descripserimus, apud nos reperiet. Mibimetipsi etiam restant, non pauca aliorum Cochliitarum fragmenta, quorum quia notas characteristicas non adhuc rectè essequutus sum, in præsentî non libenter edo; quodâ entium multiplicationem supervacaneam, hujusmodi Historiæ commune vitium, maximè vito & abhorreo. Adeoq; illos in aliud tempus deferendos esse censeo.

Lapidum

Lapidum Angliæ ad Cochlearum quendam modum figuratorum Tabula.

Cochlitæ Angliæ

Turbinati, *h. e.* unâ velut Testâ, in conum procedente donati :

Intorti, sive anfractuosi,

Quorum Orbes in se convolvuntur, quibusdam *Ammonis cornua* dicti.

Utrinque ad Umbilicum æqualiter concavi :

{ Striati.

{ Læves.

{ Ex alterâ tantùm parte.

{ Umbilico utrinque prominulo.

Buccinorum in modum producti :

{ Striati.

{ Læves.

{ Productiores.

{ Figurâ compactili sive Cochleæ-formes.

Qui Helicem, sive volutam non habent :

Striati subrotundi, ut Echinitæ.

{ Striis in omnes lapidis partes æqualiter procedentibus.

{ Striis inæqualiter procedentibus.

{ Læves in longum acumen fastigiati, ut *Belemnites*.

Bivalves :

Læves,

{ Utrâq; testâ æquali sive æqualiter concavâ.

{ Figurâ ex alterâ cardinis parte diffusiore.

{ Ex utraque cardinis parte æqualiter diffusi, minusc; profundè à cardine ad oram demissi.

{ A cardine ad imum marginem productiores.

{ Ventricosi, quibusdam Bucarditæ.

Testis inæqualibus & dissimilibus,




{ Ostreacitæ.

{ Conchitæ rostrati.

Striati,

{ Auriti, Pectinitæ.

{ Sine auribus, Pectunculitæ.



COCHLITARUM ANGLIÆ

P A R S I.

De Lapidibus Turbinatis.

S E C T I O I.

De Lapidibus turbinatis, Intortis.

M E M B R U M I.

De Lapidibus Turbinatis, Intortis, quorum Orbes, serpentum in modum in se convolvuntur, quibusdam Ammonis Cornua dicta.

A R T I C U L U S I.

De Ammonis Cornubus, utrinq; ad umbilicum equaliter concavis.

C A P. I.

De Ammonis cornubus striatis.

T I T U L U S I.

*Ammonis cornu maximum, striis crebris in ipso ambitu parvum eminentibus, alijsq; utrinq; ad latera raris, crassis, elatis.**An 15. Tab. 5. D. Plott? in eo tantum à nostro differre videtur, quod ejus lapidi dorsum læve est.*

HIC noster lapis 13 digitos in diametro colligit; at tres tantum in ambitu crassus est. Ad umbilicum utrinq; æquè concavus est, & ibidem idcirco multo minus crassus est. *Descriptio.*

Quatuor

Quatuor tantum orbes numerare licet.

Ejus extimus ambitus, sive spina planior est; at striis transversis crebris, exiguis, parum eminentibus distinctus est. Item ex utraq; parte extimi orbis alia quoq; transversa striæ; quæ ut crassæ & elatæ, ita raræ, vix amplius 12 sunt. In secundo verò Orbe, ut ille minor est, ita ipsæ striæ & multo crebriores minoresq; sunt; atq; eadem ratione in reliquis intimioribus orbibus ad centrum usq; striæ & numero augeri & minui videntur.

Huic color albidus est; alium verò hujus generis lapidem sublividum, æneóq; quodam splendore relucentem, fabam magnitudine vix excedentem, vidi.

Locus.

Maximum è Lapidicinâ calcariâ juxta *Nunnington* oppidulum agri Eboracensis habui: at alterum minimum in submarinis rupibus, maris recessu nudatis, juxta *Spiton* ejusdem agri inveni.

TITULUS II.

Ammonis Cornu, spinâ in ambitu eminente, striis lateralibus paulo ultra mediam tantum partem Orbis extimi pertingentibus.

Descriptio.

HIC lapis quatuor digitos in diametro implet; at paululum uno digito crassior est.

In extimo ambitu velut spinam, hoc est, unam striam acutam eminentemq; inter duos profundiores sulcos mediam habet: hujus autem spinæ unitas nusquam interrumpitur.

Striæ verò laterales curvæ procedunt; at orbis non multo amplius quam tres partes occupant; in quo magnum hujus speciei discrimen.

Neq; in hoc lapide amplius quatuor orbes numerare potui.

potui. Huic lapidi color ferè lividus, certè si ex rupibus aluminosis exempti sint : alios autem ex his & fuscis & ferrugineos vidimus.

Maximè in fractis articulos quosdam observare licet ; at in nonnullis iidem ipsi etiam extrinsecùs apparent, sc. quodam opere foliaceo singulos articulos distinguente. Intùs ferè materiâ quâdam crystallinâ suffarcinantur. Ceterùm pars crustacea interdum ex ferri glebâ constat.

Horum a. lapidum magnam copiam vidi in rupe aluminosâ juxta *Whitby* agri *Eboracensis*. Locus.

TITULUS III.

Ammonis cornu, spinâ in ambitu eminente, striis lateralibus ex toto Orbem extimum trajicientibus.

IO. 14. Tab. 5. D. Plott, attende descriptiones.

HOrum lapidum innumeros vidimus mediæ magnitudinis ; at aliorum fragmenta ingentia alicubi à me inventa sunt. Description.

Quem verò describo, duos tantùm digitos in diametro colligit ; idem vix dimidium crassus est.

Orbium numerus circiter quaternus. In ejus ambitu velut acuta spina inter duos sulcos media eminet : tamen id non est perpetuum ; nam in multis sulci vel utiq; defunt, vel leviter admodum insculpti sunt.

Striæ laterales orbem ex toto trajiciunt ; ipsæ ferè & crebræ & eminentes : at nec in his striis idem numerus & elevatio est. Alia etiam occurrunt singularia, ut aliquibus quidè quasi aculei in summis ad spinam striis.

Item in nonnullis articuli foliaceâ quadam picturâ faciliè discernendi. Articulorum autem apophyses, sive tubercula, circiter senæ sunt.

Huic.

Locus.

Huic color ferrugineus ; nec dubito, quin ex iis sint, qui ex merâ ferri glebâ consistunt.

Hos lapides in rivulo juxta *Bugthorp* agri Eboracensis oppidulum copiosè invenimus. Item indescensu colli supra Monasterium *Byland* dictum, in lapide velut arenaeo cinereôq; inclusos. Item in Lapidicinis juxta *Hinder-skelfe* & *Nunnington* ; ubi horum lapidum ingentia fragmenta habentur.

N. B. In Conchitæ rostrati, infra describendi, Titulo 45. externâ parte, hujus cornu Ammonis orbes striatos profundè velut insculptos vidimus, eûmq; apud nos servamus ; sanè ac si ejus matricis fusoriæ altera pars dimidia esset. Id quod, ex mente *Stenonis*, Dani, istius Conchitæ mollitiem arguere videtur. Contra verò illud facit ; quòd si quando animal fuit, Testam ex naturæ lege indies ab exiguo ovo incrementum, proximèq; à parvo indurescere necesse sit : at conchites in justâ ejus magnitudine cornu Ammonis impressionem recepit, scilicet dum durus erat ; quod absurdum & à rei natura maximè alienum est.

TITULUS IV.

Ammonis cornu striis lateralibus in medio ambitu ad acutos angulos concurrentibus.

Descriptio.

HIC lapis è majoribus est, quantum è quibusdam fragmentis conjicere licet ; siquidem mihi est unius orbis fragmentum, sesquidigitum latum ; at id minuscraffum, quam reliqui mediocres.

In plerisq; striæ laterales & crebræ & eminentes : in nonnullis verò multo elatiores ; & in aliis eadem admodum raræ & ex longis intervallis : intèrq; strias unius & ejusdem

dem lapidis interdum aliæ alias altitudine & tenuitate multum excedunt. Item striæ laterales in majoribus paulum undantur; & universis, pro perpetuâ distinctione, in medio lapidis ambitu ad angulos acutos coeunt & committuntur. Angulorum autem apices crassius lapidis caput spectant.

In his quoque lapidibus articulos animadverti.

Item ex his, qui hoplitæ sunt, id est, qui armaturâ quâdam æneâ lucente donantur; adeoque de pyritarum natura eatenus participant. Præterea supra ipsam quoque armaturam, nescio quam materiam tenuem, & margaritarum splendoris æmulam inductam notavi: ac si cujusdam Testæ marinæ quædam reliquiæ essent. Ut rectè ante me Clarissimus Hookius noster observavit.

Micrograph.

In rivulo, sæpius memorando, juxta *Bugthorp*; item in ipso maris Litore prope *Scarborough* agri Eboracensis, & alibi ejusdem oræ maritimæ, nempe non longè à *Spiton* in rupibus submarinis hi lapides à me reperti sunt.

Locus.

TITULUS V.

Ammonis Cornu 5 anfractuum, singulis striis ipsam spinam trajicientibus, sibiq; invicem ad alterum latas, ubi terminantur, adplicitis.

Hujus figuram, rudem licet, nobis primum exhibuit J. Banhinus, H. Font. Boll. pagg. 5, 6, 7, 8, 10. item 12. Tab. 3. D. Plott.

HIC lapis modicæ magnitudinis est; ejus diameter tres digitos rard explet. *Descriptio.*

In illo quinque circumvolutiones numerare licet; idem earum numerus & in maximis & in minimis est, quos fabas equinas vix excedentes vidi.

Striae huic crebrae, ad ambitum quasi multiplicatae & implexae: sed si rem paulo curiosius consideres, nihil etiam ibidem illis ordinatus est; nimirum singulae spinam trajiciunt, & ad invicem altera alterae adplicita, ex altero, circiter medio an paulo minus, latere finiuntur. Atq; hæc nota characteristica longè insignis est: at plurimæ varietates sunt in crassitudine, raritate & densitate striarum; item aliis sunt quidam Aculei & striis lateralibus eminentes; aliis extremus ambitus latissimus præ cæteris & in aciem depressus est, &c.

In his quoq; lapidibus & articulos foliaceâ quâdam picturâ conspicuos, & alios plurimos Hoplitas, h. e. velut armaturâ coloris auricalcei ornatos, sc. eatenus pyritæ participantes.

Locus.

In rupibus aluminosis juxta *Whitby* admodum frequentes sunt, & passim in litore marino ab ostio fluminis *Tees*, ad albos usq; scopulos à *Spiton* denominatos. Item in vicinia *Wansford* agri *Huntingtonensis*.

Ferè autem medio quodam lapide spherico, aut paulo depressiore inclusi sunt; cujus latera disrupta, exempto Ammonis cornu, matricis cujusdam fusoriae duo dimidia repræsentant. Atq; hæ ipsæ pilæ non rarò, maximâ sui parte, è pyritæ sunt.

TITULUS VI.

Ammonis Cornu striis lateralibus versus ambitum furcatis.

Ex D. Platt 11. Tab. 5.

IS lapis mediæ magnitudinis est: subflavescit: striæ laterales ex ejus media parte ferè singulares procedunt, at pleraq; eadem antequam ad ipsum ambitum pertingant, bifurcantur; dorsum multum protuberat; tamen id quoq; striatur.

Juxta

Juxta *Cleydon* oppidulum agri *Oxonienfis* reperiuntur. *Locus.*

TITULUS VII.

Ammonis cornu striis lateralibus versus spinam concurrentibus, & in Tubercula quadam unitis, aliisque minus eminentibus dorsum trajicientibus.

Ex D. Plott 13. Tab. 5.

HUJUS lapidis striæ pleræque juxta ambitum in quædam Tubercula coeunt: ipsum verò dorsum latiusculum & eminens aliis striis trajicitur.

Ex his alii molles, alii duri lapides sunt.

In argillâ subcæruleâ juxta *Great-Rolwright*, ejusdem *Locus.* agri, à Templo versus orientem reperiuntur.

CAP. II.

De Ammonis Cornubus, utrinque ad umbilicum æquè cavis, levibus.

TITULUS VIII.

Ammonis cornu, leve, pellucidum, crebris articulis, si lumini objiciatur, velut undatis distinctum.

HIC lapis exiguus est; neque enim in diametro diametrum unciæ implet. *Descriptio.*

Lævis, & pellucidus est; si tamen inter lumen & oculum ponatur, crebros ejus articulos, velut striis undatis

De Lapidibus Turbinatis.

distinctos, observare facile est. Figura autem depressa est, aliquantôq; magis ad ambitum.

Medius verò lapis haud parvo foramine pertunditur; at id fracti lapidis vitium videtur: cûmq; adèò is integer fuit, ibidem mediis aliquot spiris impletum fuisse, credibile est.

Locus.

Ex hâc specie hunc unum in rivulo juxta *Bugthorp* inveni.

ARTICULUS II.

De Ammonis cornubus, ex alterâ tantùm parte ad umbilicum cavis.

TITULUS IX.

Ammonis cornu læve ex alterâ tantùm parte ad umbilicum cavum, spiris ferè teretibus.

An 12. Tab. 6. D. Platt 2.

Descriptio.

HIC lapis lævis est, nec ullis omnino striis donatur. Magnitudine verò multùm variat: etenim ex his minimos habui lenticulares; aliôsq; in diametro ad sesquidigitum patentes vidi.

His verò omnibus orbes subteretes: ita in circumvolutione ordinantur, ut qui umbilico propiores, paululùm Cochlearum more extra planum egrediantur.

Quatuor tantùm spiras numerare potui.

Ipsius autem lapidis color sublividus, qualis est rupes calcaria plumbifera, è qua exemitur est.

Locus.

In quibusdam Lapidicinis inter montes Cravenenses agri Eboracensis

Eboracensis inventi sunt ; privatim in a Stone Quarrie
betwixt Ashton-Tarne and Frier-head.

ARTICULUS III.

*De Ammonis cornu, ex utrâq; parte ad umbilicum æ-
què prominulo.*

TITULUS X.

*Ammonis cornu vix duorum Orbium, ferè reticulato
quodam opere depictum, umbilico utrinq; leviter pro-
minulo.*

HIC lapis perpusillus est, quantum hætenus obser- *Description.*
vavi, ex iis autem aliquot centenôs vidi. Lenticu-
lam rarò excedunt ; alii in diametro quartam digiti par-
tem implent.

Prima spira sive orbis latissimus est, & planior, quàm
in ullo lapide supradescritto : versùs caput autem is adeò
extenuatur in aciem, ut penè acutus sit, cùm universi su-
periores velut præruptis capitibus sint.

Ultra secundam verò spiram vix continuatur ejus cir-
cumvolutio. Huic apex sive umbilicus ex utraq; parte
leviter prominulus.

Hic quoq; sæpe hoplites & armaturâ velut æneâ nitet :
ferè verò albidum colorem habet operè quodam reticula-
to eleganter depictum, sive ad imaginem quandam Litera-
rum Sinensium, nigris lineis.

In profundis cuniculis, unde Carbones fossiles, juxta *Lons-*
Coln in agro Lancastriensi, copiosè inveniuntur.

Eorum autem Matrices sunt quidam lapides sive duri
Nodi:

De Lapidibus Turbinatis.

Nodi lapidei ferè rotundi; at ut omnium magnitudinum, ita & penè figurarum. Horum quidem Nodorum figuræ adeò variæ sunt, ut omnigenos ferè fructus aliâsq; nescio quas res & naturæ & artis, quales multæ apud Aldrovandum habentur, haud malè repræsentent; ut sunt Diorchitæ, Triorchitæ, Boletitæ, Cucurbitæ, Phialitæ & id genus insignita alia.

Hi autem Nodi plerunq; copiosius inveniuntur, in eo rupis strato, quod nostri *Soap-scale* appellant, idq; ferè proximè super ipsos carbonēs incumbit, unde ipsos Nodos *Soap-balle* nominant. Alibi verò in viciniâ *Halifax* eosdem nodos *Beaume-potts* vocari audio.

In mediis verò hujusmodi pilis horum figuratorum lapidum plurimos unâ nidulantes invenies. Jucundum spectaculum!

MEMBRUM II.

De Lapidibus Turbinatis, quorum Orbes Buccinarum in modum producantur.

ARTICULUS I.


De Buccinis lapideis, striatis.






TITULUS XI.

Buccinites magnus, ventricosus, & stris & rugis quibusdam inordinatis donatus.

Descriptio.

HIC inter majores numerandus est; Buccinis quibusdam marinis par & quodammodo similis, at minime





mè idem. A basi ad mucronem duos digitos & dimidium implet; in ipsius verò basis diametro paulo minor est, adeoq; linea octuncialis ejus basin vix circumambit: ipsaq; ejus basis planior est, itaq; non malè Trochites appellari possit.

Eadem basis striis crebris & minutis, tamen satis eminentibus distinguitur; eadèmq; striæ secundum omnes spiras ad ipsum usq; mucronem procedunt.

Sex minimum anfractus, unum altero minutiorem numerare licet.

Item in singulis orbibus præter strias sunt etiam quædam rugæ transversæ ipsis striis paulo eminentiores, asperiores, inordinatæ.

Hunc lapidem in Rivulo juxta Bugthorp inveni.

Locus.

TITULUS XII.

Buccinites exiguus, striatus, striâ mediâ singulorum orbium paulo eminentiore.

HIC lapis in minimis numerandus est; inter senos ferè orbes finitur. Descriptio.

Ejus basis paulo magis eminet, quàm in proximè superiore; atq; huic etiam similes striæ, ex spirarum ductibus procedentes; media autem stria in singulis orbibus maxime super cæteras eminet. Item è striis quædam ex innumeris quasi punctulis eminentibus sive exiguis Tuberculis constare videntur.

Hic paulo productior & angustior est pro magnitudinis ratione, quàm proximè superior; at totâ longitudine vix dimidiam unciam explet. Ei color subfuscus est.

Hunc quoq; in eodem Rivulo juxta Bugthorp inveni. Locus.

TITULUS

TITULUS XIII.

Strombites eleganter striatus dimidium digitum longitudine vix explens.

Ex D. Plott Fig. 2. Tab. 4.

Juxta Heddington agri Oxoniensis repertus est.

ARTICULUS II.

De Buccinis lapideis, levibus.

CAP. I.

De Buccinitis levibus, figurâ productiore.

TITULUS XIV.

Buccinites levis, albidus, spiris numerosis, inter se haud contignis.

An 1. Tab. 4. D. Plott?

Descriptio.

HUNC lapidem ex toto integrum adhuc non vidi: at illum ad plures digitos produci ex fragmentis credibile est. Ejus alterum caput crassius linea triangulari vix circumambit: paulatim in mucronem tenuem acutumque ex numerosis spiris definit.

Ipsæ autem spiræ leves planioresque sunt, aut certe mediis earum partibus leviter rotundatæ. Item altera alteræ haud ullatenus superinijcitur, neque inter se quidem contingunt,
ut

ut in universis animalium cochleis, quantum hactenus vidi. Ipsa autem intervalla, quæ spiris intersunt, materiâ quâdam crystallinâ ferè replentur.

Huic color albidus, & materia calcaria, qualis rupes est, unde excisa est.

Ex his aliquot è Lapidicinis, quæ sunt juxta *Hinder- skelfe* & *Newton* truncatos habui; aliòsq; ipso itinere, quod ad *Whitby* ducit, 3 circiter milliariibus ultra *Pickering* oppidum agri Eboracensis. Locus.

TITULUS XV.

Bucciniter lævis, sublividus, spiris octonis artè inter se conjunctis.

HIC lapis lævis est, longitudine digitum rarò implet; sæpiùs dimidio minor est. Eadèmq; ferè mensura basin circumambit, à basi in tenuem acutùmq; mucronem paulatim minuitur. Descriptio.

In integro lapide circiter 8 spiras numerare licet; hæ verò artissimè inter se conjunguntur; parùm aut nihil eminent, sed extimo ambitu velut planæ sunt. Ei color sublividus, & è materiâ calcariâ est, quale est saxum, in quo inventus est.

Ex his aliquot invenimus in Lapidicinis saxi plumbiferi Locus. regionis montosæ *Craven* dictæ.

CAP. II.

De Buccinatis laevibus, figurâ compactis, quos privatum Cochlitis vocari malimus.

TITULUS XVI.

Cochlites laevis, ore ad amussim rotundo exiguo.

Descriptio.

HIC lapis in basi vix tres partes digiti implet; & paulo minus altus est. Primus ejus Orbis ore rotundo aperitur; certè circulus magis exactè describi non potest.

Item in primo orbe extrinsecus unica lacuna, sive sulcus leniter impressus est; à quo aliquot obscura lineamenta hinc & illinc obliquè procedunt; aliàs laevis est.

Non amplius quatuor Orbes numerare licet, qui breviorum etiam, altero alteri superinjecto, figuram efficiunt.

Præterea in mediâ basi est quoddam foramen sive sinus, in quem specillum satis profundè demitti potest; atq; id more quarundam Cochlearum ex animalibus.

Locus.

Huic color albidus, è saxo calcario albido in Lapidicinis juxta *Whitwell* agri Eboracensis exemtus est.

TITULUS XVII.

Cochleomorphites sex spirarum.

Ex D. Plott Fig. 11. Tab. 6.

Juxta *Teynton* & *Shottover hill* agri Oxoniensis inventus.

SECTIO

SECTIO II.

De lapidibus Turbinatis, helicem non habentibus.

ARTICULUS I.

De Lapidibus sine ullâ volutâ Turbinatis, striatis, subrotundis, plerisque Echinitæ dicti.

CAP. I.

De Echinitis striis in omnes lapidis partes equaliter procedentibus.

TITULUS XVIII.

Echinites siliceus, vertice fastigiato.

13. Tab. 2. D. Platt.

HUjus generis lapides plurimos habeo; at magnitudine discrepant; ex iis illum, quem depingi feci, describam: à vertice ad basin sesquidigitum altus est; ad eandemque ferè mensuram ejus diameter patet.

A vertice ad basin quinæ striæ duplicatæ procedunt, in mediâ basi rursus coeûntes, lapidemque in totidem æquales partes secant.

Ipsæ autem striæ è multis exiguis lineolis transversis constant; atque hæ lineolæ in aliis multo crebriores, in aliis longiores, in aliis ex binis rotundioribus foraminibus, in aliis ex iisdem simplicibus sunt.

De Lapidibus Turbinatis.

Ipsa verò basis plana, nisi in ejus medio, ubi leviter cavus rotundusq; sinus est: horum itidem lapidum vertices variant, at in plerisq; magis fastigiati sunt.

Ejus materia è silice propriè sic dicto est.

Alii extrinsecus læves & perpoliti; alii scabri & inæquales sunt.

Color varius, interdum albidus, subfuscus, pellucidus. Ipsi è medio nigro silice ex his aliquot exemimus.

Locus.

Hi lapides in partibus Angliæ Australibus, ubi nigri silices abundant, copiosè habentur.

TITULUS XIX.

Echinites orbiculatus, depressus, siliceus; quibusdam Ombria. Gesh. de figuris Lapid. p. 61. Aldrov. Mus. Mett. p. 61.

Descriptio.

HIC lapis exiguus est, viz tres digiti partes latitudine; crassitie verò non ultra quartam partem implet.

Ex utraq; parte, etiam ubi in proximè superiore vertex eminet, & planus & æquali ferè cavitate donatus.

Quinæ duplicatæ striæ ejus latera ex æquis intervallis distinguunt; ex autem ex exiguis *Tuberculis* constant.

Item hic lapis ex vero silice est.

Locus.

Ex his aliquot in agro *Norfolciensi* collectos habemus.

TITULUS XX.

Echinites parvulus striis capillaceis undiq; insignitus.

Ex D. Platt Fig. 9. Tab. 8.

Juxta *Teynton* agri *Oxonienfis* inventus est.

TITU.

TITULUS XXI.

Echinites vertice planiore, striis è Tuberibus quibusdam grandioribus confatis donatus; ex ovis anguinis quorundam.

HIC lapis Ovi dimidii gallinacei magnitudinem implet; digitum altus, fescquidigitum in diametro ad basin colligit. Ipsa basis plana, vertice paulo angustiore; at eodem depresso & minus fastigiato. Descriptio.

A Vertice quinz duplicatae striæ æqualiter procedunt, & mediâ basi concurrunt. Hæ autem striæ è Tuberculis majusculis multumq; eminentibus constant, eademq; certis nec brevibus intervallis à se invicem distant; præter quæ sunt etiam frequentes quædam verruculæ undiq; dispersæ.

Ipse lapis albus ex saxo calcis est.

Hunc lapidem è Lapidicinâ juxta *Hinderskelfe* habui. Locus.

TITULUS XXII.

Echinites albido-cinereus extrâ, ex parte internâ sili- cens, nigricans.

Ex D. Plott. Fig. 4. Tab. 5..

FX toto tenuissimis laminis micantibus, ex adverso lapidis dispositis, contegitur: ex quibus etiam Tubercula & sinus constant.

Juxta *Stonor-house* agri Oxoniensis inventus est.

TITULUS

TITULUS XXIII.

*Echinites Ovarium.**Ex D. Plott Fig. 5. Tab. 5.*

Juxta Teynton agri Oxoniensis inventus est.

TITULUS XXIV.

*Echinites ovarium parvum.**Ex D. Plott Fig. 6. Tab. 5.*

A Proximè superiore differt, quòd huic exiguo æquè
 magna Tubercula, at multo pauciora.
 Ibidem ubi proximè superior repertus est.

TITULUS XXV.

*Echinites velut laminis quinangularibus distinctus.**Ex D. Plott Fig. 3. Tab. 5.**An echinus lapis Aldrovandi de Testaceis lib. 3. cap. 40?**Descriptio.*

HUIC durities velut filicea: color subflavus: primùm
 quinis modicè rectis lineis divisus ex utraq; parte
 duplici punctorum serie exornatis, ab umbilico protube-
 rante in lapidis basi ascendentibus ad alterum similem in
 ejus vertice; sed rursus in modum foliaceo. Deinde rur-
 sus aliis quinis ferratis lineis subdivisus, antequam ad um-
 bilicum pertingant, finitis: quo fit, ut universa spatia li-
 neis interjecta quinquangula sint; ad similitudinem squa-
 marum ejusdem Testudinis.

Locus.

Juxta Stonor-house agri Oxoniensis inventus est.

CAP.

CAP. II.

De Echinitis, striis inaequaliter procedentibus.

TITULUS XXVI.

*Echinites è lapide Selenite, quinis radiis è duplici serie transuersarum lineolarum conflatis.**An 12. Tab. 2. D. Platt ?*

HIC mediocris lapis est; ex alterâ parte paululum *Descriptio.*
gibbus; ex alterâ, quam basin voco, planior est.
Deinde haud æqualiter rotundatur; sed ex alterâ ambi-
tûs parte paulo angustior est, ex adversâ parte sinu quo-
dam velut inter binas nates diducitur. Isti verò sinus mo-
dioli & umbilici à quibusdam appellantur.

Item huic quinæ velut fasciæ, inæqualiter procedentes,
è duplici serie lineolarum transuersarum conflata. Et ut
circa medium verticem incipiunt, ita ad mediam basin
rursus concurrunt; sc. utrobique sinu quodam cavo excipi-
untur.

Ipse autem lapis quasi Selenites est; adeò ex vario situ
radios instar Lunæ micantes spargit: ~~et~~ eum è laminis ad-
versum positis, extrinsecus certè, constare videtur; an
verò alia quædam materia his subsit, aut eadem laminæ ex
toto lapidem conficiant, periculum facere nolui, quòd hic
mihi solus lapis hujus generis sit.

In saxo albido calcario inventus est in quâdam Lapid-
cinâ juxta *Newton-Grange* agri Eboracensis: illúmque ab
amicissimo viro D^{no} *Cumber* acceptum fero. *Locus.*

TIT U.

TITULUS XXVII.

*Echinites præter quinque strías, annulis exiguis innume-
ris insignitus.*

Ex D. Plott Fig. 9, 10. Tab. 2.

HIC lapis materiâ quâdam è laminis conflata contegi-
tur; ipsæ a. laminæ obliquè positæ sunt.

Figura depressior est: subflavus. Ejus radii ex duplici
serie transversarum lineolarum constant: ex omni parte
exiguus annulis elegantissimè delineatis exornatur.

Locus.

Hi lapides juxta *Tangley, Fulbrook, & Burford* agri
Oxonienfis oppidula quàm copiosissimè reperti sunt.

TITULUS XXVIII.

Echinites præter radios & annulis duplicatis insignitus.

Ex D. Plott 11. Tab. 2. item 9. Tab. 7.

ENigro filice; radii autem è duplici punctorum serie,
quibus singulis singulæ transversæ lineolæ sunt; item
huic alia puncta in mediis annulis duplicatis; quorum
mediis spatiis simplex, à finitis verò radiis duplex ordo
procedit.

Puncta verò ita in mediis annulis posita, leviter tan-
tùm excavantur, at radii, ut ad medium lapidem exten-
duntur, ita profundè insidunt.

Juxta *Ashton Rowant* agri Oxonienfis inventus est.

TITU-

TITULUS XXIX.

Echinites, radiorum punctis versus marginem annulis ovalibus inclusis.

Ex D. Plott Fig. 14. Tab. 2.

HUIC lapidi Modiolus non intra radios, velut in superioribus conclusus est, sed ad marginem usq; extensus eminet; à quo centro velut duplices radii procedunt, è duplicatâ punctorum serie constantes, quæ versus marginem expansâ annulis simplicibus includuntur. Ipsi autem annuli, singuli binâ puncta circumambiunt, figurâ ovali sunt.

Extrinsecus cinereus; at intus è nigro silice constat.

Inter *Ewelme* & *Brightwell* agri Oxoniensis inventus est.

TITULUS XXX.

Echinites punctis prominentibus.

Ex D. Plott Fig. 1, 2. Tab. 3.

HIC lapis extrinsecus cinereus; intus è silice nigro. Huic umbilicus superiori similis est; radii autem ab eo descendentes ex toto differunt; horum autem universa puncta prominent, cum illorum cava sint: & cum illi in duplicatis virgulis punctisq; processerint, quæ prope marginem in ovalibus annulis inclusa sunt; horum duplicia puncta protuberantia, medio ad marginem itinere, in simplicia versa sunt, quamvis multo ampliora. Deinde cum jam radii simplicibus punctis procedentes & in umbilico, ex altera parte non mediâ basi posito, concurrentes

& diversimodè basin trajicientes, radiorum virgulis aliis brevioribus aliis longioribus, iridis florem quodammodo repræsentant.

Hujus verò lapidis partes protuberantes universæ cavæ sunt, ut ex earum fracturâ apparet : unde suspicari fas est, aliorum lapidum puncta profundiora olim elata fuisse, perinde ut in hoc ; at temporum injuriâ præfracta & detrita fuisse.

Juxta *Pyrtou* agri Oxoniensis inventus est.

ARTICULUS II.

De Lapidibus sine ullâ volutâ Turbinatis, levibus, in longum acumen fastigiatis ; plerisque ; Belemnitis dicti.

TITULUS XXXI.

Belemnites niger, maximus, basi foratâ.

Descriptio.

HIC prægrandis lapis est ; at quamvis ex iis ferè innumeros vidi, tamen paucos maximos integros. Unius fragmentum apud me servo quatuor digitos longum, & quod triuncialis linea vix circumambit.

Omnium, certè integrorum basis aliquousq; forata est ; reliquus verò lapis versus mucronem ex toto solidus est.

Partem vero cavam modò hæc, modò illa materia operiet : at quòd sit etiam naturaliter in aliquibus materia quædam, tanquam propria lapidis medulla, ex ejus concrementatione didici. Etenim Selenitæ instar in albissimam valentissimamq; calcem, medullâ exceptâ, ustulatur ; quæ tamen, etiam postquam ignem experta est, nigricat ; eaq; ex annulis quibusdam, Entrochorum more dispositis, constat.

In

In ipso verò lapide materia striis ad medullam tendentibus distinguitur.

Perfricatus cornu combustum aut quoddam bitumen olet.

Hi etiam interdum armaturâ ænei coloris micant; & tùm eatenus pyritæ naturam induunt.

Huic color niger; interdum pellucidus.

In tota illa agri Eboracensis regione montosâ, qui *Locus.* *Blackmore* appellatur, præcipuè abundat: item in Rivulo juxta *Bugthorp* & alibi reperti sunt.

N. B. Diu dubitavi, illâne solida horum lapidum fragmenta, quæ apud me sunt, & de quibus apud plerosq; hujusmodi Historiæ authores lego, alteram speciem constituent: ipsi mecum diligentius videant; ego admodum incertus sum, quo ea à superioribus distinguam.

TITULUS XXXII.

Belemnites minimus, ferè cujusdam succini instar & pellucidus & coloratus; quibusdam Lapis Lyncurius dictus.

HIC lapis rarè duos digitos longitudine explet; crassitie pennam anserinam haud superat. *Descriptio.*

Huic color succini æmulus; pellucidus.

Basis in hoc quoq; interdum leviter forata, sæpius solida est: ferè in acumen longum, velut ille alter maximus, fastigiatur: tamen variè etiam ex suâ naturâ definit; siquidem illud acumen modò tenue, modò ventricosius, modò obtusius est.

Præterea est ferè quædam fissura una aut plures tam in hoc, quàm in illo superiore lapide; est tamen ubi in utroq; desiderantur.

In hoc quoq; quædam inordinatæ striz ad centrum procedunt.

Locus.


Hunc lapidem plurimis in locis apud nos quàm copiosissimè inveni : at perpetuò in terrâ rubrâ ferreâ, sive ea mollior gleba, sive saxea sit.

In all the Cliffs, as you ascend the Yorkshire and Lincolnshire Wooldes for above 100 miles in compass ; as at Spiton, Lawnsborough, Castour, Tedford, Cawkwell.

N. Ad calculum, morbum regium, ventris tormina prodesse dicitur.

XXXX XXXII


G O C H.




33



33



34



37



38




39




36



40




41



42



43







44



44





COCHLITARUM ANGLIÆ

PARS II.

De Lapidibus Bivalvibus.

MEMBRUM I.

De Lapidibus bivalvibus, levibus.

ARTICULUS I.

De Lapidibus bivalvibus, levibus, utrâq; valvâ equè cavâ.

CAP. I.

De Conchitis, figurâ ex alterâ cardinis parte diffusiora.

TITULUS XXXIII.

Conchites major, rugosus, ad figuram triquetram accedens.

HIC lapis ad maximos accedit; scilicet à latere ad latus tres circiter digitos, à cardine ad imam oram duos tantum patet. *Descriptio*

Ipsè cardo ad alteram partem rotundam magis inclinatur; altera verò & adversa pars in acutiorem angulum longius procedit; adeò ut ad figuram velut triquetram accedit.

Sub ipso cardine ad rotundum angulum est quidam finis, in pleriq; altius foratus, cui similem in ullis animalium Conchis non animadverti.

Utrâq;

Utraq; valva similis & æqualis est; minùs in dorsum elata gibbæve; extrinsecus grandibus rugis transversis & inordinatis distincta.

Valvæ admodum crassæ & validæ sunt; è materiâ quâdam splendente, Selenitæ instar, constant, idq; in novissimè fractis luculenter observare licet. Huic lapidi color albidus, & interdum sublividus est.

Ex his multos bifores & integros invenio; at ex iis etiam sunt, quos disjunctos & naturaliter sigillatim concretos reperies.

Quemadmodum verò externâ facie, ita & internâ & concavâ sui parte satis benè animalium Conchas referunt; adeò ut summum naturæ artificium nunquam satis admirari possimus; scilicet quàm nihil ibidem desideretur, quod uspiam in viventium Testis observamus: nimirum eædem hic ad cardinem apophyses, etiam vinculorum sive Musculorum vestigia insignia, ut illis, sunt.

Locus.

Ex his multos è ripis rivuli juxta Bugthorp effodimus; aliòsq; in arena maritimâ juxta Scarborough invenimus.

TITULUS XXXIV.

Conchites sublividus, ex alterâ parte velut mucronatus, ex alterâ subrotundus, è rupibus aluminosis.

Descriptio.

HIC lapis rarò nucem majusculam ex avellanâ excedit; quamvis id genus decuplo majores vidi. At hic, quem è multis centenis maximum elegi, à latere ad latus digiti tantum implet; à cardine verò ad imum marginem digiti quartâ parte minor est.

Extrinsecus admodum gibbus, & ventricosus est.

Ex alterâ parte subrotundus, in quam cardo positus est; & alterâ adversâ in acutum mucronem producitur; ab eâ quoq;

quoque parte finis est, in quo medio quasi quædam acies
eminet: quâ solâ notâ, ab omnibus Animalium Conchis,
quantum notavi, discernendus est.

Huic color sublividus est, perinde ut tota rupes unde
exemptus est.

Ex toto lævis est: materia, quâ constat, Selenitæ instar
micat; admodum crassa est.

Hos biformes integròsq; semper inveni.

Horum lapidum ingens copia in rupe aluminosâ, juxta *Locus.*
Whitby, reperitur.

TITULUS XXXV.

*Conchites leviter rugosus, depressior, figurâ quodammo-
do Musculorum è fluviatilibus, è Ferri fodinis.*

HIC lapis inter mediocres numerandus est: sesqui- *Descriptio.*
digiti latus; à cardine verò ad intum marginem
vix digitum attingit.

Ipsè cardo ad alteram partem, quæ etiam rotundatur,
magis spectat; ex adversâ verò parte in acutiorem angu-
lum procurrit; depressior est: atq; hæc omnia ad modum
quorundam Musculorum Fluviatilium.

Leviter rugosus est: huic color interdum subniger;
serè cinereus: pars crustacea, animalium testis respondens
modicè crassa est; ac novissimè fracta, Selenitæ instar re-
splendet.

Innumeros unâ concretos vidimus in quodam lapide *Locus.*
nigro, ad carbonum fossilium naturam accedente; iis-
démq; fodinis non longè à celebri oppido *Hallifax* effosso.

Item in similibus fodinis prope *Leedes* ejusdem agri.

Idem Conchites in Ferri fodinis juxta *Adderton*, & in
vicinia *Bently*: ubi ingentia saxa ex hoc conchita cum
ferri

De Lapidibus Bivalvibus.

ferri metallo commista habentur; adeoque iidem conchitæ, quatenus cavi sunt, ferri glebam in se continent.

Hæc autem saxa nostri homines in laminas secant, & in pulcherrimum marmor lævigant: ex his Menfas in Villa *Whitley-hall* dictâ admodum venustas vidimus.

CAP. II.

De Conchitis ex utraq; parte æqualiter diffusis; at ab ipso cardine ad oram angustioribus.

TITULUS XXXVI.

Conchites albidus, oblongus & angustus.

Descriptio.

HIC lapis duos circiter digitos longus est; at admodum angustus, instar filiquæ fabæ equinæ. Utraq; valva similis, & modicè elata est in dorsum; item utraq; pars in acutiorem angulum similiter procedit.

Ipse verò cardo longior & planior est; ex adverfo oræ subito extenuantur.

Materia, è qua constat, cuidam micanti fluori similis est; lapidemq; in se calcarium albidum complexus est.

Pholades apud Aldrovandum depictos multum refert.

Locus.

Hos in Lapidicina juxta *Newton* in vicinia *Hemsley* agri Eboracensis, ferè in summis saxi stratis invenimus.

CAP.

CAP. III.

De Conchitis à cardine ad imum marginem demissivibus.

TITULUS XXXVII.

Conchites maximus, margine lato, & ad alteram ejus partem sinu amplo donatus.

HIC lapis inter maximos numerari debet. In diametro duos digitos & dimidium implet; at ex his duplo minimum majores & ingentes lapides vidimus; at truncatos. Description.

Ejus margo five ima ora latissima rotundatur, ipsius cardinis umbones exigui, utrinque æquales, & modicè rostrati: ad alteram cardinis partem amplius sinus, ex introrsum depressis testis est; ex adversà verò parte potius leviter eminet.

Modicè gibbus est: huic color cinereus, albidus; lævis est; si striæ quidem sint, visum ferè effugiant.

Quod in hoc lapide Testæ respondet, admodum tenue & tenerrimum est. Interdum argillam induratum, interdum saxum calcis, interdum metallum ferri in se continent.

Ex his aliquot bifores, alios verò plurimos univalves five singulares invenimus.

Hos lapides in rivulo juxta *Bugthorp*, item in Lapidicina juxta *Lawnborough*, maximos verò juxta *Brusse* agri Eboracensis oppidula & alibi in ferri fodinis invenimus. Locus.

Item alicubi est in vicinia *Crake*, ubi iidem marmor elegans quoddam cinereum constituunt.

TITULUS XXXVIII.

Conchites rugosus, ad figuram quodammodo Musculi marini; è silice propriè sic dicto.

Descriptio.

HIC lapis admodum imperfectus est: tamen, quòd illum sic tantum sæpè invenimus, utiq; describendus esse videtur.

Inter majores ponendus est. In diametro paulo amplius duos digitos colligit. Ejus margo rotundari videtur: ad cardinem verò paulatim angustior est & quodammodo rostratus ad modum Musculi marini.

Admodum rugosus est; eiq; color ferrugineus aut subflavus, qualis extimus ferè lapis est.

Biforem illum, imò ne alteram quidem è valvis ex toto perfectam, nusquam inveni.

Illud maxime notandum est. in hoc lapide, nihil esse, quod Testæ simile sit, præter ipsam figuram; cum ex toto solidus is sit, & siliceus, & sine omni crustâ; adeoq; pura puta figura est, à vi lapidis insita effigiata.

Locus.

Plurimas velut pilas, aut lapides quam proximè sphaericos juxta *Bugthorp*, & alibi in vicinis agris collegi: hi vero meri silices albidii sunt.

Ac in his mediis de industria fractis jam descriptorum, Conchitarum figuras sæpius observavimus.

TITULUS

TITULUS XXXIX.

Conchites Mytiloides.

Ex D. Plott Fig. 1. Tab. 5. an 2. ejusdem Tabulæ?

HI lapides cavi non sunt ; sed terrâ quadam lapidosâ
flavescente referti : extrinsecus armaturâ quâdam
albâ resplendente contexti ; longisq; lineamentis ex lapi-
dis figura donati.

In effodiendo puteo juxta *Gleydon* agri Oxoniensis in-
venti sunt.

CAP. IV.

*De Conchitis insigniter Ventricosi ; quibusdam Bucar-
ditæ dicti.*

TITULUS XL.

Bucardites ex albido flavescens, levis.

Ex D. Plott Fig. 2. Tab. 7.

IN lapidicinis juxta *Heddington* agri Oxoniensis copio-
sè reperti.

TITULUS XLI.

Bucardites costis donatus.

Ex D. Plott Fig. 3. Tab. 7.

EX his aliquot habuit Author, 2. libras pendentes, de-
cémq; digitos in ambitu.

De Lapidibus Bivalvibus.

Juxta Brise Norton & Witney, & North-Leigh agri
Oxonienſis inventi.

TITULUS XLII.

Euocardites reticulatus.

Ex D. Plott Fig. 4. Tab. 7.

HIC lapis elegantiffimè reticulatus eſt ex quodam
lapide albeſcente alicujus fluoris inſtar. Quamvis
ad dimidium ferè præfractus, 20 tamen libras pende-
bat.

Locus.

In cujuſdam collis jugo ad plagam orientalem oppiduli
Shetford agri Oxonienſis.

ARTICULUS II.

De *Conchitis levibus, anomis, i. e. valvis magnitu-
dine & figurâ, aut utroq; modo inequalibus, diſſi-
milibusq;.*

CAP. I.

De Lapidibus *Oſtreorum in modum figuratis.*

TITULUS XLIII.

Oſtracites maximus, rugoſus & aſper.

19. Tab. 4. D. Plott.

Deſcriptio.

HIC ingens lapis eſt, ponderoſus, validus, admodum
cräſſus, certè quàm longiffimè ſupra modum om-
nium Conchyliorum. Haud

Haud primâ facie Ostreo vulgari adeò dissimilis, quin minùs diligentes, harúmque rerum imperitos decipere possit.

Figurâ subrotundâ est, quaquaversus mensuratus in diametro ad tres, aliquando ad 5. digitos patet: sesquidigitum crassus; de aliquibus, quos apud me servo, loquor; nam ex his etiam minutulos vidi.

Ex his alii valdè cavi sunt; adeoque in dorsum gibbi; alii & omnium longè maximi parùm cavi. Intus verò læves; in quâ parte etiam quædam non obscura velut vinculorum vestigia.

Extrinsecus autem admodum rugosi, plerique & asperi: modò sublividi: modò albidi.

Neque illud tacendum duxi, ibidem velut quoddam vermiculatum opus aliquando adhærere; perinde ut in Testis quibusdam marinis observamus.

Materia, quæ Testis respondet, verè ex naturâ Selenitæ est.

Bifores integros adhuc non vidimus; ut de alterâ è testis, an sit inæqualis, nihil certum statuere possumus; tamen quia Ostrea quàm proximè referant, illos se Ostreorum more habere, si quando uspiam integri reperiantur, nihil dubito.

Item his umbo ad cardinem leviter rostratus est, qui tamen in ostreis paulùm aliter est.

Hi lapides juxta oppidum celebre *Huntington* copiosè Locus. reperiuntur; qui ferè sublividi sunt, & cavi.

Item in Lapidicinâ juxta *Hinderskelfe* agri Eboracensis, ex iis, magnitudine & pondere & crassitie præ cæteris insignes ipse eximi: at hi albidi & parùm cavi fuerunt; & qui ad ostrea vulgaria multo magis accederent.

TITULUS XLIV.

Ostracites minor, cardine angustiore, & ad unum paulo minus latus, quàm ipsa parte mediâ; musculi marini instar.

Descriptio.

HIC quoq; lapis anomius est, & uncialis, pro magnitudine validus, modicè in dorsum elatus.

Iple cardo angustior est, à quo paulatim latefcit; at ipso ambitu rursus paulo strictior est, ad modum musculi marini.

Leviter rugosus & albidus est.

Utraq; valva paululùm gibba est.

Locus.

Biforem illum semper inveni, & in rivulo juxta *Eugthorp* agri Eboracensis.

CAP. II.

De Conchitis levibus, valvis disparibus, rostratis.

TITULUS XLV.

Conchites anomius rugosus, rostro subtereti & insigniter adunco donatus.

18. Tab. 4. D. Plott.

Descriptio.

HIC lapis maximis annumerandus est; utpote qui tres digitos minimum longus est, validus, admodum crassus.

Huic figura subteres & angustior est; à rostro paulatim latefcit, ambitu rotundo finitur.

Rugosus;

Rugosus ; est etiam quædam singularis lacuna sive sulcus, ad alteram tantum partem leviter impressus, à cardine ad imam oram procedens.

E valvis altera insigni rostro adunco donatur ; altera planior, & figurâ & magnitudine ita dissimili, ut potius alteræ operculum quoddam esse videatur, perinde ut in quibusdam Turbinibus marinis observamus ; illud tamen obstat, ut cum ea opercula ipsis animalibus non conchis jungantur, hæc nostra alteræ per ginglymon connexa sit.

Huic color ferè albidus, interdum sublividus ; materia ex fluorum natura.

In utraq; valva muscoli quædam vestigia & lata & admodum profundè insculpta, adeoq; maximè conspicua sunt.

Ex his tortè paucos bifores & integros inveni, quos apud me servo ; at multo sæpius singulares occurrunt. Imò Opercula (ita ea nobis distinctionis causâ, appellare liceat) in aliquibus locis sola reperiuntur, ut in Lapidicina juxta *Hinderskelfe* & alibi in vicinia : ubi ex his plurima, at sine ullo conchite adunco, quantum observare licuit. Itaq; cave sis opercula alteram lapidis speciem facias ; aut ullos Conchitas singulares reputes, quod integri & bifores nondum tibi occurrerunt. Mihi quidem illud credibile est, Cochlitæ, ut aliquando, temporis & loci injuriâ, mutilari possint, ita eisdem modò integros, modò ex dimidiâ, aut minore sui parte etiam naturaliter concretos esse. At quomodocunq; ab integritate deficient, suum tamen perpetuò characterem, si benè intelligatur & attendatur, exprimunt.

Hi lapides plurimis in locis agri Eboracensis longè omnium copiosissimè habentur. Ut in rivulo juxta *Bugthorp* & in vicinia in Lapidicinis juxta *Lawnsborough* &c. Item juxta *Burton Stather* agri Lincolnienfis & in vicinia ejus oppiduli, &c. Loca.

TITULUS XLVI.

Conchites anomius, rostro prominulo, & veluti pertuso donatus.

De purpura
p. 22.

*Concha anomia, i. Vertice rostrato Fab. Columna.**

Fig. 8. Tab. 4. D. Plott.

Descriptio.

HIC lapis è minoribus est, à vertice ad imum marginem circiter digitum explet; at latitudine ex tertiâ parte minor est. A vertice paulatim latescit; imus ambitus rotundatur. Plerique compressiores sunt; at ex his aliquot ventricosiores vidimus. Utraq; valva in dorsum modicè elata est; ea verò media, quæ vertice rostrato donatur, propius rostrum, in quoddam fastigium leniter eminet. E valvis altera vertice prominulo donatur, rostrive alicujus adunci in modum; is verò veluti pertusus & subteres est.

Ferè a. in hoc lapide, ea pars, quæ testam refert, admodum tenuis & albida est, fluorisq; cujusdam micantis æmula. At in iis sunt, qui ex toto solidi & pellucidi sunt, id genus silicum instar, quos nostri *Pebles* appellant.

Alii verò, qui cavi sunt, interdum ferri glebam, interdum crystallos quosdam continent.

Ex his nullum nisi biforem adhuc inveni.

Locus.

Horum lapidum ingentem copiâ in quâdam fossâ fabulosâ juxta *Gunnerby*, uno circiter milliaro ab oppido celebri *Grantham* invenimus.

Nihil uspiam inter marinas Conchas huic simile inventum est. Ita Fabius Columna è Nobilum Italarum stirpè;

Mirum quidem, inquit ille, hujusmodi Testas recentes & vivas hodie non reperiri; quamobrem è longa maris alluvione profectas & advectas censemus potius, quàm naturam defuisse similes parere.

TITU-

TITULUS XLVII.

Conchites anomius tenuis & compressior, latiusculo & rotundo ambitu.

HIC lapis inter minores ponendus est; circiter digitum latus, à cardine verò ad imum ambitum paulo minor est. Ipse cardo in medio lapide ponitur, ut neutram partem magis spectet; latera latiuscula, utrinque, æquè rotundantur. Descriptio.

Huic præterea figura tenuis & compressa est.

In anomis rostratis numerari debet; quòd in alterà valvâ huic vertex leviter propendens; & cui submissior vertex est, ejus media pars paulo minùs in dorsum elata est.

Lævis est & colore sublivido.

Hos Lapidés in saxo plumbifero regionis montosæ *Cra-* Locus.
ven dictæ, juxta *Stock & Braghton* inveni.

MEM-

MEMBRUM II.

De Lapidibus bivalvibus, striatis.

CAP. I.

De Lapidibus bivalvibus, striatis, auriculis, quibusdam
Pectinatis disti.

TITULUS XLVIII.

An 10. 12. 13. Tab. 4. D. Platt?

Descriptio.

Hic lapis, quem describo, exiguus est, viz. Unctis;
at ex his apparet videri, quod duos digitos à vertice ad
inum ambitum impleant.

Huic auriculæ striatæ; at in hoc striæ & raræ & emi-
nentes; item illas aliæ lineolæ exiguæ & capillares traji-
ciunt.

Pectinum more paulatim à cardine latescit & imo am-
bitu rotundatur; admodum leviter gibbus est.

Hunc lapidem nusquam biforem adhuc inveni; at sæ-
pius bifectivum, vel auriculis, vel majore etiam sui parte;
quique sic quidem consideranti facile agnoscendus esset.

Huic valde tenuis materia crustacea; at ex natura Sele-
nitæ cujusdam.


Huic color sublividus, sæpius ferrugineus, & albidus.

Locus.

In Lapidicinis saxi albidii calcarii, quæ juxta *Hinder-
skelse* & *Thornton*, in vicinia *Pickering* agri Eboracensis,
copiose habentur.

TITU-

54




54



48



49



51




52




50




53



55



56




57



53



57



58



59



TITULUS XLIX.

Pectinites membranacea, dense striata, & pyrite in lapide nigro fissili.

HOS lapides meras imagines aut pectinum umbras a- Descriptio.
liquis jure dicat; certe vix aliud, nisi eorum figu-
rae in Pyrite membranaceo sunt.

Ipse autem lapis, in quo delineati sunt, niger & fissi-
lis est; scilicet e multis tenuissimis laminis, altera altera
superinjecta, singulaeq; ad crassitudinem pergamenti, con-
stant. In singulis autem laminis horum Pectinitarum plures
Figurae eleganter admodum effigiantur; aliae minutae; a-
liae majusculae; aliae integrae; aliae ex parte tantum; at
universae sibi similes sunt.

Ex his majores in diametro duos digitos implent; in
quibus striae admodum crebrae & minutae; etiam eadem
in auriculis similiter. Hae autem minime eminent, ut nec
ipsi Pectinitae ullâ ex parte; imò prorsus Tabulam pictam
aut figuram chartae impressam repraesentant.

Multi videntur ex auro resplendent; adeo ut in iis certè,
si quae materia subest, ea ex pyrite est.

Ex fodinis carbonum Fossilium juxta *Halsfax*.

Locus.

TITULUS L.

*Pectinites minor, striis capillaribus densiusculè fuso
calcario plumbifero.*

HIC omnium longè elegans lapis est propter strias ca- Descriptio.
pillares. In minoribus numerandus est; sc. dimi-
dium

dium digitum à vertice ad imum ambitum implet; à latere vero ad latus paulo amplior est.

In dorsum modicè elatus: in quo medio in quibusdam quædam Lacuna à vertice ad imum ambitum procedit.

Strias & aures itidem striatas, pectinum more, habet; at hæ striz adeò minutæ & creberrimæ sunt, ut visum, minùs certè curiosum penè effugiant; singulæ ad capillorum minutiam.

Huic aures pro lapidis modo amplæ; is valdè tenuis & fragilis est; sublividus, & instar Selenitz noviter fractus renitet.

Plurimos hujus generis lapides in ripa Lapidosa Rivuli per oppidulum *Stock* regionis montosæ *Craven* dictæ trancurrentis inveni. Item à *Beresford* agri Staffordiensis alios habui.

Hunc biforem nondum vidi.

TITULUS LI.

Pectinites striis duplicibus & tenuissimis & densissimis, & aequè profundè insculptis; ex quibus quæ secundum lapidem longitudinem procedunt, ad cardinem, ut in aliis pectinitis sit, non concurrunt; alie verò transversæ singulæ ad cardinem spectant.

Huic color subrufus; suæq; auricula sunt.

Ex D. Plott Fig. 11. Tab. 4.

IN lapideinis oppiduli *Heddington* agri *Oxoniensis* reperiuntur.

CAP. II.

*De Lapidibus bivalvibus, striatis, non auritis; à me
Pectunculitæ nominati.*

TITULUS LM.

*Pectunculites, densissimis & minùs profundè insculptis
striis donatus.*

An Fig. 3. Tab. 4. D. Platt?

HIC lapis inter mediocres numerandus est; ei color
subrufus. Cætera in Titulo expressi.
Hunc biforem, & vix integrum hætenus vidi.
In Rivulo juxta Bugthorp inventus est.

TITULUS LML

*Pectunculites cinereus, striis ferè ad alteram è vertice
partem inclinatis.*

An Fig. 14, 15, 17. D. Platt?

HIC lapis mediocribus annumerandus est; rarè sef-
quiuncialis; paulo magis tamen in longitudinem
patet, quæ à vertice ad imum ambitum reputanda est; ex
alterà ferè parte paulo productior est; & in hanc & striæ
& vertex inclinari videntur.

Ipse verò striæ distinctè eminent & modicè densantur.

Leniter gibbus est: colore albido: ex tenui materiâ
Selenitæ æmula.

Biforem adhuc nullum vidimus, at biforem esse credi-
bile.

bile est ex parte producta; quæ ex parte diversa in aliis atq; aliis producitur.

Locus.

In Lapidicinis è saxo calcario albedo juxta *Lawsborough* & *Whitwell* agri Eboracensis sat copiose reperitur.

TITULUS LIV.

Pessunculites albidus, striis admodum distinctis & c. latius, ex utraq; parte gibbus, at ex altera paulo planior: è collibus cretaceis.

Descriptio.

HIC integer & admodum elegans lapis est; modice magnitudinis: scilicet à vertice ad imum marginem circiter duos digitos colligit; à latere ad latus paulo minor est.

Ab ipso vertice paulatim latefcit; ambitu rotundo desinit; qui à frequentibus etiam striis ibi finitis denticulatur.

Ipsæ striæ & crebræ & multum eminentes, distinctissimæq; ad summam elegantiam sunt. Item sunt quædam transverſæ velut Falciarum imagines. Ex utraq; parte modice gibbus est, at ex alterâ parte paulo depressior; in quâ parte ipsæ etiam striæ hîc & illic rarioribus quibusdam Tuberculis exasperantur.

Ea materia, quæ testam refert, & tenuis & albida est, & fluoris cujusdam instar lucida.

In se complectitur cretam albam.

Locus.

In collibus cretaceis juxta *Repton* agri Cantabrigiæ inventus est.

libro est merodis in pumibiv nullari canthe mironid aliid

TITULUS IV.

Reclinantes subpharicus, è saxo calcis plumbifero.

EX his lapidibus unum, nec illum biforem, ingentis magnitudinis apud me servo: at reliqui omnes, quos vidi, mediocribus annumerari debent; quorum minorum unus in Tabula depictus est.

Description.

Hic verò, qui omnium sui & aliorum generum Cochlearum bivalvium facillè maximus est, infantis caput æquat; nimirum à vertice ad imum marginem senos minimum digitos implet; à latere verò ad latus, propter figuram rotundam, vix septem digiti circumambiunt. In dorsum maxime eminet, & in modum orbicularem gibbus est. Item in illo prægrandi Cochleæ, de quo jam loquimur, singulæ etiam striæ, pro lapidis magnitudine, minimum ferè digitum crassitie implerent. At in modicæ magnitudinis lapidibus striæ & minutiores & minus eminent.

Ipsæ quoque vertex admodum incurvatur. Hic color sublimbus est.

Ex his maximus juxta *Keighley* inventus est: alii aliis in locis regionis montose *Green* dictæ in saxo calcis sublivo, plumbiferoque, reperti sunt. Item alios habui ex agro Staffordiensi in saxo calcis cinereo, eoque tamen etiam plumbifero.

Locus.

TITULUS XVI.

Reclinantes anomis, cui insignis quadam Lacuna per medium dorsum rectè procedit.

13. Tab. 3. 6. Tab. 4. D. Plott.

HIC lapis modicæ magnitudinis est; à latere ad latus ferè sesquidigitum explet; à vertice ad imum ambitum.

Description.

De Lapidibus Bivalvibus.

bitum uncialis est. In dorsum modicè elatus.

Medium dorsum profundior quædam lacuna rectà dividit; item ad imam illam lacunam ipse margo labri cuspisdam instar paulo productior est. Reliquæ etiam striæ amplæ & torosæ.

Ipsè vertex ex altera parte paulo angustior & aliquantulum rostratus est; adeoq; inter anomios ponendus est.

Juxta cervices quasi humeri acuti eminent, ut in pectinitis, si aures iis demptæ essent.

Insignem crassitudinem horum lapidum, quâ parte testas referunt, satis mirari nequeo; certè multum supra modum omnium viventium Concharum. At his eadem ferè materia, quæ reliquis plerisq; figuratis corporibus, in iisdem rupibus inventis, ut Trochitis, de quibus alibi * fuisse tractavi, sc. è cujusdam fluoris natura.

Ex his innumeros in saxo calcario sublivido, plumbiferisq; quodam oppidulo regionis *Craven*, *Stock* dicto inveni. Ubi omnes, quantum vidi, singulares fuerunt.

At ex agro Staffordiensi biformes cinereos habemus; & ex ipsis submarinis rupibus juxta *Scarborough* biformes solidos, pellucidos, & quasi filiccos ipse exeni.

Imò unum apud me servo ex filice propriè sic dicto albo & non pellucido, quod experimentum de chalybe captum abundè testatur.

N. B. Reliquis omnibus, exceptis iis, qui juxta *Stock* inventi sunt, isti humeri angulosi deesse videntur; imò aliquibus & labrum & lacuna haud ita conspicua sunt; eadem varietates plurimas in crystallis quibuscunq; observare licet.

* Philosoph.
Transact. dict.
D. Oldenburgh
n. 100. p. 6181.
Locus.

TITU

TITULUS LVII.

*Pectunculus anomus trilobus. Concha altera anomia striata τριλοβος rarior. I. Fab. Col. **

* De purpura,
p. 22.

HUIC lapidi rara admodum Figura est, & cui similis nusquam, quod novi, inter conchas viventes, reperitur; ut autem rara, ita haud inelegans forma est.

Huic modica magnitudo est; maximam è multis describam; à vertice ad imum ambitum digitalis, at paulo latior est.

Utraq; valva quasi triloba est; at inter se dissimiles; siquidem è valvis illa, quæ ventricosior, minor est, eademq; sub alterius vertice leviter rostrato inseritur: hujus verò minoris media pars multum protuberat, versusq; imum ejus marginem duæ hinc inde lacunæ, in plerisq; satis depressæ, illam quasi in tres lobos diducere videntur; at ea tamen una est, quamvis, ut rectè Fabius Columna, è tribus testis simul junctis constare videtur.

Alterà è valvis, cujus vertex rostratus est, medium lorum in sinum amplum depressum & paulo productionem habet: duo autem ejus reliqui lobi & paulo breviores sunt & admodum eminent. Hæc parte, inquit Fab. Columna hic conchites Aviculam alis expansis incurvam representare videtur.

Striarum & modus & numerus minùs certus est; siquidem in aliis pauciores, in aliis crebriores & minùs elatæ videntur: in plerisq; margines denticulantur ob strias eò usq; productas & ibidem profundius sulcatas: è contrà versus verticem eadem striæ leviter insculptæ, & penè oblitterantur.

Ex his alii crustis Selenitæ cujusdam æmulis conteguntur, glebam aluminosam, aut ferream, aut alterius nescio

K k

cujus

cujus naturæ terram complexi: alii ex toto solidi, pellucidi, quasi silicei.

Hos lapides bifores integrósq; semper & ubiq; invenimus. At ex his tamen alii multi fere plani & sine lobis sunt; alii vix striis donati.

Locus.

Hic lapis in multis Angliæ locis frequens est: ut in Fossis fabulosis juxta *Gunnerby* agri Lincolnienfis. Item in saxo plumbifero agri Derbientis. Item in submarinis rupibus aluminosis ad *Spiton* agri Eboracensis.

TITULUS LVIII.

Pectunculites striis latiusculis undatis, concubus. This dactnam Aldrovandi quodammodo referens.

Ex D. Plott Fig. 4. Tab. 4.

HUNC juxta *Great Rolmighs* agri Oxoniensis in argillâ sublivida; è quâ constare videntur: maverit; tamen aeneâ resplendente ex parte convegitur.

TITULUS LIX.

Pectunculites striis densis & minutis transversis atrolaribus, utraq; valva admodum gibba.

È solido lapide cinereo, quale est ipsum saxum, è quo exemptus est.

Ex D. Plott Fig. 5. Tab. 4.

HIC lapis in Lapidicinis juxta *Hedlington* agri Oxoniensis inventus est.

E I N I S.

Typographorum lapsus sic corige.

P Ag. 8. lin. 9. lege eos. p. 25. l. 1. adde folii cuiusdam, p. 28. l. 25. dele verò.
p. 29. l. 23. leg. minimè, tantùm juxta ovorum, p. 33. l. 4. dele quodd, leg.
ut, p. 39. l. 9. leg. nimirum; *ibid.* l. 30. leg. viridia, p. 41. l. 15. leg. trans-
veria, p. 42. l. 6. leg. ipsius, p. 48. l. 3. leg. nudari; *ibid.* l. 4. leg. qui, p. 112.
leg. ipsum, *idem* ad p. 136, 137. 125. 140. p. 113. l. 25. leg. multiplici, p. 124.
l. 6. leg. hæ, p. 132. l. 10. leg. cæruleus, p. 133. l. 16. leg. clauduntur, p. 141.
l. 21. leg. conchylis; & l. penult. conchylia, p. 155. l. 10. leg. dicta, p. 181. l. 4.
leg. expositum; *ibid.* l. 12. leg. alto, p. 194. l. 12. leg. pyloride. *Prefat. in Cochliis*
ultim. pag. l. 13. leg. assequutus, p. 205. l. ult. leg. crassius.

Et si quæ alia Errata sunt, candido Lectori emendanda
permittuntur.

Ad 28
